

15

DAD AU
CIÓN GE

63

OFFICIUM
IN
PHAMI
DOMINI

BX2015

.2

.A2

1890

c.1

00746




1080020501

EX LIBRIS
HEMETHERII VALVERDE TELLEZ
Episcopi Leonensis



70



U A N L



UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS



Iglesia Católica


OFFICIUM

IN EPIPHANIA DOMINI

ET PER TOTAM OCTAVAM,

SECUNDUM

MISSALE ET BREVIARIUM ROMANUM



Capilla Alfonsina

MECHLINIÆ. *Biblioteca Universitaria*

H. DESSAIN,

SUMMI PONTIFICIS, S. CONGREGAT. DE PROPAGANDA FIDE
ET ARCHIEPISCOPATUS MECHLINIENSIS-TYPOGRAPHUS.

M. D. CCC. XC.

44258

UNIVERSIDAD AUTÓNOMA DE NUEVO LEÓN

DIRECCIÓN GENERAL DE BIBLIOTECAS

BX2015

• 2

• A2

1890



FONDO EPITAFIO
VALVERDE Y TELLEZ

82844

OFFICIUM

IN

EPIPHANIA DOMINI.

IN I. VESPERIS.

Pater noster. Ave, María.

Ŷ. Deus, in adiutorium meum intende. **R.** Domine, ad adjuvandum me festina. **V.** Gloria Patri, et Filio, et Spiritui sancto. **R.** Sicut erat in principio, et nunc et semper, et in sæcula sæculorum. Amen. **A**llelúia.

Aña. Ante luciferum genitus, *
et ante sæcula, Dominus Salvator noster hodie mundo apparuit.

Psalmus 109.

Dixit Dominus Domino meo : *
Sede a dextris meis.

Donec ponam inimicos tuos, *
scabellum pedum tuorum.

Virgam virtutis tuæ emittet
Dominus ex Sion : * dominare in
medio inimicorum tuorum.

007103

Tecum principium in die virtutis tuæ in splendoribus sanctorum : * ex útero ante luciferum genui te.

Juravit Dominus, et non poenitebit eum : * Tu es sacerdos in ætérnum secúndum órđinem Melchisedech.

Dominus a dextris tuis, * confrégit in die iræ suæ reges.

Judicabit in nationibus, implebit ruínas : * conquassabit capita in terra multorum.

De torrente in via bibet : * propterea exaltabit caput.

Glória Patri, et Filio, * et Spiritui sancto.

Sicut erat in principio et nunc et semper, * et in sæcula sæculorum. Amen.

Hic versus Glória Patri semper dicitur in fine omnium Psalmorum nisi aliter notetur.

Aña. Ante luciferum genitus, et ante sæcula, Dominus Salvátor noster hódie mundo apparuit.

Aña. Venit lumen tuum, * Jerúsalem, et glória Domini super te orta est : et ambulábunt gentes in lumine tuo, allelúia.

Psalmus 110.

CONFITEBOR tibi, Domine, in toto corde meo, * in consilio justorum, et congregatióne.

Magna ópera Domini : * exquisita in omnes voluntates ejus.

Confessio et magnificéntia opus ejus : * et justitia ejus manet in sæculum sæculi.

Memóriam fecit mirabilium suorum, miséricors et miserátor Dominus : * escam dedit timéntibus se.

Memor erit in sæculum testamenti sui : * virtútem óperum suorum annuntiábit pópulo suo.

Ut det illis hereditátem gentium : * ópera mánuum ejus veritas, et judícium.

Fidélia ómnia mandáta ejus : confirmáta in sæculum sæculi : * facta in veritate et æquitáte.

Redemptionem misit populo suo : * mandavit in ætærum testamentum suum.

Sanctum et terribile nomen ejus : * initium sapientiæ timor Domini.

Intellectus bonus omnibus scientibus eum : * laudatio ejus manet in sæculum sæculi.

Aña. Venit lumen tuum Jerusalem, et gloria Domini super te orta est : et ambulabunt gentes in lumine tuo, allelúia.

Aña. Apertis thesauris suis, * obtulerunt Magi Domino aurum, thus, et myrrham, allelúia.

Psalmus 111.

BEATUS vir, qui timet Dominum : * in mandatis ejus vollet nimis.

Potens in terra erit semen ejus : * generatio rectorum benedicetur.

Glória et divitiæ in domo ejus, * et justitia ejus manet in sæculum sæculi.

Exortum est in tenebris lumen rectis, * misericors, et miserator, et justus.

Jucundus homo qui miseretur et commodat, disponet sermones suos in judicio : * quia in ætærum non commovetur.

In memoria æterna erit justus : * ab auditiõne mala non timebit.

Paratum cor ejus sperare in Domino, confirmatum est cor ejus : * non commovetur donec despiciat inimicos suos.

Dispertit, dedit pauperibus : justitia ejus manet in sæculum sæculi : * cornu ejus exaltabitur in gloria.

Peccator videbit, et irascetur, dentibus suis fremet, et tabescet ; * desiderium peccatorum peribit.

Aña. Apertis thesauris suis, obtulerunt Magi Domino aurum, thus, et myrrham, allelúia.

Aña. Mária et flumina, * bene-

dícite Dómino : hymnum dícite,
fontes, Dómino, allelúia.

Psalmus 112.

LAUDATE, púeri, Dóminum : *
laudáte nomen Dómini.

Sit nomen Dómini benedíctum,
* ex hoc nunc, et usque in sæcu-
lum.

A solis ortu usque ad occásum :
* laudábile nomen Dómini.

Excélsus super omnes gentes
Dóminus, * et super cœlos gló-
ria ejus.

Quis sicut Dóminus Deus no-
ster, qui in altis hábitat, * et hu-
mília respicit in cœlo et in terra ?

Súscitans a terra inopem : * et
de stércore érigens páuperem :

Ut cóllocet eum cum princípí-
bus, * cum princípibus pópuli sui.

Qui habitáre facit stérilem in
domo, * matrem filiórum lætán-
tem.

Aña. Mária et flúmina, benedí-
cite Dómino : hymnum dícite,
fontes, Dómino, allelúia.

Aña. Stella ista * sicut flamma
corúscat, et Regem regum Deum
demónstrat : Magi eam vidérunt,
et magno Regi múnera obtulé-
runt.

Psalmus 116.

LAUDATE Dóminum, omnes gen-
tes : * laudáte eum, omnes pó-
puli.

Quóniam confirmáta est super
nos misericórdia ejus, * et véri-
tas Dómini manet in ætérnum.

Aña. Stella ista sicut flamma
corúscat, et Regem regum Deum
demónstrat : Magi eam vidérunt,
et magno Regi múnera obtulé-
runt.

Capitulum. Isaia 60.

SURGE, illumináre, Jerúsalem :
quia venit lumen tuum, et
glória Dómini super te orta est.

R. Deo grátias.

Hymnus.

CRUDELIS Heródes, Deum
Regem veníre quid times ?
Non éripit mortália,

Qui regna dat cœlestia.

Ibant Magi, quam viderant,
Stellam sequentes præviam :

Lumen requirunt lumine :

Deum fatentur munere.

Lavâcra puri gurgitis

Cœlestis Agnus attingit :

Peccata, quæ non detulit,

Nos abluendo sustulit.

Novum genus potentiae :

Aquæ rubescunt hydriæ,

Vinumque jussa fundere,

Mutavit unda originem.

Jesu, tibi sit gloria,

Qui apparuisti Gentibus,

Cum Patre, et almo Spiritu,

In sempiterna sæcula. Amen.

**Sic terminantur Hymni per
totam Octavam.**

v. Reges Tharsis, et insulæ
munera offerent.

R. Reges Arabum et Saba dona
adducunt.

Ad Magnificat, Añã. Magi vi-
dentes stellam, dixerunt ad invi-
cem : Hoc signum magni Regis

est, eamus et inquiramus eum, et
offeramus ei munera, aurum,
thus, et myrrham, allelúia.

Canticum B. Mariæ Virginis.

Luc. 1. e

MAGNIFICAT * ánima mea Dómi-
num.

Et exultavit Spiritus meus, *
in Deo salutari meo.

Quia respexit humilitatem an-
cillæ suæ : * ecce enim ex hoc
beátam me dicent omnes genera-
tiones.

Quia fecit mihi magna qui po-
tens est : * et sanctum nomen
ejus.

Et misericórdia ejus a progénie
in progénies : * timéntibus eum.

Fecit potentiam in bráchio suo :
* dispersit superbos mente cor-
dis sui.

Deposuit potentes de sede : * et
exaltavit humiles.

Esuriéntes implévit bonis, * et
divites dimisit inánes.

Suscépit Israel púerum suum,

* recordátus misericórdiæ suæ.
Sicut locútus est ad patres nostros, * Abraham, et sémini ejus in sæcula.

Glória Patri. Sicut erat.

Añã. Magi vidéntes stellam, dixerunt ad invicem : Hoc signum magni Regis est ; eámus et inquirámus eum, et offerámus ei múnera, aurum, thus, et myrrham, allelúia.

Orémus. **Oratio.**

DEUS, qui hodiérna die Unigénitum tuum Géntibus stella duce revelásti : concéde propítius ; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúmdem Dóminum nostrum Jesum Christum Fílium tuum : Qui tecum vivit et regnat in unitáte Spíritus sancti, Deus, per ómnia sæcula sæculórum.

R. Amen.

V. Dóminus vobiscum. **R.** Et cum spíritu tuo.

V. Benedicámus Dómino. **R.** Deo grátias.

V. Fidélium ánimæ per misericórdiam Dei requiéscant in pace.
R. Amen.

AD COMPLETORIUM.

Lector incipit V. Jube, domne, benedicere.

Benedictio. Noctem quiétam, et finem perfectum concédant nobis Dóminus omnípotens.

R. Amen.

Lectio brevis. 1. Petr. 5. c

FRATRES, sóbrii estóte, et vigiláte : quia adversárius vester diábolus tamquam leo rúgiens circuit, quærens quem devoret : cui resistite fortes in fide. Tu autem, Dómine, miserere nobis.

R. Deo grátias.

V. Adjutórium nostrum in nómine Dómini. **R.** Qui fecit cœlum et terram.

Pater noster, **dicitur totum secreto.**

Deinde Hebdomadarius facit
confessionem.

CONFITEOR Deo omnipotenti, beá-
tæ Mariæ semper Vírgini, beá-
to Michaéli Archángelo, beáto
Joánni Baptistæ, sanctis Apóstolis
Petro et Paulo, ómnibus Sanctis,
et vobis, fratres : quia peccávi
nimis cogitatióne, verbo, et
ópere : mea culpa, mea culpa,
mea máxima culpa. Ideo precor
beátam Mariam semper Vírginem,
beátum Michaélem Archángelum,
beátum Joánnem Baptistam, sanctos
Apóstolos Petrum et Paulum,
omnes Sanctos, et vos, fratres,
oráre pro me ad Dóminum Deum
nostrum.

Chorus respondet :

MISEREATUR tui omnipotens
Deus, et dimíssis peccátis
tuis, perdúcat te ad vitam ætér-
nam. *R.* Amen.

Deinde Chorus repetit confes-
sionem ; et ubi dicitur vobis, fra-

tres, et vos, fratres, dicatur tibi,
pater, et te, pater.

Facta confessione a choro, He-
bdomadarius dicit :

MISEREATUR vestri omnipotens
Deus, et dimíssis peccátis ve-
stris, perdúcat vos ad vitam æ-
térnam. *R.* Amen.

INDULGENTIAM, absolutiόnem, et
remissiόnem peccátorum no-
strórum tríbuat nobis omnípo-
tens et miséricors Dóminus. *R.*
Amen.

Et facta absolute dicitur :

Y. Convérte nos, Deus salutáris
noster. *R.* Et avérte iram tuam
a nobis.

Y. Deus in adjutórium meum
inténde. *R.* Dómine, ad adjuván-
dum me festína.

Y. Glória Patri, et Filio, et Spiri-
tui sancto. *R.* Sicut erat in prin-
cípío, et nunc, et semper, et in
sæcula sæculórum. Amen. **A**lle-
lúia.

Añã. Miserére.

Psalmus 4.

CUM invocárem, exaudivit me
Deus justitiæ meæ : * in tribu-
latione dilatásti mihi.

Miserére mei, * et exáudi ora-
tionem meam.

Filii hóminum, úsquequo gravi
corde ? * ut quid diligitis vanitá-
tem et quæritis mendácium.

Et scitote quóniam mirificávit
Dóminus sanctum suum : * Dómi-
nus exáudiet me, cum clamávero
ad eum.

Irascimini, et nolíte peccáre : *
quæ dicitis in córdibus vestris, in
cubilibus vestris compungimini.

Sacrificáte sacrificium justitiæ,
et speráte in Dómino : * Multi di-
cunt : Quis osténdit nobis bona ?

Signátum est super nos lumen
vultus tui, Dómine : * dedísti læ-
títiam in corde meo.

A fructu fruménti, vini et ólei
sui : * multiplicáti sunt.

In pace in idípsum : * dórmiam
et requiescam.

Quóniam tu, Dómine, singulá-
riter in spe : * constituísti me.

Psalmus 30.

IN te, Dómine, sperávi, non con-
fundar in ætérnum : * in justí-
tia tua libera me.

Inclína ad me aurem tuam, *
accélera ut éruas me.

Esto mihi in Deum protectó-
rem, et in domum refúgii, * ut
salvum me fácias.

Quóniam fortitúdo mea, et re-
fúgium meum es tu : * et propter
nomen tuum dedúces me, et enú-
tries me.

Edúces me de láqueo hoc, quem
abscondérunt mihi : * quóniam
tu es protector meus.

In manus tuas comméndo spi-
ritum meum : * redemísti me,
Dómine Deus veritátis.

Psalmus 90.

Qui hábitat in adjutório Altís-
simi : * in protectione Dei
cœli commorábitur.

Dicet Dómino: Suscéptor meus es tu, et refúgium meum: * Deus meus, sperábo in eum.

Quóniam ipse liberávit me de láqueo venántium, * et a verbo áspero.

Scápulis suis obumbrábit tibi: * et sub pennis ejus sperábis.

Scuto circúmdabit te véritas ejus: * non timébis a timóre noctúrno.

A sagitta volánte in die, a negótio perambulánte in ténebris, * ab incúrsu, et dæmónio meridiáno.

Cadent a látere tuo mille, et decem míllia a dextris tuis: * ad te autem non appropinquábit.

Verúmtamen óculistuis considerábis: * et retributió nem peccatórum vidébis.

Quóniam tu es, Dómine, spes mea: * altíssimum posuísti refúgium tuum.

Non accédet ad te malum: * et

flagéllum non appropinquábit tabernáculo tuo.

Quóniam Angelis suis mandávit de te: * ut custódiant te in ómnibus viis tuis.

In má nibus portábunt te: * ne forte offéndas ad lápidem pedem tuum.

Super áspidem et basilíscum ambulábis: * et conculcábis leónem et draconem.

Quóniam in me sperávit, liberábo eum: * prótegam eum, quóniam cognóvit nomen meum.

Clamábit ad me, et ego exáudiam eum: * cum ipso sum in tribulatióne: erípíam eum, et glorificábo eum.

Longitúdine diérum replébo eum: * et osténdam illi salutáre meum.

Psalmus 133.

ECCENUNC benedícite Dóminum, * omnes servi Dómini:

Qui statis in domo Dómini : *
in átriis domus Dei nostri.

In nóctibus extóllite manus
vestras in sancta, * et benedicite
Dóminum.

Benedícat te Dóminus ex Sion,
* qui fecit cœlum et terram.

Añã. Misérére mihi, Dómine,
et exáudi oratióne meam.

Hymnus.

TE lucis ante términum,
Rerum Creátor, póscimus,
Ut pro tua cleméntia
Sis præsul et custódia.

Procul recédant sómnia,
Et nóctium phantásmata :
Hostémque nostrum cómpri-
me,

Ne polluántur córpora.

Jesu, tibi sit glória,
Qui apparuísti géntibus,
Cum Patre, et almo Spírítu,
In sempitérna sæcula. Amen.

Capitulum. Jerem. 14. b.

TE autem in nobis es, Dómine,
et nomen sanctum tuum in-

vocátum est super nos, ne dere-
línquas nos, Dómine Deus noster.
R. Deo grátias.

R. br. In manus tuas, Dómine,
* Comméndo spírítum meum. In
manus tuas, Dómine, comméndo
spírítum meum. *Y.* Redemísti
nos, Dómine, Deus veritátis.
Comméndo spírítum meum. Gló-
ria Patri, et Fílio, et Spírítui san-
cto. In manus tuas, Dómine, com-
méndo spírítum meum.

Y. Custódi nos, Dómine, ut pupíl-
lam óculi. *R.* Sub umbra alárum
tuárum prótege nos.

Añã. Salva nos.

Canticum Simeonis.

Luc. 2. e

Nunc dimíttis servum tuum,
Dómine, * secúndum verbum
tuum in pace :

Quia vidérunt óculi mei * salu-
táre tuum :

Quod parásti * ante fáciem
ómnium populórum :

Lumen ad revelatióne gén-

tium,* et glóriam plebis tuæ, Israel.

Añã. Salva nos, Dómine, vigilantes, custódi nos dormiéntes : ut vigilémus cum Christo, et requiescámus in pace.

ŷ. Dóminus vobiscum. **R.** Et cum spíritu tuo.

Orémus. **Oratio.**

VISITA, quæsumus, Dómine, habitationem istam, et omnes insídias inimíci ab ea longe repelle : Angeli tui sancti hábitent in ea, qui nos in pace custódiant : et benedíctio tua sit super nos semper. Per Dóminum nostrum Jesum Christum Fílium tuum : Qui tecum vivit et regnat in unitate Spíritus sancti, Deus, per ómnia sæcula sæculórum. **R.** Amen.

ŷ. Dóminus vobiscum. **R.** Et cum spíritu tuo.

ŷ. Benedicámus Dómino. **R.** Deo grátias.

Benedictio. Benedícat et custódiat nos omnipotens et miséri-

cors Dóminus, Pater, et Fílius, et Spíritus sanctus. **R.** Amen.

Deinde dicitur Antiphona :

ALMA Redemptóris Mater, quæ pèrvia cœli

Porta manes, et stella maris, succurre cadénti,

Súrgere qui curat, pópulo : tu quæ genuísti,

Natúra miránte, tuum sanctum Genitórem,

Virgo prius ac postérius, Gabriélis ab ore

Sumens illud Ave, peccatórum miserére.

ŷ. Post partum virgo invioláta permansísti. **R.** Dei Génitrix, intercède pro nobis.

Orémus. **Oratio.**

DEUS, qui salutis ætérnæ, beátæ Mariæ virginitate foecúnda, humano géneri præmia præstitísti : tribue, quæsumus ; ut ipsam pro nobis intercédere sentiámus, per quam merúimus auctórem vitæ suscipere Dómi-

num nostrum Jesum Christum
Filius tuum. **R.** Amen.

V. Divinum auxilium maneat
semper nobiscum. **R.** Amen.

Deinde dicitur secreto. Pater
noster. Ave, Maria, et Credo.

AD MATUTINUM.

Dicto Pater noster. Ave, Maria,
et Credo. **omissis V.** Domine, lá-
bia mea etc. **Invitatorio cum**
Psalmo Venite. et **Hymno, inci-**
pitur ab Antiphona.

IN I. NOCTURNO.

Aña. Afferte Domino, * filii
Dei, adoráte Dominum in aula
sancta ejus.

Psalmus 28.

AFFERTE Domino, filii Dei: * af-
ferre Domino filios arietum.
Afferte Domino glóriam et ho-
nórem, afferte Domino glóriam
nómini ejus: * adoráte Dominum
in átrio sancto ejus.

Vox Domini super aquas, Deus
majestátis intónuit: * Dominus
super aquas multas.

Vox Domini in virtúte: * vox
Domini in magnificéntia.

Vox Domini confringéntis ce-
dros: * et confringet Dominus
cedros Líbani:

Et commínet eas tamquam
vítulum Líbani: * et diléctus
quemádmódu filius unicór-
nium.

Vox Domini intercidéntis flam-
mam ignis: * vox Domini concu-
tiéntis désertum: et commovébit
Dominus désertum Cades.

Vox Domini præparántis cer-
vos, et revelábit condénsa: * et
in templo ejus omnes dicent gló-
riam.

Dominus dilúvium inhabitáre
facit: * et sedébit Dominus Rex
in ætérnum.

Dominus virtútem pópulo suo
dabit: * Dominus benedícet pó-
pulo suo in pace.

Aña. Afferte, Domino, filii Dei,
adoráte Dominum in aula sancta
ejus.

Añã. Flúminis ímpetus lætíficat, allelúia : civitátem Dei, allelúia.

Psalmus 45.

DEUS noster refúgium et virtus :
* adjútor in tribulatióibus,
quæ invenérunt nos nimis.

Proptérea non timébimus, dum
turbábitur terra : * et transferén-
tur montes in cor maris.

Sonuérunt, et turbátæ sunt a-
quæ eórum : * conturbáti sunt
montes in fortitúdine ejus.

Flúminis ímpetus lætíficat ci-
vitátem Dei : * sanctificávit ta-
bernáculum suum Altíssimus.

Deus in médio ejus, non com-
movébitur : * adjuvábít eam
Deus mane dilúculo.

Conturbátæ sunt gentes, et in-
clináta sunt regna : * dedit vo-
cem suam, mota est terra.

Dóminus virtútum nobíscum :
* suscéptor noster Deus Jacob.

Veníte, et vidéte ópera Dómini
quæ pósuit prodígia super terram:

* áuferens bella usque ad finem
terræ.

Arcum cónteret, et confrínget
arma : * et scuta combúret igni.

Vacáte et vidéte, quóniam ego
sum Deus : * exaltábor in génti-
bus, et exaltábor in terra.

Dóminus virtútum nobíscum :
* suscéptor noster Deus Jacob.

Añã. Flúminis ímpetus lætíficat, allelúia : civitátem Dei, allelúia.

Añã. Psállite Deo nostro, psál-
lite : psállite Regi nostro, psállite
sapiénter.

Psalmus 46.

OMNES gentes, pláudite máni-
bus : * jubiláte Deo in voce
exsultatiónis.

Quóniam Dóminus excélsus,
terribilis : * Rex magnus super
omnem terram.

Subjécit pópulos nobis : * et
gentes sub pédibus nostris.

Elégit nobis hereditátem suam,
* spéciem Jacob, quam diléxit.

Ascéndit Deus in júbilo, * et
Dóminus in voce tubæ.

Psállite Deo nostro, psállite : *
psállite Regi nostro, psállite.

Quóniam Rex omnis terræ
Deus : * psállite sapiénter.

Regnávit Deus super gentes : *
Deus sedet super sedem sanctam
suam.

Príncipes populórum congre-
gáti sunt cum Deo Abraham : *
quóniam dii fortes terræ vehe-
ménter eleváti sunt.

Aña. Psállite Deo nostro, psál-
lite : psállite Regi nostro, psállite
sapiénter.

ŷ. Omnis terra adóret te, et psal-
lat tibi. **R.** Psalmum dicat nómi-
ni tuo, Dómine.

Pater noster. secreto.
ŷ. Et ne nos indúcas in tenta-
tiónem. **R.** Sed libera nos a malo.

Absolutio. Exáudi, Dómine
Jesu Christe, preces servórum
tuórum, et miserére nobis, qui
cum Patre et Spíritu sancto vivis

et regnas in sæcula sæculórum.
R. Amen.

ŷ. Jube, domne, benedicere.

Benedictio. Benedictiône per-
petua benedicat nos Pater ætér-
nus. **R.** Amen.

De Isaía Prophéta.

Lectio j. *Cap. 55.*

OMNES sitiéntes, veníte ad aquas :
et qui non habétis argéntum,
properáte, émite, et comédite :
veníte, émite absque argénto, et
absque ulla commutatióne vinum
et lac. Quare appénditis argén-
tum non in pánibus, et labórem
vestrum non in saturitáte ? Au-
díte audiéntes me, et comédite
bonum, et delectábitur in crassi-
túdine ánima vestra. Inclínate
aurem vestram, et veníte ad me :
audíte, et vivet ánima vestra, et
fériam vobiscum pactum sempi-
térnum, misericórdias David fi-
dèles. Ecce testem pópulis dedi-
eum, ducem ac præceptórem
géntibus. Tu autem, Dómine,

miserere nobis. **R.** Deo grátias.

R. Hódie in Jordáne baptizáto Dómino apérti sunt cœli, et sicut colúmba super eum Spíritus mansit, et vox Patris intónuit : * Hic est Filius meus diléctus, in quo mihi bene complácul. **V.** Descéndit Spíritus sanctus corporáli spécie sicut colúmba in ipsum, et vox de cœlo facta est. Hic est Filius meus diléctus, in quo mihi bene complácul.

V. Jube, domne, benedícere.

Benedictio. Unigénitus Dei Filius nos benedícere et adjuvâre dignétur. **R.** Amen.

Lectio ij. *Isaia* 60.

SURGE, illuminâre, Jerúsalem : quia venit lumen tuum, et glória Dómini super te orta est. Quia ecce ténebræ opérient terram, et caligo pópulos : super te autem oriétur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui. Le-

va in circúitu óculos tuos, et vide : omnes isti congregáti sunt, venérunt tibi : filii tui de longe vénient, et filiaë tuæ de látere surgent. Tunc vidébis, et áfflues, et mirábitur, et dilatábitur cor tuum, quando convérsa fúerit ad te multitúdo maris, fortitúdo géntium vénierit tibi. Inundátio camelórum opériet te, dromedárii Mádian et Epha : omnes de Saba vénient, aurum et thus deferétes, et laudem Dómino annuntiántes.

R. In colúmbæ spécie Spíritus sanctus visus est, patérna vox audíta est : * Hic est Filius meus diléctus, in quo mihi bene complácul. **V.** Cœli apérti sunt super eum, et vox Patris intónuit. Hic est Filius meus diléctus, in quo mihi bene complácul.

V. Jube, domne, benedícere.

Benedictio. Spíritus sancti grátia illúminet sensus et corda nostra. **R.** Amen.

Lectio iij. *Isaiaë 61. d et 62.*

GAUDENS gaudebo in Dómino, et exsultabit ánima mea in Deo meo : quia induit me vestiméntis salutis, et induménto justitiæ circúmdedit me, quasi sponsam decorátam coróna, et quasi sponsam ornátam monilibus suis. Sicut enim terra profert germen suum, et sicut hortus semen suum germinat ; sic Dóminus Deus germinábit justítiam, et laudem coram universis géntibus. Propter Sion non tacébo, et propter Jerúsalem non quiéscam, donec egrediátur ut splendor justus ejus, et salvátor ejus ut lampas accendátur.

R. Reges Tharsis, et insulæ múnera offerent : * Reges Arabum et Saba dona Dómino Deo addúcent. **V.** Omnes de Saba vénient, aurum et thus deferéntes. Reges Arabum et Saba dona Dómino Deo addúcent. **Gloria Patri, et Filio, et Spirítui sancto. Reges**

Arabum et Saba dona Dómino Deo addúcent.

IN II. NOCTURNO.

Añã. Omnis terra adóret te, * et psallat tibi : psalmum dicat nómini tuo, Dómine.

Psalmus 65.

JUBILATE Deo, omnis terra, psalmum dicite nómini ejus : * date glóriam laudi ejus.

Dícite Deo : quam terribília sunt ópera tua, Dómine ! * in multitudíne virtútis tuæ mentiéntur tibi inimíci tui.

Omnis terra adóret te, et psallat tibi : * psalmum dicat nómini tuo.

Veníte, et vidéte ópera Dei : * terribilis in consiliis super filios hóminum.

Qui convértit mare in áridam, in flúmine pertransíbunt pede : * ibi lætábimur in ipso.

Qui dominátur in virtúte sua in ætérnum, óculi ejus super gentes respiciunt : * qui exáspe-

rant, non exaltentur in semetipsis.

Benedicite, gentes, Deum nostrum : * et audítam fácite vocem laudis ejus.

Qui pósuit ánimam meam ad vitam : * et non dedit in commotiónem pedes meos.

Quóniam probásti nos, Deus : * igne nos examinásti, sicut examinátur argéntum.

Induxísti nos in láqueum, posuísti tribulatiónes in dorso nostro : * imposuísti hómines super cápita nostra.

Transívimus per ignem et aquam : * et eduxísti nos in refrigerium.

Introíbo in domum tuam in holocáustis : * reddam tibi vota mea, quæ distinxérunt lábia mea.

Et locútum est os meum, * in tribulatióne mea.

Holocáusta medulláta offeram tibi cum incénso arietum : * offeram tibi boves cum hircis.

Veníte, audíte, et narrábo, o-

mnēs qui timétis Deum, * quanta fecit ánimæ meæ.

Ad ipsum ore meo clamávi, * et exaltávi sub lingua mea.

Iniquitátem si aspéxi in corde meo, * non exáudiet Dóminus.

Proptérea exáudivit Deus, * et atténdit voci deprecationis meæ.

Benedíctus Deus, * qui non amóvit oratióne meam, et misericórdiam suam a me.

Añã. Omnis terra adóret te, et psallat tibi : psalmum dicat nómini tuo, Dómine.

Añã. Reges Tharsis * et insulæ múnera offerent Regi Dómino.

Psalmus 71.

DEUS, júdicium tuum regi da : * et justítiam tuam filio regis :

Judicáre pópulum tuum in justítia, * et páuperes tuos in júdicio.

Suscípiant montes pacem pópulo, * et colles justítiam.

Judicabit páuperes pópuli, et salvos fáciat filios páuperum : * et humiliábit calumniatórem.

Et permanébit cum sole, et ante lunam, * in generatióne et generatióne.

Descéndet sicut plúvia in velus : * et sicut stillicidia stillántia super terram.

Oriétur in diébus ejus justitia, et abundántia pacis : * donec auferátur luna.

Et dominábitur a mari usque ad mare : * et a flúmine usque ad términos orbis terrárum.

Coram illo prócident Æthiopes : * et inimíci ejus terram lینگent.

Reges Tharsis et ínsulæ múnera ófferent : * reges Arabum et Saba dona addúcent :

Et adorábunt eum omnes reges terræ : * omnes gentes sérvient ei :

Quia liberábit páuperem, a poténte : * et páuperem, cui non erat adjútor.

Parcet páuperi et ínopi : * et ánimas páuperum salvas fáciat.

Ex usúris et iniquitáte rédimet ánimas eórum : * et honorábile nomen eórum coram illo.

Et vivet, et dábitur ei de auro Arabiæ, et adorábunt de ipso semper : * tota die benedicent ei.

Et erit firmaméntum in terra in summis móntium, superextolletur super Líbanum fructus ejus : * et florébunt de civitate sicut fœnum terræ.

Sit nomen ejus benedíctum in sæcula : * ante solem pérmanet nomen ejus.

Et benedicéntur in ipso omnes tribus terræ : * omnes gentes magnificábunt eum.

Benedíctus Dóminus Deus Israel, * qui facit mirabilia solus :

Et benedíctum nomen majestátis ejus in ætérnum : * et replébitur majestáte ejus omnis terra : fiat, fiat.

Aña. Reges Tharsis et ínsulæ

múnera ófferent Regi Dómino.

Aña. Omnes gentes, * quascúmque fecisti, vénient, et adorábunt coram te, Dómine.

Psalmus 85.

INCLINA, Dómine, aurem tuam, et exáudi me: * quóniam inops, et pauper sum ego.

Custódi ánimam meam, quóniam sanctus sum: * salvum fac servum tuum, Deus meus, sperántem in te.

Miserére mei, Dómine, quóniam ad te clamávi tota die: * lætífica ánimam servi tui, quóniam ad te, Dómine, ánimam meam levávi.

Quóniam tu, Dómine, suávis et mitis, * et multæ misericórdiæ omnibus invocántibus te.

Auribus pércipe, Dómine, orationem meam: * et inténde voci deprecationis meæ.

In die tribulatiónis meæ clamávi ad te: * quia exaudísti me. Non est símilis tui in diis, Dó-

mine: * et non est secúndum ópera tua.

Omnes gentes quascúmque fecisti, vénient, et adorábunt coram te, Dómine, * et glorificábunt nomen tuum.

Quóniam magnus es tu, et fáciens mirabilia: * tu es Deus solus.

Deduc me, Dómine, in via tua, et ingrédia in veritate tua: * lætétur cor meum ut timeat nomen tuum.

Confitébor tibi, Dómine Deus meus, in toto corde meo, * et glorificábo nomen tuum in ætérnum:

Quia misericórdia tua magna est super me: * et eruísti ánimam meam ex inférno inferióri.

Deus, iniqui insurrexérunt super me, et synagóga poténtium quæsiérunt ánimam meam: * et non proposuérunt te in conspectu suo.

Et tu, Dómine Deus miserátor

et miséricors, * pátiens, et multæ misericórdiæ, et verax.

Réspice in me, et miserére mei, * da impérium tuum púero tuo : et salvum fac filium ancillæ tuæ.

Fac mecum signum in bonum, ut vídeant qui odérunt me, et confundántur : * quóniam tu, Dómine, adjuvisti me, et consolátus es me.

Añã. Omnes gentes quascúmque fecisti, vénient, et adorábunt coram te, Dómine.

Ÿ. Reges Tharsis et ínsulæ múnera ófferent. **Ů.** Reges Arabum et Saba dona addúcent.

Pater noster. **secreto.**

Ÿ. Et ne nos indúcas in tentatióne. **Ů.** Sed libera nos a malo.

Absolutio. Ipsius píetas et misericórdia nos ádjuvet, qui cum Patre, et Spíritu sancto vivit et regnat in sæcula sæculórum. **Ů.** Amen.

Ÿ. Jube, domne, benedicere.

Benedictio. Deus Pater omnipotens sit nobis propítius et clemens. **Ů.** Amen.

Sermo sancti Leónis Papæ.

Serm. 2. de Epiphania.

Lectio iv.

GAUDETE in Dómino, dilectíssimi, íterum dico gaudéte : quóniam brevi intervállo témporis, post solemnitátem Nativitátis Christi, festívitás declaratiónis ejus illúxit : et quem in illo die Virgo péperit, in hoc mundus agnóvit. Verbum enim caro factum, sic susceptiúnis nostræ temperávit exórdia, ut natus Jesus et credéntibus manifestus, et persequéntibus esset occúltus. Jam tunc ergo cœli enarravérunt glóriam Dei, et in omnem terram sonus veritátis exívit, quando et pastóribus exércitus Angelórum [®] Salyatóris édití annuntiátor aparuit, et Magos ad eum adorándum prævia stella perdúxit : ut a solis ortu usque ad occásus ve-

ri regis generatio coruscáret, cum rerum fidem et regna Oriéntis per Magos díscerent, et Románum impérium non latéret.

R. Illumináre, illumináre, Jerúsalem, quia venit lux tua: * Et glória Dómini super te orta est.

V. Et ambulábunt gentes in lúmine tuo, et reges in splendóre ortus tui. Et glória Dómini super te orta est.

V. Jube, domne, benedícere.

Benedictio. Christus perpétuæ det nobis gaudia vitæ. **R.** Amen.

Lectio v.

NAM et sævitia Heródis volens primórdia suspécti sibi Regis exstinguere, huic dispensatióni nésciens serviébat: ut dum atróci inténtus facínori, ignótum sibi púcrum indiscreta infántium cæde perséquitur, annuntiátum cœlitus dominatóris ortum insignior ubique fama loquerétur: quam promptiorem ad narrándum, diligentióremque faciébat

et supérnæ significatiónis nóvitas, et cruentíssimi persecutóris impietas. Tunc autem étiam Ægypto Salvátor illátus est, ut gens antiquis erroribus dédita, jam ad vicinam salutem per occúltam grátiam signarétur: et quæ nondum ejectione ab ánimo superstitionem, jam hospitio recíperet veritatem.

R. Omnes de Saba vénient, aurum et thus deferéntes, et laudem Dómino annuntiántes, * Allelúia, allelúia, allelúia. **V.** Reges Tharsis et insulæ múnera ófferent, reges Arabum et Saba dona addúcent. Allelúia, allelúia, allelúia.

V. Jube domne, benedícere.

Benedictio. Ignem sui amoris accéndat Deus in córdibus nostris.

R. Amen.

Lectio vj.

AGNOSCAMUS ergo, dilectíssimi, in Magis adoratóribus Christi, vocatiónis nostræ fideique primí-

tias: et exsultantibus animis beatæ spei inítia celebrémus. Exínde enim in ætérnam hereditátem cœpimus introire: exínde nobis Christum loquéntia Scripturárum arcána patuérunt; et veritas, quam Judæórum obcæcátio non récipit, ómnibus natióibus lumen suum invéxit. Honorétur itaque a nobis sacratíssimus dies, in quo salutis nostræ auctor apparuit; et quem Magi infántem veneráti sunt in cunábulis, nos omnipoténtem adorémus in cœlis. Ac sicut illi de thesáuris suis mysticas Dómino múnere species obtulérunt, ita et nos de córdibus nostris, quæ Deo sunt digna, promámus.

R. Magi véniunt ab Oriénte Jerosólymam quæréntes, et dicéntes; Ubi est qui natus est, cujus stellam vídimus? * Et vénimus adoráre Dóminum. **V.** Vídimus stellam ejus in Oriénte. Et vénimus adoráre Dóminum. **G**lória

Patri, et Filio, et Spirítui sancto. Et vénimus adoráre Dóminum.

IN III. NOCTURNO.

Aña. Veníte, adorémus eum: quia ipse est Dóminus Deus noster.

Hæc Aña repetitur in Psalmo, ordine infrascripto.

Psalmus 94.

VENITE, exsultémus Dómino: *
jubilémus Deo salutári nostro.

Præoccupémus fáciem ejus in confessiône: * et in psalmis jubilémus ei.

Aña. Veníte, adorémus eum: quia ipse est Dóminus Deus noster.

Quóniam Deus magnus Dóminus, * et Rex magnus super omnes Deos.

Quia in manu ejus sunt omnes fines terræ: * et altitúdes montium ipsius sunt.

Aña. Veníte, adorémus eum: quia ipse est Dóminus Deus noster.

Quóniam ipsíus est mare, et ipse fecit illud : * et siccam manus ejus formavérunt.

Añã. Veníte, adorémus eum : quia ipse est Dóminus Deus noster.

Et nos pópulos páscuæ ejus, et oves manus ejus. * Hódie si vocem ejus audiéritis, nolíte obduráre corda vestra.

Sicut in irritatióne secúndum diem tentatiónis in desérto : * ubi tentavérunt me patres vestri, probavérunt me, et vidérunt ópera mea.

Añã. Veníte, adorémus eum, quia ipse est Dóminus Deus noster.

Quadráginta annis offénsus fui generatióni illi, * et dixi : Semper hi errant corde.

Et isti non cognovérunt vias meas, ut jurávi in ira mea : * Si introibunt in réquiem meam.

Añã. Veníte adorémus eum : quia ipse est Dñus Deus noster.

Glória Patri, et Fílio, * et Spirítui sancto.

Sicut erat in princípío, et nunc et semper, * et in sæcula sæculórum. Amen.

Añã. Veníte adorémus eum : quia ipse est Dóminus Deus noster.

Antiphona prædicta cum suo Psalmo dicitur tantum hac nocte : per Octavam vero loco hujus dicitur :

Añã. Homo natus est * in ea, et ipse fundávit eam Altíssimus.
Psalmus 86.

FUNDAMENTA ejus in móntibus sanctis : * diligit Dóminus portas Sion super ómnia tabernacula Jacob.

Gloriósã dicta sunt de te : * civitas Dei.

* Memor ero Rahab et Babylónis : * sciéntium me.

Ecce alienígenæ, et Tyrus, et pópulus Æthiopum : * hi fuérunt illic.

Numquid Sion dicet : Homo, et homo natus est in ea : * et ipse fundavit eam Altissimus ?

Dóminus narrábit in scriptúris populórum, et princípum : * horum qui fuérunt in ea.

Sicut lætántium ómnium : * habitatio est in te.

Añã. Homo natus est in ea, et ipse fundavit eam Altissimus.

Añã. Adoráte Dóminum, * allelúia, in aula sancta ejus, allelúia.

Psalmus 93.

CANTATE Dómino cánticum novum : * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter gentes glóriam ejus : * in ómnibus pópulis mirabilia ejus.

Quóniam magnus Dóminus, et laudábilis nimis : * terribilis est super omnes deos.

Quóniam omnes dii géntium dæmónia : * Dóminus autem cœlos fecit.

Conféssio et pulchritúdo in conspéctu ejus : * sanctimónia, et magnificéntia in sanctificatióne ejus.

Afférte Dómino pátriæ géntium, afférte Dómino glóriam et honórem : * afférte Dómino glóriam nómini ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commovéatur a fácie ejus universa terra : * dícite in géntibus, quia Dóminus regnávit.

Etenim corréxit orbem terræ, qui non commovébitur : * judicábit pópulos in æquitáte.

Læténtur cœli, et exsúttet terra commovéatur mare, et plenitúdo ejus : * gaudébunt campi et ómnia, quæ in eis sunt.

Tunc exsultábunt ómnia ligna silvárum a fácie Dómini, quia

venit : * quóniam venit judicáre terram.

Judicábit orbem terræ in æquitáte : * et pópulos in veritáte sua.

Añã. Adoráte Dóminum, allelúia : in aula sancta ejus, allelúia.

Añã. Adoráte Deum, * allelúia, omnes Angeli ejus, allelúia.

Psalmus 96.

DOMINUS regnávít, exsúltet terra : * læténtur insulæ multæ.

Nubes, et caligo in circúitu ejus : * justítia, et judícium correctio sedis ejus.

Ignis ante ipsum præcédet, * et inflammábit in circúitu inimicos ejus.

Illuxérunt fúlgura ejus orbi terræ : * vidit, et commóta est terra.

Montes sicut cera fluxérunt a fácie Dómini : * a fácie Dómini omnis terra.

Annuntiavérunt cœli justítiam

ejus : * et vidérunt omnes pópuli glóriam ejus.

Confundántur omnes, qui adorant sculptília : * et qui gloriántur in simulácris suis.

Adoráte eum, omnes Angeli ejus : * audívit et lætáta est Sion.

Et exsultavérunt filíæ Judæ : * propter judícia tua, Dómine.

Quóniam tu Dóminus altíssimus super omnem terram : * nimis exaltátus es super omnes deos.

Qui diligitis Dóminum, odíte malum : * custódit Dóminus ánimas sanctórum suórum, de manu peccatóris liberábit eos.

Lux orta est justo : * et rectis corde lætítia.

Lætámini, justí, in Dómino : * et confitémini memóriæ sanctificatiónis ejus.

Añã. Adoráte Deum, allelúia, omnes Angeli ejus, allelúia.

ŷ. Adoráte Dóminum, allelúia.
℞. In aula sancta ejus, allelúia.

Pater noster. secreto. ŷ. Et ne nos inducas in tentationem. **R.** Sed libera nos a malo.

Absolutio. A vinculis peccatorum nostrorum absolvat nos omnipotens et misericors Dominus.

R. Amen.

ŷ. Jube, domne, benedicere.

Benedictio. Evangélica lectio sit nobis salus et protectio. **R.** Amen.

Lectio sancti Evangelii secundum Matthæum.

Lectio vij. Cap. 2.

CUM natus esset Jesus in Bethlehem Juda in diebus Herodis regis, ecce Magi ab Oriente venerunt Jerosolymam, dicentes: Ubi est qui natus est Rex Judæorum? Et reliqua.

Homilia S. Gregorii Papæ.

Homilia 10. in Evang.

SICUT in lectione Evangélica, fratres charissimi, audistis, cœli Rege nato, rex terræ turbatus est: quia nimirum terræna altitudo confunditur, cum celsi-

tudo cœlestis aperitur. Sed quærendum nobis est, quidnam sit quod Redemptore nato pastribus in Judæa Angelus apparuit, atque ad adorandum hunc ab Oriente Magos non Angelus, sed stella perduxit? Quia videlicet Judæis, tamquam ratione utentibus, rationale animal, id est, Angelus prædicare debuit: gentiles vero, quia uti ratione nesciebant, ad cognoscendum Dominum, non per vocem, sed per signa perducuntur. Unde etiam per Paulum dicitur: Prophetiæ fidelibus datæ sunt, non infidelibus: Signa autem infidelibus, non fidelibus. Quia et illis prophetiæ tamquam fidelibus, non infidelibus: et istis signa tamquam infidelibus, non fidelibus data sunt.

R. Stella, quam viderant Magi in Oriente, antecesserat eos, donec venirent ad locum, ubi puer erat. * Videntes autem eam, gavisusunt gaudio magno. **ŷ.** Et in-

trántes domum, invenérunt púerum cum María matre ejus, et procidéntes adoravérunt eum. Vidéntes autem eam, gavísi sunt gáudio magno.

ŷ. Jube, domne, benedícere.

Benedictio. Divínium auxilium máneat semper nobíscum. **ŷ.** Amen.

Lectio viij.

ET notándum, quod Redemptórem nostrum, cum jam perféctæ esset ætátis, eísdem gentilibus Apóstoli prædicant eúmque párvulum, et necdum per humáni córporis officium loquéntem, stella géntibus denúntiat : quia nímrum ratiónis ordo poscébat, ut et loquéntem jam Dóminum loquéntes nobis prædicatóres innotéscerent, et necdum loquéntem eleménta muta prædicárent. Sed in ómnibus signis, quæ vel nascénte Dómino, vel moriénte eo monstráta sunt, considerándum nobis est, quanta fúerit in

quorúmdam Judæórum corde durítia, qui hunc nec per prophetíac donum, nec per mirácula agnovérunt.

ŷ. Vidéntes stellam Magi, gavísi sunt gáudio magno : * Et intrántes domum, invenérunt púerum cum María matre ejus, et procidéntes adoravérunt eum : * Et apértis thesáuris suis obtulé-runt ei múnera : aurum, thus, et myrrham. **ŷ.** Stella, quam víde-rant Magi in Oriente, antecede-bat eos, usque dum véniens sta-ret supra ubi erat puer. Et intrán-tes domum invenérunt púerum cum María matre ejus, et proci-déntes adoravérunt eum. Glória Patri, et Fílio, et Spirítui sancto. Et apértis thesáuris suis obtulé-runt ei múnera, aurum, thus, et myrrham. ®

ŷ. Jube, domne, benedícere.

Benedictio. Ad societátem cí-vium supernórum perdúcat nos Rex Angelórum. **ŷ.** Amen.

Lectio ix.

OMNIA quippe elementa auctorem suum venisse testata sunt. Ut enim de eis quiddam usu humano loquar : Deum hunc cœli esse cognoverunt, quia protinus stellam miserunt. Mare cognovit quia sub plantis ejus se calcabile præbuit. Terra cognovit, quia eo moriente contrémuit. Sol cognovit, quia lucis suæ radios abscondit. Saxa et parietes cognoverunt, quia tempore mortis ejus scissa sunt. Infernus agnovit, quia hos, quos tenebat mortuos, reddidit. Et tamen hunc, quem Dominum omnia insensibilia elementa senserunt, adhuc infidelium Judæorum corda Deum esse minime cognoscunt, et duriora saxis, scindi ad poenitendum nolunt.

**Hymnus sanctorum Ambrosii
et Augustini.**

TE Deum laudamus : * te Dominum confitemur.

Te ætèrnum Patrem * omnis terra veneratur.

Tibi omnes Angeli : * tibi cœli et universæ potestates :

Tibi Chérubim et Séraphim : * incessabili voce proclamant :

Sanctus, Sanctus, Sanctus, * Dominus Deus Sabaoth.

Pleni sunt cœli et terra * majestatis glóriæ tuæ.

Te gloriósus * Apostolorum chorus.

Te Prophetarum * laudabilis número,

Te Mártyrum candidatus * laudat exercitus.

Te per orbem terrarum, * Sancta confitetur Ecclesia.

Patrem * immensæ majestatis. Venerandum tuum verum, * et unicum Filium.

Sanctum quoque * Paráclitum[®] Spíritum.

Tu Rex * glóriæ, Christe.

Tu Patris * sempitèrnus es Filius.

Tu ad liberandum suscepturus hominem : * non horruisti Virginitatis úterum.

Tu devicto mortis acúleo, * aperuisti credentibus regna cœlorum.

Tu ad dexteram Dei sedes : * in glória Patris.

Judex créderis * esse venturus.

Te ergo, quæsumus, tuis famulis súbveni : * quos pretioso Sanguine redemisti.

Æterna fac cum Sanctis tuis * in glória numerári.

Salvum fac pópulum tuum, Dómine : * et benedic hereditati tuæ.

Et rege eos, * et extolle illos usque in ætérnum.

Per singulos dies, * benedicimus te.

Et laudamus nomen tuum in sæculum, * et in sæculum sæculi.

Dignare, Dómine, die isto : * sine peccato nos custodire.

Miserere nostri, Dómine : * miserere nostri.

Fiat misericórdia tua, Dómine super nos : * quemadmodum sperávimus in te.

In te, Dómine, sperávi : * non confundar in ætérnum.

AD LAUDES.

ŷ. **D**EUS, in adiutorium, meum inténde. **R.** Dómine, ad adiuvandum me festína. Glória Patri, et Filio, et Spirítui sancto. Sicut erat in principio, et nunc, et semper, et in sæcula sæculorum. Amen. Allelúia.

Añã. Ante luciferum genitus, * et ante sæcula, Dóminus Salvator noster hódie mundo apparuit.

Psalmus 92.

DOMINUS regnavit, decórem indútus est : * indútus est Dóminus fortitudinem, et præcínxit se.

Etenim firmávit orbem terræ, * qui non commovébitur.

Paráta sedes tua ex tunc : * a
sæculo tu es.

Elevavérunt flúmina, Dómine :
* elevavérunt flúmina vocem
suam.

Elevavérunt flúmina fluctus
suos : * a vóçibus aquárum mul-
tárum.

Mirábiles elatiónes maris : *
mirábilis in altis Dóminus.

Testimónia tua credibília facta
sunt nimis : * domum tuam decet
sanctitúdo, Dómine in longitúdi-
nem diérum.

Aña. Ante lucíferum génius, et
ante sæcula, Dóminus Salvátor
noster hódie mundo apparuit.

Aña. Venit lumen tuum, * Je-
rúsalem, et glória Dómini super
te orta est : et ambulábunt gentes
in lúmine tuo, allelúia.

Psalmus 99.

JUBILATE Deo, omnis terra : *
servíte Dómino in lætítia.

Introíte in conspéctu ejus, *
in exsultatióne.

Scitóte quóniam Dóminus ipse
est Deus : * ipse fecit nos, et non
ipsi nos :

Pópulus ejus, et oves pásceuæ
ejus : * introíte portas ejus in con-
fessióne, átria ejus in hymnis :
confitémini illi.

Laudáte nomen ejus : quóniam
suávis est Dóminus, in ætérnum
misericórdia ejus : * et usque in
generatióne et generatióne
véritas ejus.

Aña. Venit lumen tuum, * Je-
rúsalem, et glória Dómini super
te orta est : et ambulábunt gen-
tes in lúmine tuo, allelúia.

Aña. Apértis thesáuris suis *
obtulérunt Magi Dómino aurum,
thus, et myrrham, allelúia.

Psalmus 62.

DEUS Deus meus, * ad te de luce
vígilo.

Sitívit in te ánima mea, * quam
multipliciter tibi caro mea.

In terra déserta, et ínvia, et ina-
quósa : * sic in sancto apparui

tibi, ut vidérem virtútem tuam,
et glóriam tuam.

Quam mélior est misericórdia
tua super vitas : * lábia mea lau-
dábunt te.

Sic benedicam te in vita mea :
* et in nómine tuo levábo manus
meas.

Sicut ádipe et pinguédine re-
pleátur ánima mea : * et lábiis
exsultatiónis laudábit os meum.

Si memor fui tui super stratum
meum, in matutínis medi-
tábor in te : * quia fuísti adjútor
meus.

Et in velaménto alárum tuá-
rum exsultábo, adhæsít ánima
mea post te : * me suscepit dex-
tera tua.

Ipsi vero in vanum quæsié-
runt animam meam, introibunt
in inferióra terræ : * tradéntur
in manus gládii, partes vúlpium
erunt.

Rex vero lætábitur in Deo, lau-
dabúntur omnes qui jurant in

eo : * quia obstructum est os lo-
quéntium iniqua.

Hic non dicitur Glória Patri.

Psalmus 66.

DEUS misereátur nostri, et be-
nedicat nobis : * illúminet
vultum suum super nos, et mise-
reátur nostri.

Ut cognoscámus in terra viam
tuam, * in ómnibus géntibus sa-
lutáre tuum.

Confiteántur tibi pópuli, Deus :
* confiteántur tibi pópuli omnes.

Læténtur et exsúltent gentes :
* quóniam júdicas pópulos in æ-
quitáte, et gentes in terra díri-
gis.

Confiteántur tibi pópuli, Deus :
confiteántur tibi pópuli omnes :
* terra dedit fructum suum.

Benedicat nos Deus, Deus no-
ster, benedicat nos Deus : * et
métuant eum omnes fines terræ.

Añã Apértis thesáuris suis ob-
tulérunt Magi Dómino aurum,
thus, et myrrham, allelúia.

Añã. Mária et flúmina, benedícite Dómino : hymnum dícite, fontes, Dómino, allelúia.

Canticum trium puerorum.

Dan. 3.

BENEDICITE, ómnia ópera Dómini, Dómino : * laudáte et superexaltáte eum in sæcula.

Benedícite, Angeli Dómini, Dómino : * benedícite, cœli, Dómino.

Benedícite, aquæ omnes, quæ super cœlos sunt, Dómino : * benedícite, omnes virtútes Dómini, Dómino.

Benedícite, sol, et luna, Dómino : * benedícite, stellæ cœli, Dómino.

Benedícite, omnis imber, et ros, Dómino : * benedícite, omnes spíritus Dei, Dómino.

Benedícite, ignis, et æstus, Dómino : * benedícite, frigus, et æstus, Dómino.

Benedícite, rores, et pruina, Dómino : * benedícite, gelu, et frigus, Dómino.

Benedícite, glácies, et nives, Dómino : * benedícite, noctes, et dies, Dómino.

Benedícite, lux, et ténebræ, Dómino : * benedícite, fúlgura, et nubes, Dómino.

Benedícat terra Dóminum : * laudet, et superexáltet eum in sæcula.

Benedícite, montes et colles, Dómino : * benedícite, univérſa germinántia in terra, Dómino.

Benedícite, fontes, Dómino : * benedícite, mária, et flúmina, Dómino.

Benedícite, cete, et ómnia, quæ movéntur in aquis, Dómino : * benedícite, omnes vólucres cœli, Dómino.

Benedícite, omnes béstiæ et pécora, Dómino : * benedícite, filii hóminum, Dómino.

Benedícat Israel Dóminum : * laudet et superexáltet eum in sæcula.

Benedícite, sacerdótes Dómini,

Dómino : * benedícite, servi Dómini, Dómino.

Benedícite, spíritus, et ánimæ justórum, Dómino : * benedícite, Sancti et hūmiles corde, Dómino.

Benedícite, Ananía, Azaría, Misael, Dómino : * laudáte, et superexaltáte eum in sæcula.

Benedicámus Patrem, et Fílium, cum sancto Spíritu : * laudémus et superexaltémus eum in sæcula.

Benedictus es, Dómine, in firmaménto cœli : * et laudábilis, et gloriósus, et superexaltátus in sæcula.

Hic non dicitur Glória Patri. **neque** Amen.

Aña. Mária et flúmina, benedícite Dómino : hymnum dicite, fontes, Dómino, allelúia.

Aña. Stella ista * sicut flamma corúscat, et Regem regum Deum demónstrat : Magi eam vidérunt, et magno Regimúnera obtulérunt.

Psalmus 148.

LAUDATE Dóminum de cœlis : * laudáte eum in excélsis.

Laudáte eum, omnes Angeli ejus : * laudáte eum, omnes virtútes ejus.

Laudáte eum, sol et luna : * laudáte eum, omnes stellæ et lumen.

Laudáte eum, cœli cœlórum : * et aquæ omnes, quæ super cœlos sunt, laudent nomen Dómini.

Quia ipse dixit, et facta sunt : * ipse mandávit, et creáta sunt.

Státuit ea in ætérnum, et in sæculum sæculi : * præcéptum pósuit et non præteríbit.

Laudáte Dóminum de terra, * dracónes, et omnes abyssi.

Ignis, grando, nix, glácies, spíritus procellárum : * quæ faciunt verbum ejus.

Montes, et omnes colles : * ligna fructífera, et omnes cedri :

Béstiæ, et univérsa pécora : * serpéntes, et vólucres pennátæ :

Reges terræ, et omnes pópuli : *
príncipes, et omnes júdices terræ.

Júvenes, et vírgines : senes
cum junióribus laudent nomen
Dómini : * quia exaltátum est
nomen ejus solús.

Conféssio ejus super cœlum et
terram : * et exaltávit cornu pó-
puli sui.

Hymnus ómnibus Sanctis ejus :
* filiis Israel, pópulo appropin-
quánti sibi.

Hic non dicitur Glória Patri.

Psalmus 149.

CANTATE Dómino cánticum no-
vum : * laus ejus in Ecclesia
sanctórum.

Lætétur Israel in eo, qui fecit
eum : * et filii Sion exsúltent in
rege suo,

Laudent nomen ejus in choro :
* in tympano et psalterio psal-
lant ei.

Quia beneplácitum est Dómi-
no in pópulo suo : * et exaltábit
mansuétos in salutem.

Exsultábunt sancti in glória : *
lætábúntur in cubílibus suis.

Exaltatiónes Dei in gútture eó-
rum : * et gládii ancípites in má-
nibus eórum :

Ad faciéndam vindíctam in na-
tiónibus : * increpatiónes in pó-
pulis.

Ad alligándos reges eórum in
compédibus : * et nóbiles eórum
in mánicis férreis.

Ut fáciant in eis júdicium con-
scríptum : * glória hæc est óm-
nibus Sanctis ejus.

Hic non dicitur Glória Patri.

Psalmus 150.

LAUDATE Dóminum in sanctis
ejus : * laudáte eum in firma-
ménto virtútis ejus.

Laudáte eum in virtútibus ejus :
* laudáte eum secúndum multi-
túdinem magnítudinis ejus.

Laudáte eum in sono tubæ : *
laudáte eum in psalterio, et cí-
thara.

Laudáte eum in tympano, et

choro : * laudate eum in chordis
et organo.

Laudate eum in cymbalis be-
nesonantibus, laudate eum in
cymbalis jubilati6nis : * omnis
spiritus laudet Dominum.

Añã. Stella ista sicut flamma
coruscat, et Regem regum Deum
demonstrat : Magi eam viderunt,
et magno Regi munera obtulerunt.

Capitulum. *Isaie 60.*

SURGE, illuminare, Jerusaleme,
quia venit lumen tuum et gloria
Domini super te orta est.
R. Deo gratias.

Hymnus.

OSOLA magnarum urbium
Major Bethlem, cui contigit
Ducem salutis coelitus
Incorporatum gignere.
Quem stella, quae solis rotam
Vincit decore ac lumine :
Venisse terris nuntiat
Cum carne terrestri Deum.
Videre postquam illum Magi

Eoa promunt munera ;
Stratique votis offerunt
Thus, myrrham et aurum regium.

Regem Deumque annuntiant
Thesaurus, et fragrans odor
Thuris Sabaei, ac myrreus
Pulvis sepulchrum praedocet.

Jesu, tibi sit gloria,
Qui apparuisti gentibus,
Cum Patre, et almo Spiritu
In sempiterna saecula. Amen.

V. Adorate Deum, alleluia. **R.**
Omnes Angeli ejus, alleluia.

Añã. Hodie caelesti sponso jun-
cta est Ecclesia, quoniam in Jor-
dane lavit Christus ejus crimina ;
currunt cum muneribus Magi ad
regales nuptias : et ex aqua facto
vino laetantur convivae, alleluia.

Canticum Zachariae. *Lucae 1. g.*

BENEDICTUS Dominus Deus Is-
rael, * quia visitavit, et fecit
redemptionem plebis suae.

Et erexit cornu salutis nobis, *
in domo David pueri sui.

Sicut locutus est per os sancto-

rum, * qui a sæculo sunt, Prophetarum ejus :

Salutem ex inimicis nostris, * et de manu omnium, qui odérunt nos :

Ad faciendam misericordiam cum patribus nostris : * et memorari testamenti sui sancti.

Jusjurandum, quod juravit ad Abraham patrem nostrum, * daturum se nobis :

Ut sine timore, de manu inimicorum nostrorum liberati, * serviámus illi :

In sanctitate et justitia coram ipso, * omnibus diebus nostris.

Et tu, puer, Propheta Altissimi vocaberis : * præibis enim ante faciem Domini parare vias ejus :

Ad dandam scientiam salutis plebi ejus : * in remissionem peccatorum eorum.

Per viscera misericordiae Dei nostri : * in quibus visitavit nos, oriens ex alto :

Illuminare his, qui in tenebris et in umbra mortis sedent : * ad dirigendos pedes nostros in viam pacis.

Glória Patri. Sicut erat.

Añ. Hódie cœlesti sponso juncta est Ecclesia, quóniam in Jordáne lavit Christus ejus crimina: currunt cum muneribus Magi ad regales nuptias : et ex aqua facto vino lætántur convivæ, allelúia.

ŷ. Dóminus vobiscum.

R. Et cum spiritu tuo.

Orémus. **Oratio.**

DEUS, qui hodierna die Unigenitum tuum gentibus stella duce revelasti : concède propitius, ut qui jam te ex fide cognovimus, usque ad contemplandam speciem tuæ celsitudinis perducamur. Per eundem Dóminum nostrum Jesum Christum Filium tuum, qui tecum vivit, et regnat in unitate Spíritus sancti Deus, per ómnia sæcula sæculórum.

R. Amen.

ŷ. Dóminus vobíscum. etc.
 Si post Laudes Officium sit
 absolvendum, tunc antequam a
 Choro discedatur, dicitur Aña.
 Alma Redemptóris ut supra. 23.

AD PRIMAM.

Pater noster. Ave, María et
 Credo.

ŷ. Deus, in adiutorium.

Hymnus.

JAM lucis orto sidere
 Deum precémur súpplices,
 Ut in diúrnis áctibus
 Nos servet a nocéntibus.
 Linguam refrænans témperet,
 Ne litis horror insonet :
 Visum fovéndo cóntegat,
 Ne vanitátes háuríat.
 Sint pura cordis íntima,
 Absístat et vecórdia :
 Carnis terat supérbiam
 Potus eíbique párcitas.
 Ut cum dies abscésserit,
 Noctémque sors redúxerit,
 Mundi per abstinéntiam
 Ipsi canámus glóriam.

Jesu, tibi sit glória,
 Qui apparuísti Géntibus,
 Cum Patre et almo Spíritu,
 In sempitérna sæcula. Amen.

Aña. Ante lucíferum géntitus.

Psalmus 53.

DEUS, in nómine tuo salvum me
 fac : * et in virtúte tua júdica
 me.

Deus, exáudi oratiónem meam :
 * áuribus pércipe verba oris mei.

Quóniam aliéni insurrexérunt
 advérsum me : et fortes quæsié-
 runt ánimam meam : * et non
 proposuérunt Deum ante conspé-
 ctum suum.

Ecce enim Deus ádjuvat me : *
 et Dñus suscéptor est ánimæ meæ.

Avérte mala inimicis meis : *
 et in veritáte tua dispérde illos. ®

Voluntárie sacrificábo tibi, *
 et confitébor nómini tuo, Dómi-
 ne : quóniam bonum est :

Quóniam ex omni tribulatióne
 eripuísti me : * et super inimicos
 meos despéxit óculus meus.

Psalmus 118.

BEATI immaculáti in via : * qui
ámbulant in lege Dómini.

Beáti, qui scrutántur testimo-
nia ejus : * in toto corde exqui-
runt eum.

Non enim qui operántur ini-
quitátem, * in viis ejus ambula-
vérunt.

Tu mandásti * mandáta tua cu-
stodíri nimis.

Utinam dirigántur viæ meæ, *
ad custodiéndas justificatiónes
tuas.

Tunc non confúndar, * cum
perspéxero in ómnibus mandátis
tuis.

Confitébor tibi in directiône
cordis : * in eo quod didici judi-
cia justitiæ tuæ.

Justificatiónes tuas custódiam :
* non me derelínquas usquequá-
que.

In quo córrigit adolescéntior
viam suam ? * in custodiéndo
sermónes tuos.

In toto corde meo exquisívi
te : * ne repéllas me a mandátis
tuis.

In corde meo abscondi elóquia
tua : * ut non peccem tibi.

Benedíctus es, Dómine : * doce
me justificatiónes tuas.

In lábiis meis, * pronuntiávi
ómnia judícia oris tui.

In via testimoniórum tuórum
delectátus sum, * sicut in ómni-
bus divítiis.

In mandátis tuis exercébor : *
et considerábo vias tuas.

In justificatiónebus tuis medi-
tábor : * non oblivíscar sermó-
nes tuos.

RETRIBUE servo tuo, vivífica me :
* et custódiam sermónes tuos.

Revéla óculos meos : * et con-
siderábo mirabilia de lege tua.

Incola ego sum in terra : * non
abscondas a me mandáta tua.

Concupívit ánima mea deside-
ráre justificatiónes tuas, * in om-
ni témpore.

Increpásti supérbos : * maledí-
cti qui declínant a mandátis tuis.

Aufer a me oppróbrium, et con-
témptum : * quia testimónia tua
exquisívi.

Etenim sedérunt príncipes, et
advérsus me loquebántur : * ser-
vus autem tuus exercebátur in
justificatióibus tuis.

Nam et testimónia tua meditá-
tio mea est : * et consílium
meum justificatióes tuæ.

Adhæsit paviménto ánimamea :
* vivífica me secúndum verbum
tuum.

Vias meas enuntiávi, et exau-
disti me : * doce me justificatió-
nes tuas.

Viam justificatiónum tuárum
instrue me : * et exercébor in mi-
rabílibus tuis.

Dormitávit ánima mea præ tæ-
dio ; * confirma me in verbis
tuis.

Viam iniquitátis ámove a me :
* et de lege tua miserére mei.

Viam veritátis elégi : * iudicia
tua non sum oblitus.

Adhæsi testimoniis tuis, Dómi-
ne : * noli me confúndere.

Viam mandatórum tuórum cu-
cúrri, * cum dilatásti cor meum.

Añã. Ante lucíferum génius et
ante sæcula, Dóminus Salvátor
noster hódie mundo apparuit.

Capitulum. 1. *Tim.* 1. *d.*

REGI sæculórum immortalí et
invisíbili, soli Deo honor et
glória in sæcula sæculórum. A-
men. **R.** Deo grátias.

R. br. Christe, Fili Dei vivi, *
Miserére nobis. **Et repetitur** Chri-
ste, Fili Dei vivi, miserére nobis.

ŷ. Qui apparuísti hódie. **R.** Mise-
rére nobis. **ŷ.** Glória Patri, et Fí-
lio, et Spirítui sancto. **R.** Christe,
Fili Dei vivi, miserére nobis.

ŷ. Exsúrge, Christe, adjuva nos.
R. Et libera nos propter nomen
tuum.

ŷ. Dóminus vobíscum.

R. Et cum spirítu tuo.

Orémus. **Oratio.**

DOMINE Deus omnipotens, qui ad principium hujus diēi nos pervenire fecisti : tua nos hodie salva virtute ; ut in hac die ad nullum declinemus peccatum, sed semper ad tuam justitiam faciendam nostra procedant eloquia, dirigantur cogitationes et opera. Per Dominum nostrum Jesum Christum Filium tuum, qui tecum vivit et regnat in unitate Spiritus sancti Deus, per omnia sæcula sæculorum. **R.** Amen.

V. Dominus vobiscum. **R.** Et cum spiritu tuo. **V.** Benedicamus Domino. **R.** Deo gratias.

Deinde in choro legitur Martyrologium.

Postea Hebdomadarius dicit :

V. Pretiosa in conspectu Domini. **R.** Mors sanctorum ejus.

Et absolute sine Orémus.

Oratio.

SANCTA Maria, et omnes Sancti intercedant pro nobis ad Dó-

minum : ut nos mereamur ab eo adjuvari et salvari, qui vivit et regnat in sæcula sæculorum. **R.** Amen.

V. Deus, in adjutorium meum intende. **R.** Domine, ad adjuvandum me festina.

V. Deus, in adjutorium meum intende. **R.** Domine, ad adjuvandum me festina.

V. Deus, in adjutorium meum intende. **R.** Domine ad adjuvandum me festina.

Glória Patri, et Filio, et Spiritui sancto. Sicut erat in principio, et nunc, et semper, et in sæcula sæculorum. Amen.

Kyrie, eléison. Christe, eléison. Kyrie, eléison.

Pater noster. secreto. V. Et ne nos inducas in tentationem.

R. Sed libera nos a malo.

V. Respice in servos tuos, Domine, et in opera tua, et dirige filios eorum. **R.** Et sit splendor Domini Dei nostri super nos, et

ópera mánuum nostrárum díri-
ge super nos, et opus mánuum
nostrárum dírige.

ŷ. Glória Patri, et Filio, et Spi-
ritui sancto. **R.** Sicut erat in
principio. et nunc, et semper, et
in sæcula sæculórum. Amen.

Orémus. **Oratio.**

DIRIGERE et sanctificáre, régere
et gubernáre dignáre, Dómine
Deus, Rex cœli et terræ, hódie
corda et córpora nostra, sensus,
sermónes, et actus nostros, in
lege tua, et in opéribus mandató-
rum tuórum : ut hic, et in ætér-
num, te auxiliánte, salvi et líbe-
ri esse mereámur, Salvátor mun-
di : qui vivis et regnas in sæcula
sæculórum. **R.** Amen.

ŷ. Jube, domne, benedícere.

Benedictio : Dies et actus no-
stros in sua pace dispónat Dómi-
nus omnipotens. **R.** Amen.

Lectio brevis. *Isaia* 60.

OMNES de Saba vénient, aurum
et thus deferéntes, et laudem

Dómino annuntiántes. Tú autem,
Dómine, miserére nobis. **R.** Deo
grátias.

ŷ. Adjutórium nostrum in nó-
mine Dómini. **R.** Qui fecit cœ-
lum et terram.

ŷ. Benedícite. **R.** Deus.

Benedictio : Dóminus nos be-
nedícat, et ab omni malo defén-
dat, et ad vitam perdúcat ætér-
nam : et Fidélium ánimæ per
misericórdiam Dei requiéscent
in pace. **R.** Amen.

AD TERTIAM.

Pater noster. **Ave,** María.

ŷ. Deus, in adjutórium.

Hymnus.

Nunc sancte nobis Spíritus,
Unum Patri cum Filio,
Dignáre promptus ingeri
Nostro refúsus péctori.

Os, lingua, mens, sensus vigor,
Confessióne personent,
Flamméscat igne cháritas,
Accéndat ardor próximos.

Jesu, tibi sit glória,

Qui apparuisti Géntibus,
Cum Patre et almo Spíritu,
In sempiterna sæcula. Amen.

Añã. Venit lumen tuum.

Psalmus.

LEGEM pone mihi, Dómine, viam
justificatiónum tuárum : * et
exquiram eam semper.

Da mihi intelléctum, et scru-
tabor legem tuam : * et custódiam
illam in toto corde meo.

Deduc me in sémitam manda-
tórum tuórum : * quia ipsam volui.

Inclína cor meum in testimó-
nia tua : * et non in avarítiam.

Avérte óculos meos ne vídeant
vanitátem : * in via tua vivifica
me.

Státue servo tuo elóquium
tuum, * in timóre tuo.

Amputa oppróbrium meum,
quod suspicátus sum ; * quia ju-
dícia tua jucúnda.

Ecce concupívi mandáta tua :
* in æquitáte tua vivifica me.

Et véniat super me misericór-

dia tua, Dómine : * salutáre tuum
secúndum elóquium tuum.

Et respondébo exprobrántibus
mihi verbum : * quia sperávi in
sermónibus tuis.

Et ne áuferas de ore meo ver-
bum veritátis usquequáque : *
quia in judiciis tuis supersperávi.

Et custódiam legem tuam sem-
per : * in sæculum et in sæculum
sæculi.

Et ambulábam in latitúdine : *
quia mandáta tua exquisívi.

Et loquébar in testimóniis tuis
in conspéctu regum : * et non
confundébar.

Et meditábar in mandátis tuis,
* quæ diléxi.

Et levávi manus meas ad man-
dáta tua, quæ diléxi : * et exer-
cébar in justificatióibus tuis.

MEMOR esto verbi tui servo tuo,
* in quo mihi spem dedísti.

Hæc me consoláta est in humi-
litáte mea : * quia elóquium
tuum vivificávit me.

Supérbi inique agébant usque-
quáque : * a lege autem tua non
declinávi.

Memor fui judiciórum tuórum
a sæculo, Dómine : * et consolá-
tus sum.

Defectio ténuit me, * pro pec-
catoribus derelinquentibus le-
gem tuam.

Cantábiles mihi erant justifica-
tiones tuæ, * in loco peregrina-
tionis meæ.

Memor fui nocte nóminis tui,
Dómine : * et custodívi legem
tuam.

Hæc facta est mihi : * quia
justificatiónes tuas exquisívi.

Pórtio mea, Dómine, * dixi,
custodire legem tuam.

Deprecátus sum fáciem tuam
in toto corde meo : * miserere
mei secúndum elóquium tuum.

Cogitávi vias meas : * et con-
verti pedes meos in testimónia
tua.

Parátus sum, et non sum tur-

bátus : * ut custódiam mandáta
tua.

Funes peccatórum circumpléxi
sunt me : * et legem tuam non
sum oblítus.

Média nocte surgébam ad con-
fiténdum tibi : * super judícia
justificatiónis tuæ.

Párticeps ego sum ómnium ti-
méntium te : * et custodiéntium
mandáta tua.

Misericórdia tua, Dómine, ple-
na est terra : * justificatiónes
tuas doce me.

BONITATEM fecisti cum servo tuo
Dómine : * secúndum verbum
tuum.

Bonitátem, et disciplínam, et
sciéntiam doce me : * quia man-
dátis tuis credidi.

Priúsqvam humiliárer, ego de-
líqui : * propterea elóquium tuum
custodívi.

Bonus es tu : * et in bonitáte
tua doce me justificatiónes tuas.

Multiplicáta est super me ini-

quitas superbórum : * ego autem in toto corde meo scrutabor mandáta tua.

Coagulátum est sicut lac cor eórum : * ego vero legem tuam meditátus sum.

Bonum mihi quia humiliásti me : * ut discam justificatiónes tuas.

Bonum mihi lex oris tui, * super millia auri, et argénti.

Manus tuæ fecérunt me, et plas-mavérunt me : * da mihi intelléctum, et discam mandáta tua.

Qui timent te vidébunt me, et lætabúntur : * quia in verba tua supersperávi.

Cognóvi, Dómine, quia æquitas judícia tua : * et in veritaté tua humiliásti me.

Fiat misericórdia tua ut conso-létur me, * secúndum elóquium tuum servo tuo.

Véniant mihi miseratiónes tuæ, et vivam : * quia lex tua meditá-tio mea est.

Confundántur superbi, quia injúste iniquitátem fecérunt in me : * ego autem exercébor in mandátis tuis.

Convertántur mihi timéntes te : * et qui novérunt testimónia tua.

Fiat cor meum immaculátum in justificatióibus tuis : * ut non confundar.

Añã. Venit lumen tuum, Jerúsalem, et glória Dómini super te orta est : et ambulábunt gentes in lúmine tuo, allelúia.

Capitulum. Isaia 60.

SURGE, illumináre, Jerúsalem, quia venit lumen tuum, et glória Dómini super te orta est.

R. Deo grátias.

v. br. Reges Tharsis, et insulæ múnera ófferent, * Allelúia, allelúia. Reges Tharsis et insulæ múnera ófferent, allelúia, allelúia. **v.** Reges Arabum et Saba dona addúcent. Allelúia, allelúia. Glória Patri et Filio, et Spiritui sancto. Reges Tharsis et insulæ

múnera ófferent, allelúia, allelúia. *ŷ.* Omnes de Saba vénient, allelúia. *R.* Aurum et thus deferétes, allelúia.

ŷ. Dóminus vobíscum. *R.* Et cum spírítu tuo.

Orémus. *Oratio.*

DEUS, qui hodiérna die Unigénitum tuum Géntibus stella duce revelásti : concéde propítius ; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem Dóminum nostrum Jesum Christum Fílium tuum : Qui tecum vivit et regnat in unitáte Spírítus sancti, Deus, per ómnia sæcula sæculórum.

R. Amen.

ŷ. Dóminus vobíscum. *etc. p. 12.*

AD SEXTAM.

Pater noster. Ave, María.

ŷ. Deus, in adjutórium. *p. 3.*

Hymnus.

RECTOR potens, verax Deus,
Qui témperas rerum vices,

Splendóre mane illúminas,
Et ignibus merídiem :

Extingue flammás lítium,
Aufer calórem nóxium,
Confer salútem córporum,
Verámque pacem córdium.

Jesu, tibi sit glória,
Qui apparuísti géntibus
Cum Patre, et almo Spírítu,
In sempitérna sæcula. Amen.

Aña. Apértis thesáuris suis.

Psalmus.

DEFECIT in salutáre tuum áni-
ma mea : * et in verbum tuum
supersperávi.

Defecérunt óculi mei in eló-
quium tuum, * dicétes : Quando
consoláberis me ?

Quia factus sum sicut uter in
pruína : * justificatiónes tuas non
sum oblítus.

Quot sunt dies servi tui : *
quando fácies de persecúntibus
me iudícium ?

Narravérunt mihi iníqui fabu-
latiões : * sed non ut lex tua.

Omnia mandata tua veritas : *
inique persecuti sunt me, adjuva
me.

Paulo minus consummaverunt
me in terra : * ego autem non de-
reliqui mandata tua.

Secundum misericordiam tuam
vivifica me : * et custodiam tes-
timonia oris tui.

In aeternum, Domine, * ver-
bum tuum permanet in caelo.

In generationem et generatio-
nem veritas tua : * fundasti ter-
ram, et permanet.

Ordinatione tua perseverat dies :
* quoniam omnia serviunt tibi.

Nisi quod lex tua meditatio
mea est : * tunc forte periissem
in humilitate mea.

In aeternum non obliviscar ju-
stificationes tuas : * quia in ipsis
vivificasti me.

Tuus sum ego, salvum me fac :
* quoniam justificationes tuas
exquisivi.

Me expectaverunt peccatores,

ut perderent me : * testimonia
tua intellexi.

Omnis consummationis vidi
finem : * latum mandatum tuum
nimis.

Quomodo dilexi legem tuam Do-
mine ? * tota die meditatio
mea est.

Super inimicos meos prudentem
me fecisti mandato tuo : *
quia in aeternum mihi est.

Super omnes docentes me in-
tellexi : * quia testimonia tua me-
ditatio mea est.

Super senes intellexi * quia
mandata tua quaesivi.

Ab omni via mala prohibui pe-
des meos : * ut custodiam verba tua.

A judiciis tuis non declinavi :
* quia tu legem posuisti mihi.

Quam dulcia faucibus meis elo-
quia tua, * super mel ori meo !

A mandatis tuis intellexi pro-
pterea odivi omnem viam iniqui-
tatis.

Lucerna pedibus meis verbum

tuum, * et lumen sémitis meis.

Jurávi, et státui * custodíre júdicia justítiae tuæ.

Humiliátus sum usquequáque, Dómine : * vivífica me secúndum verbum tuum.

Voluntária oris mei beneplácta fac, Dómine ; * et júdicia tua doce me.

Anima mea in mánibus meis semper : * et legem tuam non sum oblítus.

Posuérunt peccatóres láqueum mihi : * et de mandátis tuis non errávi.

Hereditáte acquisívi testimónia tua in ætérnum : * quia exsultátio cordis mei sunt.

Inclinávi cor meum ad faciéndas justificatiónes tuas in ætérnum, * propter retributiómem.

INIQUOS ódio hábui : * et legem tuam diléxi.

Adjútor, et suscéptor meus es tu : * et in verbum tuum superávi.

Declináte a me, maligni : * et scrutábor mandáta Dei mei.

Súscipe me secúndum elóquium tuum, et vivam : * et non confúndas me ab exspectatióne mea.

Adjuva me, et salvus ero : * et meditábor in justificatióibus tuis semper.

Sprevísti omnes discedétes a júdiciis tuis : * quia injústa cogitátio eórum.

Prævaricántes reputávi omnes peccatóres terræ : * ídeo diléxi testimónia tua.

Confige timóre tuo carnes meas : * a júdiciis enim tuis tímui.

Feci júdiciu, et justítiam : * non tradas me calumniántibus me.

Súscipe servum tuum in bonum : * non calumniéntur me supérbi.

Oculi mei defecerunt in salutáre tuum : * et in elóquium justítiae tuæ.

Fac cum servo tuo secúndum

misericórdiam tuam : * et justifi-
caciónes tuas doce me.

Servus tuus sum ego : * da mi-
hi intelléctum, ut sciam testimó-
nia tua.

Tempus faciéndi, Dómine : *
dissipavérunt legem tuam.

Ideo diléxi mandáta tua, * su-
per aurum et topázion.

Proptérea ad ómnia mandáta
tua dirigébar : * omnem viam
iniquam ódio hábui.

Ana. Apértis thesáuris suis,
obtulérunt Magi Dómino aurum
thus et myrrham, allelúia.

Capitulum. *Isaia* 60.

LEVA in circúitu óculos tuos,
et vide : omnes isti congregá-
ti sunt, venérunt tibi : filii tui de
longe vénient, et filiæ tuæ de lá-
tere surgent. *R.* Deo grátias.

R. br. Omnes de Saba vénient,
* Allelúia, allelúia. Omnes de
Saba vénient, allelúia, allelúia.
V. Aurum et thus deferéntes. Alle-
lúia, allelúia. Glória Patri, et

Fílio, et Spíritui sancto. Omnes
de Saba vénient, allelúia, allelúia.

V. Adoráte Dóminum, allelúia.

R. In aula sancta ejus, allelúia.

V. Dóminus vobíscum.

R. Et cum spíritu tuo.

Orémus. *Oratio.*

DEUS, qui hodiérna die Unigé-
nitum tuum Géntibus stella
duce revelásti : concéde propí-
tius ; ut qui jam te ex fide cognó-
vimus, usque ad contemplándam
spéciem tuæ celsitúdinis perdu-
cámur. Per eúndem Dóminum
nostrum Jesum Christum Fílium
tuum : Qui tecum vivit et regnat
in unitáte Spíritus sancti Deus,
per ómnia sæcula sæculórum. *R.*

Amen.

V. Dóminus vobíscum. *etc. p.* 12.

AD NONAM.

Pater noster. *A*ve, Maria.

V. Deus, in adjutórium, *p.* 3.

Hymnus.

RERUM, Deus, tenax vigor,
Immótuus in te pérmanens.

Lucis diurnæ tempora
Succéssibus detérminans.

Largire lumen vespere,
Quo vita nusquam decídat,
Sed præmium mortis sacræ
Perénnis instet glória.

Jesu, tibi sit glória,
Qui apparuísti géntibus,
Cum Patre, et almo Spírítu,
In sempitérna sæcula. Amen.

Añã. Stella ista.

Psalmus.

MIRABILIA testimónia tua : * ideo
scrutáta est ea ánima mea.

Declarátio sermónum tuórum
illúminat : * et intelléctum dat
párvulis.

Os meum apéruí, et attráxi spí-
ritum : * quia mandáta tua desi-
derábam.

Aspice in me, et miserére mei,
* secúndum júdicium diligen-
tium nomen tuum.

Gressus meos dírige secúndum
elóquium tuum : * et non domi-
nétur mei omnis injustítia.

Rédime me a calúmniis hómi-
num : * ut custódiam mandáta
tua.

Fáciem tuam illúmina super
servum tuum : * et doce me ju-
stificatiónes tuas.

Exitus aquárum deduxérunt
óculi mei : * quia non custodié-
runt legem tuam.

Justus es, Dómine : * et rectum
júdicium tuum.

Mandásti justítiam testimó-
nia tua : * et veritátem tuam ni-
mis.

Tabéscere me fecit zelus meus :
* quia oblíti sunt verba tua ini-
míci mei.

Ignítum elóquium tuum vehe-
ménter : * et servus tuus diléxit
illud.

Adolescéntulus sum ego, et
contéptus : * justificatiónes
tuas non sum oblítus.

Justítia tua, justítia in ætér-
num ; * et lex tua véritas.

Tribulátio, et angústia invené-

runt me : * mandata tua meditatio mea est.

Æquitas testimonia tua in ætærum : * intellectum da mihi, et vivam.

CLAMAVI in toto corde meo, exaudi me, Domine : * justificationes tuas requiram :

Clamavi ad te, salvum me fac : * ut custodiam mandata tua.

Præveni in maturitate, et clamavi : * quia in verba tua speravi.

Prævenérunt oculi mei ad te diluculo : * ut meditarer eloquia tua.

Vocem meam audi secundum misericordiam tuam Domine : * et secundum iudicium tuum vivifica me.

Appropinquaverunt persecuentes me iniquitati : * a lege autem tua longe facti sunt.

Prope es tu, Domine : * et omnes viæ tuæ veritas.

Initio cognovi de testimoniis

tuis : * quia in ætærum fundasti ea.

Vide humilitatem meam, et eripe me : * quia legem tuam non sum oblitus.

Judica iudicium meum, et redime me : * propter eloquium tuum vivifica me.

Longe a peccatoribus salus : * quia justificationes tuas non exquisierunt.

Misericordiae tuæ multæ, Domine : * secundum iudicium tuum vivifica me.

Multi qui persecuntur me, et tribulant me : * a testimoniis tuis non declinavi.

Vidi prævaricantes, et tabescēbam : * quia eloquia tua non custodiērunt.

Vide quoniam mandata tua dilexi, Domine : * in misericordia tua vivifica me.

Principium verborum tuorum veritas : * in ætærum omnia iudicia justitiæ tuæ.

PRINCIPES persecúti sunt me gratis : * et a verbis tuis formidávit cor meum.

Lætábor ego super elóquia tua : * sicut qui invénit spólia multa.

Iniquitátem ódio hábui, et abominátus sum : * legem autem tuam diléxi.

Sépties in die laudem dixi tibi : * super iudícia justitiæ tuæ.

Pax multa diligéntibus legem tuam : * et non est illis scándalum.

Exspectábam salutáre tuum, Dómine : * et mandáta tua diléxi.

Custodivit ánima mea testimónia tua : * et diléxit ea vehementer.

Servávi mandáta tua, et testimónia tua : * quia omnes viæ meæ in conspéctu tuo.

Appropínquet deprecátio mea in conspéctu tuo, Dómine : * juxta elóquium tuum da mihi intelléctum.

Intret postulátio mea in conspéctu tuo : * secúndum elóquium tuum éripe me.

Eructábunt lábia mea hymnum : * cum docúeris me justificatiónes tuas.

Pronuntiábit lingua mea elóquium tuum : * quia ómnia mandáta tua æquitas.

Fiat manus tua ut salvet me : * quóniam mandáta tua elégi.

Concupívi salutáre tuum, Dómine : * et lex tua meditátio mea est.

Vivet ánima mea, et laudábit te : * et iudícia tua adjuvábunt me.

Errávi, sicut ovis quæ périit : * quære servum tuum, quia mandáta tua non sum oblítus.

Añã. Stella ista sicut flamma corúscat, et Regem regum Deum démonstrat : Magi eam vidérunt, et magno Regi múnera obtulérunt.

Capitulum. *Isaie* 60.

OMNES de Saba venient, aurum et thus deferentes, et laudem Domino annuntiantes.

R. br. Adorate Dominum, * Alleluia, alleluia. Adorate Dominum, alleluia, alleluia. **V.** In aula sancta ejus. Alleluia, alleluia. **Gloria** Patri, et Filio et Spiritui sancto. Adorate Dominum, alleluia, alleluia. **V.** Adorate Deum, alleluia. **R.** Omnes Angeli ejus, alleluia.

V. Dominus vobiscum.

R. Et cum spiritu tuo.

Orémus. **Oratio.**

DEUS, qui hodierna die Unigenitum tuum gentibus stella duce revelasti: concede propitius, ut qui jam te ex fide cognovimus usque ad contemplandam speciem tuæ celsitudinis perducamur. Per eundem Dominum nostrum Jesum Christum Filium tuum: Qui tecum vivit, et regnat in unitate Spiritus sancti, Deus,

per omnia sæcula sæculorum. **R.** Amen.

V. Dominus vobiscum. etc. p. 12.

AD MISSAM.

Statio ad Sanctum Petrum.

Introitus.

ECCE advénit Dominátor Dominus: et regnum in manu ejus, et potestas, et impérium. **Ps.** Deus, judicium tuum regi da: et justitiam tuam filio regis. **V.** Gloria Patri, et Filio, et Spiritui sancto. Sicut erat in principio, et nunc et semper, et in sæcula sæculorum. Amen. Ecce advénit Dominátor Dominus: et regnum in manu ejus, et potestas, et impérium.

KYRIE, eléison. **Kyrie**, eléison. **Kyrie**, eléison. **Christe**, eléison. **Christe**, eléison. **Christe**, eléison. **Kyrie**, eléison. **Kyrie**, eléison. **Kyrie**, eléison.

GLORIA in excelsis Deo, et in terra pax hominibus bonæ voluntatis. Laudamus te. Benedi-

cimus te. Adoramus te. Glorificamus te. Grátias ágimus tibi propter magnam glóriam tuam. Dómine Deus, Rex cœlestis, Deus Pater omnipotens. Dómine Fili unigénite, Jesu Christe. Dómine Deus, Agnus Dei, Filius Patris. Qui tollis peccáta mundi, miserere nobis. Qui tollis peccáta mundi, súscipe deprecationem nostram. Qui sedes ad dexteram Patris, miserere nobis. Quóniam Tu solus sanctus, Tu solus Dóminus, Tu solus altíssimus, Jesu Christe, cum sancto Spíritu, in glória Dei Patris. Amen.

ŷ. Dóminus vobíscum.

R. Et cum spíritu tuo.

Orémus. **Oratio.**

DEUS, qui hodierna die Unigénitum tuum Géntibus stella duce revelásti : concéde propítius ; ut qui jam te ex fide cognóvimus, usque ad contemplándam spéciem tuæ celsitúdinis perducámur. Per eúndem Dóminum

nostrum Jesum Christum Filium tuum : Qui tecum vivit et regnat in unitáte Spíritus sancti, Deus, per ómnia sæcula sæculórum. **R.** Amen.

Léctio Isaíæ Prophétæ.

C. 60. v. 1.

SURGE, illumináre, Jerúsalem : Quia venit lumen tuum, et glória Dómini super te orta est. Quia ecce ténebræ opérient terram, et caligo pópulos : super te autem oriétur Dóminus, et glória ejus in te vidébitur. Et ambulábunt Gentes in lúmine tuo, et reges in splendóre ortus tui. Leva in circúitu óculos tuos, et vide : omnes isti congregáti sunt, venerunt tibi : filii tui de longe vénient, et filiæ tuæ de látere surgent. Tunc vidébis, et áfflues, mirábitur, et dilatábitur cor tuum, quando conversá fúerit ad te multitúdo maris, fortitúdo Géntium vénerit tibi. Inundátio camelórum opériet te, dromedárii

Má dian et Epha : omnes de Saba vénient, aurum et thus deferéntes, et laudem Dómino annuntiántes. **R.** Deo grátias.

Graduale. Omnes de Saba vénient, aurum et thus deferéntes, et laudem Dómino annuntiántes. **V.** Surge, et illumináre, Jerúsalem : quia glória Dómini super te orta est.

Allelúia, allelúia. **V.** Vidimus stellam ejus in Oriénte, et vénimus cum munéribus adoráre Dóminum. Allelúia.

Sequéntia sancti Evangélii secundum Matthæum. C. 2. v. 1.

CUM natus esset Jesus in Bétlehem Juda in diébus Heródis regis, ecce Magi ab Oriénte vénérunt Jerosólymam, dicéntes : Ubi est qui natus est rex Judæórum ? Vidimus enim stellam ejus in Oriénte, et vénimus adoráre eum. Audiens autem Heródes rex turbátus est, et omnis Jerosólyma cum illo. Et cóngregans

omnes príncipes sacerdotum, et scribas pópuli, sciscitabátur ab eis, ubi Christus nascerétur. At illi dixerunt ei : In Bétlehem Judæ. Sic enim scriptum est per Prophétam : Et tu Bétlehem terra Juda, nequáquam mínima es in principibus Juda: ex te enim éxiet dux, qui regat pópulum meum Israel. Tunc Heródes, clam vocátis Magis, diligénter didicit ab eis tempus stellæ, quæ apparuit eis : et mittens illos in Bétlehem, dixit : Ite, et interrogáte diligénter de púero : et cum invenéritis, renuntiáte mihi, ut et ego véniens adórem eum. Qui cum audissent regem, abiérunt. Et ecce stella quam viderant in Oriénte antecedebat eos, usque dum véniens staret supra ubi erat puer. Vidéntes autem stellam gavísi sunt gáudio magno valde. Et intrántes domum invenérunt púerum cum María matre ejus (**Hic genuflectitur**), et procidéntes

adoraverunt eum. Et apertis thesauris suis obtulerunt ei munera, aurum, thus, et myrrham. Et responso accepto in somnis ne redirent ad Herodem, per aliam viam reversi sunt in regionem suam.

R. Laus tibi, Christe.

CREDO in unum Deum Patrem omnipotentem, factorem cœli et terræ, visibilium omnium, et invisibilium. Et in unum Dominum Jesum Christum, Filium Dei unigenitum. Et ex Patre natum ante omnia sæcula. Deum de Deo, lumen de lumine, Deum verum de Deo vero. Genitum, non factum, consubstantialem Patri : per quem omnia facta sunt. Qui propter nos homines, et propter nostram salutem descendit de cœlis. **(Hic genuflectitur)**. Et incarnatus est de Spiritu sancto ex Maria Virgine : Et homo factus est. Crucifixus etiam pro nobis : sub Ponto Pilato passus, et se-

pultus est. Et resurrexit tertia die, secundum Scripturas. Et ascendit in cœlum : sedet ad dexteram Patris. Et iterum venturus est cum gloria, iudicare vivos et mortuos : cujus regni non erit finis. Et in Spiritum sanctum, Dominum et vivificantem : qui ex Patre Filioque procedit. Qui cum Patre, et Filio simul adoratur, et conglorificatur : qui locutus est per Prophetas. Et unam sanctam Catholicam et Apostolicam Ecclesiam. Confiteor unum baptisma in remissionem peccatorum. Et exspecto resurrectionem mortuorum. Et vitam venturi sæculi. Amen.

ŷ. Dominus vobiscum. **R.** Et cum spiritu tuo.

Orémus.

Offertorium. Reges Tharsis et insulæ munera offerent : reges Arabum et Saba dona adducent : et adorabunt eum omnes reges terræ, omnes Gentes servient ei.

Secreta.

ECCLESIÆ tuæ, quæsumus, Dómine dona propítius intuere : quibus non jam aurum, thus, et myrrha profertur : sed quod eisdem munéribus declarátur, immolátur et súmitur Jesus Christus Filius tuus Dóminus noster : Qui tecum vivit et regnat in unitate Spíritus sancti Deus.

PRÆFATIO.

Quæ dicitur per totam Octavam.

PER ómnia sæcula sæculórum. **R.** Amen. **V.** Dóminus vobiscum. **R.** Et cum spíritu tuo. **V.** Sursum corda. **R.** Habémus ad Dóminum. **V.** Grátias agámus Dómino Deo nostro. **R.** Dignum et justum est.

Vere dignum et justum est, æquum et salutáre, nos tibi semper, et ubique grátias ágere : Dómine sancte, Pater omnipotens, ætérne Deus. Quia cum Unigénitus tuus in substántia nostræ mortalitátis apparuit, nova nos

immortalitátis suæ luce reparávit. Et ideo cum Angelis et Archángelis, cum Thronis et Dominationibus, cumque omni milítia cœlestis exercitus, hymnum glóriæ tuæ cánimus, sine fine dicentes :

Sanctus, Sanctus, Sanctus, Dóminus Deus Sábaoth. **P**leni sunt cœli et terra glória tua, **H**osánna in excélsis. **B**enedictus qui venit in nómine Dómini, **H**osánna in excélsis.

Communio. Vidimus stellam ejus in Oriénte : et vénimus cum munéribus adoráre Dóminum.

V. Dóminus vobiscum. **R.** Et cum spíritu tuo.

Postcommunio.

Orémus.

PRÆSTA, quæsumus omnipotens Deus : ut quæ solémni celebrámus officio, purificatæ mentis intelligentia consequámur. Per Dóminum nostrum Jesum Christum Filium tuum : Qui te-

cum vivit et regnat in unitate Spiritus sancti, Deus, per omnia secula seculorum. **R.** Amen.

V. Dominus vobiscum. **R.** Et cum spiritu tuo. **V.** Ite Missa est, **R.** Deo gratias.

V. Benedicat vos omnipotens Deus, Pater, et Filius, et Spiritus sanctus. **R.** Amen.

V. Dominus vobiscum.

R. Et cum spiritu tuo.

Initium sancti Evangelii secundum Joannem.

R. Gloria tibi, Domine.

C. 1. v. 1.

In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt: et sine ipso factum est nihil, quod factum est, in ipso vita erat, et vita erat lux hominum, et lux in tenebris lucet, et tenebrae eam non comprehenderunt. Fuit homo missus a Deo, cui nomen erat Joannes.

Hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera, quae illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit. In propria venit, et sui eum non receperunt. Quotquot autem receperunt eum, dedit eis potestatem filios Dei fieri, his qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. (**Hic genuflectitur.**) Et Verbum caro factum est, et habitavit in nobis: et vidimus gloriam ejus, gloriam quasi Unigeniti a Patre, plenum gratiae, et veritatis. **R.** Deo gratias.

IN II. VESPERIS.

Pater noster. **A**ve Maria.

V. Deus in adjutorium. **p. 3.**

Añã. Ante luciferum génitus, *
et ante sæcula, Dóminus Salvá-
tor noster hódie mundo appáruit.

Psalmus 109.

DIXIT Dóminus Dómino meo : *
Sede a dextris meis.

Donec ponam inimicos tuos, *
scabéllum pedum tuórum.

Virgam virtútis tuæ emittet
Dóminus ex Sion : * domináre in
medio inimicórum tuórum.

Tecum princípium in die vir-
tútis tuæ in splendóribus sanctó-
rum : * ex útero ante luciferum
génui te.

Jurávit Dóminus, et non pœni-
tébit eum : * Tu es sacerdos in
ætérnum secúndum órđinem
Melchisedech.

Dóminus a dextris tuis, * con-
frégit in die iræ suæ reges.

Judicábit in natióribus, im-
plébit ruínas : * conquassábit cá-
pita in terra multórum.

De torrénite in via bibet : * pro-
ptérea exaltábit caput.

Añã. Ante luciferum génitus,
et ante sæcula, Dóminus Salvátor
noster hódie mundo appáruit.

Añã. Venit lumen tuum, * Jerú-
salem, et glória Dómini super te
orta est : et ambulábunt gentes
in lúmine tuo, allelúia.

Psalmus 110.

CONFITEBOR tibi, Dómine, in to-
to corde meo, * in consilio
justórum, et congregatióne.

Magna ópera Dómini : * exqui-
sita in omnes voluntátes ejus.

Conféssio et magnificéntia opus
ejus : * et justítia ejus manet in
sæculum sæculi.

Memóriam fecit mirábílium
suórum, miséricors et miserátor
Dóminus : * escam dedit timén-
tibus se.

Memor erit in sæculum testa-
ménti sui : * virtútem óperum
suórum annuntiábit pópulo suo.

Ut det illis hereditátem gén-
tium : * ópera mánuum ejus vé-
ritas, et judícium.

Fidélia ómnia mandáta ejus :
confirmáta in sæculum sæculi :
* facta in veritate et æquitáte.

Redemptiónem misit pópulo
suo : * mandávit in ætérnum tes-
taméntum suum.

Sanctum et terríbile nomen
ejus : * iníitium sapiéntiæ timor
Dómini.

Intelléctus bonus ómnibus fa-
ciéntibus eum : * laudátio ejus
manet in sæculum sæculi.

Añã. Venit lumen tuum Jerú-
salem, et glória Dómini super te
orta est : et ambulábunt gentes
in lúmine tuo, allelúia.

Añã. Apértis thesáuris suis, *
obtulerunt Magi Dómino aurum,
thus, et myrrham, allelúia.

Psalmus 111.

BEATUS vir, qui timet Dómi-
num : * in mandátis ejus vo-
let nimis.

Potens in terra erit semen ejus :
* generátio rectórum benedi-
cétur.

Glória et divítiæ in domo ejus,
* et justítia ejus manet in sæcu-
lum sæculi.

Exórtum est in ténebris lumen
rectis, * miséricors, et miserá-
tor, et justus.

Jucúndus homo qui miserétur
et cómodat, dispónet sermónes
suos in judicio : * quia in ætér-
num non commovébitur.

In memória ætérna erit ju-
stus : * ab auditióne mala non ti-
mébit.

Parátum cor ejus speráre in
Dómino, confirmátum est cor
ejus : * non commovébitur do-
nec despiciat inimicos suos.

Dispérsit, dedit paupéribus :
justítia ejus manet in sæculum
sæculi : * cornu ejus exaltábitur
in glória.

Peccátor vidébit, et irascétur,
déntibus suis fremet, et tabé-
scet ; * desidérium peccatórum
períbit.

Añã. Apértis thesáuris suis,

obtulerunt Magi Dómino aurum,
thus, et myrrham, allelúia.

Aña. Mária et flúmina, * bene-
dicite Dómino : hymnum dicite,
fontes, Dómino, allelúia.

Psalmus 112.

LAUDATE, púeri, Dóminum : *
laudáte nomen Dómini.

Sit nomen Dómini benedictum,
* ex hoc nunc, et usque in sæcu-
lum.

A solis ortu usque ad occásum :
* laudábile nomen Dómini.

Excélsus super omnes gentes
Dóminus, * et super cœlos gló-
ria ejus.

Quis sicut Dóminus Deus no-
ster, qui in altis hábitat, * et hu-
mília respicit in cœlo et in terra?

Súscitans a terra ínopem : * et
de stercore érigens páuperem :

Ut còllocet eum cum princípí-
bus, * cum princípibus pópuli sui.

Qui habitáre facit stérilem in
domo, * matrem filiórum lætán-
tem.

Aña. Mária et flúmina, benedi-
cite Dómino : hymnum dicite,
fontes, Dómino, allelúia.

Aña. Stella ista * sicut flamma
corúscat, et Regem regum Deum
demonstrat : Magi eam vidérunt,
et magno Regi múnera obtulé-
runt.

Psalmus 113.

IN éxitu Israel de Ægypto, * do-
mus Jacob de pópulo bár-
baro :

Facta est Judæa sanctificatio
ejus, * Israel potéstas ejus.

Mare vidit et fugit : * Jordánis
convérsus est retrórsus.

Montes exsultavérunt ut arie-
tes : * et colles sicut agni óvium.

Quid est tibi, mare, quod fugí-
sti : * et tu, Jordánis, quia con-
vérsus es retrórsus ?

Montes, exsultástis sicut arie-
tes, * et colles sicut agni óvium.

A fácie Dómini mota est terra,
* a fácie Dei Jacob.

Qui convértit petram in stagna

aquárum, * et rupem in fontes aquárum.

Non nobis Dómine, non nobis :
* sed nómini tuo da glóriam.

Super misericórdia tua, et veritate tua : * nequándo dicant gentes : Ubi est Deus eórum ?

Deus autem noster in cœlo : * ómnia quæcúmque vóluit fecit.

Simulácula géntium argéntum et aurum, * ópera mánuum hóminum.

Os habent, et non loquéntur : * óculos habent, et non vidébunt.

Aures habent, et non áudient : * nares habent, et non odorábunt.

Manus habent, et non palpábunt : pedes habent, et non ambulábunt : * non clamábunt in gútture suo.

Similes illis fiant qui fáciunt ea : * et omnes, qui confidunt in eis.

Domus Israel sperávit in Dómino, * adjútor eórum et protéctor eórum est.

Domus Aaron sperávit in Dómino : * adjútor eórum et protéctor eórum est.

Qui timent Dóminum, speráverunt in Dómino : * adjútor eórum et protéctor eórum est.

Dóminus memor fuit nostri : * et benedíxit nobis.

Benedíxit dómui Israel : * benedíxit dómui Aaron.

Benedíxit ómnibus, qui timent Dóminum, * pusillis cum majóribus.

Adjíciat Dóminus super vos, * super vos, et super filios vestros.

Benedícti vos a Dómino, * qui fecit cœlum et terram.

Cœlum cœli Dómino, * et terram autem dedit filiis hóminum.

Non mórtui laudábunt te, Dómine : * neque omnes, qui descéndunt in inférnum.

Sed nos qui vivimus, benedícimus Dómino, * ex hoc nunc, et usque in sæculum.

Añã. Stella ista sicut flamma

corúscat, et Regem regum Deum
demónstrat : Magi eam vidérunt,
et magno Regi múnera obtulé-
runt.

Capitulum. *Isaia* 60.

SURGE, illumináre, Jerúsalem :
quia venit lumen tuum, et
glória Dómini super te orta est.

R. Deo grátias.

Hymnus.

CRUDELIS Heródes, Deum
Regem veníre quid times ?
Non éripit mortália,
Qui regna dat coeléstia.

Ibant Magi, quam viderant,
Stellam sequéntes præviam :
Lumen requírunt lúmíne :
Deum faténtur múnere.

Lavácra puri gúrgitis
Coeléstis Agnus áttigit :
Peccáta, quæ non détulit,
Nos abluéndo sústulit.

Novum genus poténtiæ :
Aquæ rubescunt hydriæ,
Vinúmque jussa fúndere,
Mutávit unda oríginem.

Jesu, tibi sit glória,
Qui apparuísti Géntibus,
Cum Patre, et almo Spírítu,
In sempitérna sæcula.

Amen.

ŷ. Reges Tharsis, et insulæ
múnera offerent. **R.** Reges Ara-
bum et Saba dona addúcent.

Aña. Tribus miráculis ornátum
diem sanctum cólimus : hódie
stella Magos duxit ad præsepium,
hódie vinum ex aqua factum est
ad núptias : hódie in Jordáne a
Joánne Christus baptizári vóluit,
ut salváret nos, allelúia.

Canticum B. Mariæ Virginis.

Luc. 1. e

MAGNIFICAT * ánima mea Dómi-
num.

Et exultávit Spírítus meus, *
in Deo salutári meo. ®

Quia respéxit humilitátem an-
cillæ suæ : * ecce enim ex hoc
beátam me dicent omnes genera-
tiones.

Quia fecit mihi magna qui po-

tens est : * et sanctum nomen ejus.

Et misericórdia ejus a progénie in progénies : * tíméntibus eum.

Fecit poténtiam in bráchiosuo : * dispérsit supérbos mente cordis sui.

Depósuit poténtes de sede : * et exaltávit húmiles.

Esuriéntes implévit bonis, * et dívites dimísit inánes.

Suscépit Israel púerum suum, * recordátus misericórdiæ suæ.

Sicut locútus est ad patres nostros, * Abraham, et sémini ejus in sæcula.

Glória Patri.

Aña. Tribus miráculis ornátum diem sanctum cólimus : hódie stella Magos duxit ad præsepium; hódie vinum ex aqua factum est ad núptias : hódie in Jordáne a Joánnē Christus baptizári vóluit, ut salváret nos, allelúia.

ŷ. Dóminus vobíscum. **R.** Et cum spíritu tuo.

Orémus. **Oratio.**

DEUS, qui hodiérna die Unigénitum tuum Géntibus stella duce revelásti : concéde propítius ; ut qui jam te ex fide cognóvimus, usque ad contemplándam spéciem tuæ celsitúdinis perdúcámur. Per eúmdem Dóminum nostrum Jesum Christum Filium tuum : Qui tecum vivit et regnat in unitáte Spíritus sancti, Deus, per ómnia sæcula sæculórum.

R. Amen.

ŷ. Dóminus vobíscum. *etc. p. 12.*

Si Epiphania venerit in Sabbato, in secundis Vesperis fit commemoratio Dominicæ infra Octavam.

Aña. Remánsit puer Jesus in Jerúsalem, et non cognóverunt paréntes ejus, existimántes illum esse in comitátu et requirébant eum inter cognátos et notos.

ŷ. Omnes de Saba vénient, allelúia. **R.** Aurum et thus deferéntes, allelúia.

Oratio.

VOTA, quæsumus, Dómine, supplicántis pópuli cœlesti pietate proséquere : ut et quæ agénda sunt, vídeant, et ad implénda, quæ viderint, convaléscant. Per Dóminum.

Infra Octavam Epiphaniæ, si occurrat festum Duplex ex majoribus, vel alicujus Doctoris Ecclesiæ, transfertur post Octavam, nisi fuerit Patroni vel Titularis Ecclesiæ, vel Dedicatio ejusdem. De aliis vero Duplicibus, de Semiduplicibus et de Simplicibus fit commemoratio juxta Rubricas.

AD MATUTINUM.

ŷ. Dómine labia mea, etc.

Invitatorium et Hymnus ut supra in Rubrica festi ponitur. Reliqua omnia ut in die festi, præter Lectiones et Añas ad Benedictus et Magnificat, quæ singulis diebus habentur propriæ ut sequitur.

De Dominica infra Octavam, in quacumque diem Octavæ inciderit, fit Officium ut infra ordinatur in ipsa Dominica et in ea ponitur Epistola prima ad Corinthios, omissis Lectionibus de Epistola ad Romanos.

Post Dominicam vero continuantur dies Octavæ eodem numero, quo notantur, perinde ac si Dominica non intercessisset. Exempli gratia: si Dominica venerit in tertia die infra Octavam, prima die post Dominicam Lectiones ij. et iij. Nocturni et Antiphonæ ad Benedictus et Magnificat dicentur de tertia die infra Octavam, et sic deinceps de aliis. Lectiones tamen primi Nocturni de Epistola ad Romanos omituntur, et pro iis sumuntur de Epistola prima ad Corinthios, quæ sequuntur post Dominicam: et de ea legitur etiam post Octavam usque ad Dominicam sequentem.

SECUNDA DIE

INFRA OCTAVAM EPIPHANIÆ.

AD MATUTINUM.

Invitatorium Christus apparuit nobis, * Venite, adorémus.

Repetitur. Christus apparuit nobis, Venite, adorémus.

Psalmus 94.

VENITE, exultémus Dómino :
jubilémus Deo salutári nostro :
præoccupémus faciém ejus in
confessione : et in psalmis
jubilémus ei.

Christus apparuit nobis : venite, adorémus.

Quóniam Deus magnus Dóminus, et Rex magnus super omnes deos : quóniam non repellet Dóminus plebem suam, quia in manu ejus sunt omnes fines terræ, et altitúdes móntium ipse cónspicit.

Venite, adorémus.

Quóniam ipsíus est mare, et ipse fecit illud, et áridam fundavérunt manus ejus : venite ado-

rémus, et procidámus ante Deum ; plorémus coram Dómino, qui fecit nos, quia ipse est Dóminus Deus noster : nos autem pópulus ejus, et oves pásceuæ ejus.

Christus apparuit nobis : venite, adorémus.

Hódie si vocem ejus audiéritis, nolite obduráre corda vestra, sicut in exarcerbatione secúndum diem tentationis in desérto, ubi tentavérunt me patres vestri, probavérunt et vidérunt ópera mea.

Venite, adorémus.

Quadráginta annis próximus fui generatióni huic, et dixi : Semper hi errant corde : ipsi vero non cognovérunt vias meas, quibus jurávi in ira mea, si introibunt in réquiem meam.

Christus apparuit nobis : venite, adorémus.

Glória Patri, et Filio, et Spíritui sancto : Sicut erat in principio, et nunc et semper, et in sæcula sæculórum. Amen.

Venite adorémus. Christus apparuit nobis, venite, adorémus.

Hymnus.

CRUDELIS Heródes, Deum
Regem venire quid times ?

Non eripit mortalia,
Qui regna dat coeléstia.

Ibant Magi, quam viderant,
Stellam sequentes præviam :

Lumen requirunt lumine :
Deum fatentur múnere.

Lavácula puri gúrgitis
Coeléstis Agnus áttigit :

Peccáta quæ non détulit,
Nos abluendo sústulit.

Novum genus poténtiæ :
Aquæ rubescunt hydriæ,

Vinumque jussa fúndere,
Mutávit unda originem.

Jesu, tibi sit glória,
Qui apparuísti Géntibus,

Cum Patre, et almo Spiritu,
In sempitérna sæcula.

Amen.

Añæ, Psalmi et Versiculi dicuntur ut in die Epiphaniæ.

IN I. NOCTURNO.

De Epístola ad Romános.

Lectio j. Cap. 9.

VERITATEM dico, in Christo, non méntior ; testimónium mihi perhibente consciéntia mea in Spíritu sancto : quóniam tristítia mihi magna est, et continuus dolor cordi meo. Optábam enim ego ipse anáthema esse a Christo pro frátribus meis, qui sunt cognáti mei secúndum carnem, qui sunt Israelítæ, quorum adóptio est filiórum, et glória, et testaméntum, et legislátio, et obséquium, et promissa : quorum patres, et ex quibus est Christus secúndum carnem, qui est super ómnia Deus benedíctus in sæcula. Amen.

R. Tria sunt múnera pretiósá, quæ obtulérunt Magi Dómino in die ista, et habent in se divína mystéria : * In auro, ut ostendátur Regis poténtia : in thure, Sacerdótem magnum considera ; et in myrrha, Domínicam sepultú-

ram. **¶** Salútis nostræ auctórem Magi veneráti sunt in cunábulis, et de thesáuris suis mysticas ei múnere species obtulérunt. In auro, ut ostendátur Regis poténtia : in thure, Sacerdótem magnú considerá : et in myrrha, Domínicam sepultúram.

Lectio ij.

NON autem quod excíderit verbum Dei. Non enim omnes qui ex Israel sunt, ii sunt Israelítæ ; neque qui semen sunt Abrahæ, omnes filii : sed in Isaac vocábitur tibi semen : id est, non qui filii carnis, hi filii Dei ; sed qui filii sunt promissionis, æstimántur in sémine. Promissionis enim verbum hoc est : Secundum hoc tempus véniam ; et erit Saræ fílius. Non solum autem illa : sed et Rebécca ex uno concúbitu habens Isaac patris nostri.

B. In colúmbæ specie Spíritus sanctus visus est, patérna vox audíta est * : Hic est Filius meus

diléctus, in quo mihi bene compláui. **¶** Cœli apérti sunt super eum, et vox Patris intónuit. Hic est Fílius meus diléctus, in quo mihi bene compláui.

Lectio iij.

CUM enim nondum nati fuissent, aut áliquid boni egissent, aut mali : (ut secúndum electionem propósitum Dei manéret) non ex opéribus, sed ex vocánte dictum est ei : Quia major sérviet minóri, sicut scriptum est : Jacob diléxi. Esau autem ódio hábui. Quid ergo dicémus ? nunquid iniquitas apud Deum ? Absit. Moysi enim dicit : Miserébor cujus miseréor : et misericórdiam præstábo cujus miserébor. Igitur non voléntis, neque curréntis, sed miseréntis est Dei.

B. Reges Tharsis et insulæ múnere ófferent : * Reges Arabum et Saba dona Dómno Deo addúcent. **¶** Omnes de Saba vénient, aurum et thus deferéntes. Reges

Arabum et Saba dona Dómino Deo addúcent. Glória Patri, et Filio, et Spirítui sancto. Reges Arabum et Saba dona Dómino Deo addúcent.

IN II. NOCTURNO.

Sermo S. Augustíni Epíscopi.

*Serm. 2. de Epiph. qui est 30.
de Tempore.*

Lectio iv.

Ad partum Vírginis adorándum Magi ab Oriénte venérunt. Hunc diem hódie celebrámus : huic débitum solemnítati sermónem persólvimus. Illis dies iste primus illúxit, anniversária nobis festivitáte rédiit. Illi erant primitiæ Géntium, nos pópulus Géntium. Nobis hoc lingua nuntiávit Apostolorum : stella illis tamquam lingua cœlorum : et nobis iidem Apóstoli, tamquam alii cœli, enarravérunt glóriam Dei.

R. Illumináre, illumináre, Jerúsalem, quia venit lux tua : * Et

glória Dómini super te orta est. **ŷ.** Et ambulábunt gentes in lúmine tuo, et reges in splendóre ortus tui. Et glória Dómini super te orta est.

Lectio v.

MAGNUM sacraméntum ! in præsépi jacébat, et Magos ab Oriénte ducébat : abscondebátur in stábulo, et agnoscebátur in cœlo : ut ágnitus in cœlo, manifestaréur in stábulo, et appellaréur Epiphaniá dies iste, quod latíne manifestátio dici potest : simul ejus celsitúdinem humilitatémque comméndans, ut qui in apérto cœlo signis sidéreis monstrabátur magnus, in angústo diversório quæsítus invenirétur inválidus, infantilibus in membris natus, infantilibúsque panis involútus, adoraréur a Magis, timerétur a malis.

R. Omnes de Saba vénient, aurum et thus deferéntes, et laudem Dómino annuntiántes, * Alle-

lúia, allelúia, allelúia. *ŷ.* Reges Tharsis et insulæ múnera ófferent, reges Arabum et Saba dona addúcent. Allelúia, allelúia, allelúia.

Lectio vj.

TIMUIT enim eum rex Heródes, eisdem sibi Magis nuntiántibus, cum adhuc quærerent parvulum, quem cognóverant celo teste jam natum. Quid erit tribúnal judicántis, quando superbos reges cunábula terrébant infántis? Quanto consúltius reges non sicut Heródes interficere quærant, sed, sicut Magi, pótius adoráre delecténtur, jam præsertim eum, qui et ipsam mortem quam cupiébat inimícus inférre, étiam pro ipsis inimícis ab inimícis sustinuit, eámque in suo corpore occisus occídít. Pie tímeant reges ad Patris dexteram jam sedéntem, quem rex impius tímuit adhuc matris úbera lambéntem.

R. Magi véniunt ab Oriénte Jerosólymam quæréntes, et dicéntes: Ubi est qui natus est, cujus stellam vídimus? * Et vénimus adoráre Dóminum. *ŷ.* Vídimus stellam ejus in Oriénte. Et vénimus adoráre Dóminum. Glória Patri, et Filio et Spirítui sancto. Et vénimus adoráre Dóminum.

IN III. NOCTURNO.

Léctio sancti Evangélij secúndum Matthæum.

Lectio vij. Cap. 2.

CUM natus esset Jesus in Bétlehem Juda in diébus Heródis regis, ecce Magi ab Oriénte venérunt Jerosólymam dicéntes: Ubi est qui natus est Rex Judæórum? Et réliqua.

De Homília S. Gregórii Papæ.

Ex Homil. 10. in Evang.

NATIVITATE Regis nostri cónnita, Heródes ad cállida arguménta convértitur: et ne terréno regno privarétur, renuntiári sibi ubi puer inveniátur, póstulat. A-

dorare eum velle se simulat, ut hunc, si inveniri possit, exstinguat. Sed quanta est humana malitia contra consilium divinitatis? Scriptum quippe est: Non est sapientia, non est prudentia, non est consilium contra Dominum. Nam ea, quae apparuit stella, Magos perducit: natum Regem repertiunt, munera deferunt: et ne redire ad Herodem debeant, in somnis admonentur. Sicque fit, ut Jesum, quem quaerit Herodes, invenire non possit. Cujus persona qui alii, quam hypocritae designantur, qui dum fide quaerunt, invenire Dominum numquam merentur.

R. Stella, quam viderant Magi in Oriente, antecedebat eos, donec venirent ad locum, ubi puer erat. * Videntes autem eam, gavisii sunt gaudio magno. **V.** Et intrantes domum, invenerunt puerum cum Maria matre ejus, et proidentes adoraverunt eum.

Videntes autem eam, gavisii sunt gaudio magno.

Lectio viij.

SED inter haec sciendum, quod Priscillianistae haeretici nasci unumquemque hominem sub constitutionibus stellarum putant: et hoc in adiutorium sui erroris assument, quod nova stella exiit cum Dominus in carne apparuit: cujus fuisse fatum eandem, quae apparuit, stellam, putant. Sed si Evangelii verba pensamus, quibus de eadem stella dicitur: Usque dum veniens staret supra ubi erat puer: dum non puer ad stellam, sed stella ad puerum cucurrit, si dici liceat, non stella fatum pueri, sed fatum stellae is, qui apparuit, puer fuit.

R. Videntes stellam Magi, gavisii sunt gaudio magno: * Et intrantes domum, invenerunt puerum cum Maria matre ejus, et proidentes adoraverunt eum. * Et apertis thesauris suis obtule-

runt ei múnera, aurum, thus, et myrrham. *ŷ.* Stella, quam viderant Magi in Oriente, antecederat eos, usque dum veniens staret supra ubi erat puer. Et intrantes domum, invenerunt puerum cum María matre ejus, et procidentes adoraverunt eum. Glória Patri, et Filio, et Spiritui sancto. Et apertis thesauris suis obtulerunt ei múnera, aurum, thus, et myrrham.

Lectio ix.

SED a fidélium córdibus absit, ut áliquid esse fatum dicant. Vitam quippe hóminum solus hic cónditor, qui creávit, administrat. Neque enim propter stellas homo, sed stellæ propter hóminem factæ sunt : et si stella fatum hóminis dicitur, ipsis suis ministériis subesse homo perhibétur. Certe cum Jacob de útero egrédiens, prióris fratris plantam teneret manu, prior perfecté nequáquam égredi pótuit, nisi sub-

sequens inchoasset : et tamen cum uno témpore eodémque momento utrúmque mater fúderit, non una utriúsque vitæ quálitas fuit.

Te Deum laudámus. 56.

Ad Benedictus, Añã. Ab Oriente venerunt Magi in Béthlehem adorare Dóminum : et apertis thesauris suis, pretiósa múnera obtulerunt : aurum, sicut Regi magno ; thus, sicut Deo vero ; myrrham sepultúræ ejus, allelúia.

Ad Magnificat, Añã. Videntes stellam Magi gavisí sunt gáudio magno : et intrantes domum, obtulerunt Dómino aurum, thus, et myrrham, allelúia.

TERTIA DIE.

IN I. NOCTURNO.

De Epístola ad Romános.

Lectio j. Cap. 12.

OBSECRE itaque vos, fratres, per misericórdiam Dei, ut exhibeátis córdora vestra hóstiam vi-

uentem, sanctam, Deo placentem, rationabile obsequium vestrum. Et nolite conformari huic saeculo, sed reformamini in novitate sensus vestri: ut probetis quae sit voluntas Dei bona, et beneplacens, et perfecta. Dico enim per gratiam, quae data est mihi, omnibus qui sunt inter vos: Non plus sapere quam oportet sapere, sed sapere ad sobrietatem: et unicuique sicut Deus divisit mensuram fidei.

R. Tria sunt munera pretiosa, quae obtulerunt Magi Domino in die ista, et habent in se divina mysteria: * In auro, ut ostendatur Regis potentia: in thure, Sacerdotem magnum considera; et in myrrha, Dominicam sepulturam. **V.** Salutis nostrae auctorem Magi venerati sunt in cunabulis, et de thesauris suis mysticas ei munerum species obtulerunt. In auro, ut ostendatur Regis potentia: in thure, Sacerdotem ma-

gnum considera: et in myrrha, Dominicam sepulturam.

Lectio ij.

Sicut enim in uno corpore multa membra habemus, omnia autem membra non eundem actum habent: ita multi unum corpus sumus in Christo, singuli autem alter alterius membra. Habentes autem donationes secundum gratiam, quae data est nobis, differentes: sive prophetiam secundum rationem fidei, sive ministerium in ministrando, sive qui docet in doctrina, qui exhortatur in exhortando, qui tribuit in simplicitate, qui praest in sollicitudine, qui miseretur in hilaritate.

R. In columbae specie Spiritus sanctus visus est, paterna vox audita est: * Hic est Filius meus dilectus, in quo mihi bene complacui. **V.** Coeli aperti sunt super eum, et vox Patris intonuit. Hic est Filius meus dilectus in quo mihi bene complacui.

Lectio iij.

DILECTIO sine simulatióne :
 Odiéntes malum, adhæréntes
 bono : Caritáte fraternitátis invicem diligéntes : Honóre invicem præveniéntes : Sollicitúdine non pigri : Spírítu fervéntes : Dómino serviéntes : Spe gaudéntes : In tribulatióne paciéntes : Oratióni instántes : Necessitatibus sanctórum communicántes : Hospitalitátem sectántes. Benedícite persequéntibus vos : benedícite et nolíte maledícere. Gaudére cum gaudéntibus, flere cum fléntibus : Idípsum invicem sentiéntes : Non alta sapiéntes sed humílibus consentiéntes.

R. Reges Tharsis et insulæ múnera offerent : * Reges Arabum et Saba dona Dómino Deo addúcent. **V.** Omnes de Saba venient, aurum et thus deferéntes. Reges Arabum et Saba dona Dómino Deo addúcent. Glória Patri, et Filio et Spírítui sancto. Reges A-

rabum et Saba dona Dómino Deo addúcent.

IN II. NOCTURNO.

De Sermóne Sancti Augustini
 Epíscopi.

Serm. 2. de Epiphania.

Lectio iv.

CUM tam multi jam nati, atque defúnti essent reges Judæórum ; numquid quemquam eórum adorándum Magi quæsiérunt ? Non, quia nec quemquam eórum cælo loquente didicérunt. Verúmtamen, quod prætereúndum non est, hæc Magórum illuminatió magnum testimónium cæcitatís éxstitit Judæórum. In terra eórum isti requirébant, quem illi in sua non agnoscébant.

R. Illumináre, illumináre, Jérúsalem, quia venit lux tua : * Et glória Dómini super te orta est. **V.** Et ambulábunt gentes in lumine tuo, et reges in splendóre ortus tui. Et glória Dómini super te orta est.

Lectio v.

APUDE eos isti infāntem invenērunt, quem illi apud se negavērunt. In his terris de longínquo isti et peregríni púerum Christum nondum verba proméntem adoravērunt, ubi cives illi júvenem miracula faciéntem crucifixerunt. Isti in membris parvis Deum adoravērunt, illi in magnis factis nec tamquam hómīni pepercērunt: quasi plus fúerit vidére novam stellam in ejus nativitate fulgéntem, quam solem ejus in morte lugéntem.

R. Omnes de Saba vénient, aurum et thus deferéntes, et laudem Dómino annuntiántes. * Allelúia, allelúia, allelúia. **V.** Reges Tharsis et ínsulæ múnera offerent, reges Arabum et Saba dona addúcent. Allelúia, allelúia, allelúia.

Lectio vj.

JAM vero quod éadē stella, quæ Magos perdúxit ad locum,

ubi erat cum matre Virgine Deus infans, quæ útique póterat eos ad ipsam perdúcere civitatem, se tamen subtráxit, nec eis prorsus apparuit, donec de civitate, in qua Christus nascerétur, iidem ipsi interrogaréntur Judæi, et ipsi eam secúndum divínæ Scripturæ testimónium nominarent, ipsi dicerent: In Bétlehem Judæ. Sic enim scriptum est: Et tu Bétlehem terra Juda, non es mínima in princípibus Juda, ex te enim éxiet Dux, qui regat pópulum meum Israel. Quid áliud hic significávit divína providéntia, nisi apud Judæos solas divinas líttēras remansúras, quibus Gentes instrueréntur, illi excæcaréntur?

R. Magi véniunt ab Oriēte Jerosólymam quæréntes, et dicéntes: Ubi est qui natus est, cujus stellam vídimus? * Et vénimus adoráre Dóminum. **V.** Vídimus stellam ejus in Oriēte. Et véni-

mus adorare Dóminum. Glória Patri, et Filio, et Spiritui sancto. Et vénimus adorare Dóminum.

IN III. NOCTURNO.

Lectio sancti Evangelii secundum Matthæum.

Lectio vij. Cap. 2.

CUM natus esset Jesus in Bethlehem Juda in diebus Heródis regis, ecce Magi ab Oriente vénierunt Jerosólymam, dicentes: Ubi est qui natus est Rex Judæórum? Et reliqua.

De Homilia sancti Gregórii Papæ.

Ex Homil. 10. in Evang.

MAGI vero aurum, thus et myrrham déferunt. Aurum quippe Regi congruit, thus vero in Dei sacrificium pónitur, myrrha autem mortuórum córpora condiúntur. Eum ergo Magi, quem adórant, étiam mysticis munéribus prædicant: auro Regem, thure Deum, myrrha mortálem. Sunt vero nonnulli hæréfici, qui hunc Deum credunt, sed ubique

regnare nequáquam credunt. Hi profecto ei thus offerunt, sed offerre étiam aurum nolunt. Et sunt nonnulli, qui hunc Regem existimant, sed Deum negant. Hi videlicet ei aurum offerunt, sed offerre thus nolunt.

R. Stella, quam viderant Magi in Oriente, antecedebat eos, donec vénirent ad locum, ubi puer erat. * Videntes autem eam, gavisí sunt gáudio magno. **ŷ.** Et intrátes domum, invenérunt puerum cum María matre ejus, et procidentes adoravérunt eum. Videntes autem eam, gavisí sunt gáudio magno.

Lectio viij.

ET sunt nonnulli, qui hunc et Deum et Regem faténtur, sed assumpsisse carnem mortálem negant. Hi nimirum ei aurum et thus offerunt, sed offerre myrrham assumptæ mortalitátis nolunt. Nos itaque nato Dómino offerámus aurum, ut hunc ubique

regnare fateamur : offeramus thus, ut credamus, quod is qui in tempore apparuit, Deus ante tempora existit : offeramus myrrham, ut eum, quem credimus in sua divinitate impassibilem, credamus etiam in nostra fuisse carne mortalem.

B. Videntes stellam Magi, gavisii sunt gaudio magno : * Et intrantes domum, invenérunt puerum cum María matre ejus, et procidentes adoravérunt eum. * Et apertis thesauris suis obtulerunt ei múnera, aurum, thus, et myrrham. **V.** Stella, quam viderant Magi in Oriente, antecederat eos, usque dum veniens staret supra ubi erat puer. Et intrantes domum, invenérunt puerum cum María matre ejus, et procidentes adoravérunt eum. Glória Patri, et Fílio, et Spirítui sancto. Et apertis thesauris suis obtulerunt ei múnera, aurum, thus et myrrham.

Lectio ix.

QUAMVIS in auro, thure, et myrrha intelliigi et aliud potest. Auro namque sapientia designatur, Salomone attestante, qui ait : Thesaurus desiderabilis requiescit in ore sapientis. Thure autem, quod Deo incenditur, virtus orationis exprimitur : Psalmista testante, qui dicit : Dirigatur oratio mea sicut incensum in conspectu tuo. Per myrrham vero carnis nostræ mortificatio figuratur. Unde sancta Ecclesia de suis operariis usque ad mortem pro Deo certantibus dicit : Manus meæ distillavérunt myrrham.

Te Deum laudamus. 56.

Ad Benedictus, Añã. Tria sunt múnera, quæ obtulerunt Magi Domino, aurum, thus, et myrrham, Fílio Dei, Regi magno, allelúia.

Ad Magnificat, Añã. Lux de luce apparuisti, Christe, cui Magi múnera offerunt, allelúia, allelúia, allelúia.

QUARTA DIE.

IN I. NOCTURNO.

De Epistola ad Romános.

Lectio j. Cap. 13.

OMNIS ánima potestátibus subli-
mióribus súbdita sit : Non est
enim potestas nisi a Deo : quæ
autem sunt, a Deo ordinatæ sunt.
Itaque qui resistit potestati, Dei
ordinatióni resistit. Qui autem
resistunt, ipsi sibi damnatiónem
acquirunt : nam principes non
sunt timóri boni óperis, sed ma-
li. Vis autem non timére pote-
státem ? Bonum fac : et habébis
laudem ex illa : Dei enim miní-
ster est tibi in bonum.

R. Tria sunt múnera pretiósá,
quæ obtulérunt Magi Dómino in
die ista, et habent in se divína
mystéria : * In auro, ut ostendá-
tur Regis poténtia : in thure, Sa-
cerdótem magnum considéra : et
in myrrha, Domínicam sepultú-
ram. **V.** Salútis nostræ auctórem
Magi veneráti sunt in cunábulis,

et de thesáuris suis mystícas ei
múnorum spécies obtulérunt. In
auro, ut ostendátur Regis potén-
tia : in thure, Sacerdótem ma-
gnum considera : et in myrrha,
Domínicam sepultúram.

Lectio ij.

Si autem malum féceris, time :
non enim sine causa gládium
portat. Dei enim miníster est :
vindex in iram ei, qui malum
agit. Ideo necessitáte súbditi estó-
te, non solum propter iram, sed
étiam propter consciéntiam. Ideo
enim et tribúta præstátis : mini-
stri enim Dei sunt, in hoc ipsum
serviéntes. Réddite ergo ómni-
bus débíta : cui tribútum, tribú-
tum : cui vectígal, vectígal : cui
timórem, timórem : cui honórem,
honórem.

R. In colúmbæ spécie Spíritus
sanctus visus est, patérna vox
audíta est : * Hic est Fílius meus
diléctus, in quo mihi bene com-
plácui. **V.** Cœli apérti sunt super

eum, et vox Patris intónuit. Hic est Filius meus diléctus, in quo mihi bene compláui.

Lectio iij.

NEMINI quidquam debeátis, nisi ut invicem diligátis: qui enim diligit próximum, legem implévit. Nam: Non adulterábis, Non occides, Non furáberis, Non falsum testimónium dices, Non concupísces, et si quod est áliud mandátum, in hoc verbo instaurátur: Díliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

R. Reges Tharsis et insulæ múnera ófferent: * Reges Arabum et Saba dona Dómino Deo addúcent. **V.** Omnes de Saba vénient, aurum et thus deferéntes. Reges Arabum et Saba dona Dómino Deo addúcent. Glória Patri, et Fílio, et Spiritui sancto. Reges Arabum et Saba dona Dómino Deo addúcent.

IN II. NOCTURNO.

Sermo sancti Leónis Papæ.

Serm. 1. de Epiphania.

Lectio iv.

CELEBRATO próximo die, quo in temeráta virginitas húmani géneris édedit Salvatórem, Epiphaniæ nobis, dilectíssimi, veneránda festívitás dat persevérántiam gaudiórum; ut inter cognatárum solemnitátum vicína sacraménta, exsultatiónis vigor, et fervor fidei non tepéscat. Ad ómnium enim hóminum spectat salútem, quod infántia mediátoris Dei, et hóminum, jam univérso declarabátur mundo, cum adhuc exíguo detinerétur oppídulo.

R. Illumináre, illumináre, Jerúsalem, quia venit lux tua: * Et glória Dómini super te orta est. **V.** Et ambulábunt gentes in lúmíne tuo, et reges in splendóre ortus tui. Et glória Dómini super te orta est.

Lectio v.

QUAMVIS enim Israeliticam gentem, et ipsius gentis unam familiam delegisset, de qua naturam universae humanitatis assumeret: noluit tamen intra maternae habitationis angustias ortus sui latere primordia: sed mox ab omnibus voluit agnosci, qui dignatus est pro omnibus nasci. Tribus igitur Magis in regione Orientis stella novae claritatis apparuit, quae illustrior caeteris, pulchriorque sideribus, facile in se intuentium oculos, animosque converteret: ut confestim adverteretur non esse otiosum, quod tam insolitum videbatur.

R. Omnes de Saba venient, aurum et thus deferentes, et laudem Domino annuntiantes. * Alleluia, alleluia, alleluia. **V.** Reges Tharsis et insulae munera offerent, reges Arabum et Saba dona adducent. Alleluia, alleluia, alleluia.

Lectio vj.

DEDIT ergo aspicientibus intellectum, qui praestitit signum: et quod fecit intelligi, fecit inquiri; et se inveniendum obtulit requisitus. Sequuntur tres viri superni luminis ductum, et praevis fulgoris indicium intenta contemplatione comitantes, ad agnitionem veritatis, gratiae splendore ducuntur, qui humanos sensus significatum sibi Regis ortum aestimaverunt in civitate regia esse quaerendum. Sed qui servi susceperat formam, et non iudicare venerat, sed iudicari, Bethlehem praelegit nativitati, Jerosolymam passioni.

R. Magi veniunt ab Oriente Jerosolymam quaerentes, et dicentes: Ubi est qui natus est, cujus stellam vidimus? * Et venimus adorare Dominum. **V.** Vidimus stellam ejus in Oriente. Et venimus adorare Dominum. Gloria Patri, et Filio, et Spiritui sancto. Et venimus adorare Dominum.

IN III. NOCTURNO.

Lectio sancti Evangelii secundum Matthæum.

Lectio vij. Cap. 2.

CUM natus esset Jesus in Bethlehem Juda in diebus Herodis regis, ecce Magi ab Oriente venerunt Jerosolymam dicentes: Ubi est qui natus est Rex Judæorum? Et reliqua.

De Homilia S. Gregorii Papæ.
Ex Hom. 10. in Evang.

MAGNUM vero nobis aliquid Magi innuunt, quod in regionem suam per aliam viam revertuntur. In eo namque quod admoniti faciunt, nobis profecto insinuant quid faciamus. Regio quippe nostra paradusus est: ad quam, Jesu cognito, redire per viam, qua venimus, prohibemur. A regione etenim nostra superbiendo, inobediendo, visibilia sequendo, cibum vetitum gustando discessimus: sed ad eam necesse est, ut flendo, obediendo, visibi-

lia contemnendo, atque appetitum carnis refrenando redeamus.

R. Stella, quam viderant Magi in Oriente, antecederat eos, donec venirent ad locum, ubi puer erat. * Videntes autem eam, gavisi sunt gaudio magno. **V.** Et intrantes domum, invenerunt puerum cum Maria matre ejus; et proidentes adoraverunt eum. Videntes autem eam, gavisi sunt gaudio magno.

Lectio viij.

PER aliam ergo viam ad regionem nostram regredimur quoniam qui a paradisi gaudiis per delectamenta discessimus, adhuc per lamenta revocamur. Unde necesse est, fratres charissimi, ut semper pavidi, semperque suspecti, ponamus ante oculos cordis, hinc culpas operis, illinc iudicium extremæ districtiōnis. Pensemus, quam districtus iudex veniat, qui iudicium minatur, et latet: terrores peccatoribus in-

téntat, et tamen adhuc sústinet :
et idcirco venire cítius differt,
ut minus invéniat quod condé-
mnet.

R. Vidéntes stellam Magi, ga-
visi sunt gáudio magno : * Et in-
trántes domum, invenérunt púe-
rum cum María matre ejus, et
procidéntes adoravérunt eum. *
Et apértis thesáuris suis obtulé-
runt ei múnera, aurum, thus, et
myrrham. **V.** Stella, quam vide-
rant Magi in Oriénte, antecede-
bat eos, usque dum véniens sta-
ret supra ubi erat puer. Et intrán-
tes domum, invenérunt púerum
cum María matre ejus, et proci-
déntes adoravérunt eum. Glória
Patri, et Fílio, et Spirítui sancto.
Et apértis thesáuris suis obtulé-
runt ei múnera, aurum, thus, et
myrrham.

Lectio ix.

PUNIAMUS flétibus culpas, et cum
Psalmístæ voce, præveniámus
fáciem ejus in confessióne. Volu-

ptátum nos ergo fallácia nulla
decípiat, nulla vana lætítia sedú-
cat. In próximo namque est ju-
dex, qui dixit : Væ vobis, qui ri-
détis nunc ; quia lugébitis et flé-
bitis. Hinc enim Sálomon ait :
Risus dolóri miscébitur : et, Ex-
tréma gáudii luctus óccupat. Hinc
íterum dicit : Risum deputávi
errórem, et gáudio dixi : Quid
frustra decíperis ? Hinc rursus
ait : Cor sapiéntium ubi tristítia
est : et cor stultórum ubi lætítia.

Te Deum laudámus. 56.

Ad Benedictus, Aña. Vidimus
stellam ejus in Oriénte, et véni-
mus cum munéribus adoráre Dó-
minum.

Ad Magnificat, Aña. Interro-
gábat Magos Heródes : Quod si-
gnum vidístis super natum Re-
gem ? Stellam vidimus fulgén-
tem, cujus splendor illúminat
mundum.

QUINTA DIE.
IN I. NOCTURNO.

De Epístola ad Romános.

Lectio j. Cap. 14.

INFIRMUM autem in fide assúmi-
te, non in disceptationibus cogitationum. Alius enim credit se manducare omnia : qui autem infirmus est, olus manducet. Is qui manducat, non manducantem non spernat : et qui non manducat manducantem non iudicet, Deus enim illum assumpsit. Tu quis es, qui iudicas alienum servum ? Domino suo stat, aut cadit : stabit autem : potens est enim Deus statuere illum.

R. Tria sunt múnera pretiósá, quæ obtulerunt Magi Dómino in die ista, et habent in se divína mystéria : * In auro, ut ostendátur Regis poténtia : in thure, Sacerdótem magnum considera ; et in myrrha, Domínicam sepultúram. *ŷ.* Salútis nostræ auctórem Magi veneráti sunt in cunábulis,

et de thesáuris suis mysticas ei múnere species obtulerunt. In auro ut ostendátur Regis poténtia : in thure, Sacerdótem magnum considera : et in myrrha, Domínicam sepultúram.

Lectio ij.

NAM álius iudicat diem inter diem : álius autem iudicat omnem diem : unusquisque in suo sensu abúndet. Qui sapit diem, Dómino sapit. Et qui manducat, Dómino manducat : grátias enim agit Deo. Et qui non manducat, Dómino non manducat, et grátias agit Deo. Nemo enim nostrum sibi vivit, et nemo sibi móritur. Sive enim vivimus, Dómino vivimus : sive mórimur, Dómino mórimur. Sive ergo vivimus, sive mórimur, Dómini sumus. *R.*

R. In colúmbæ specie Spíritus sanctus visus est, patérna vox audita est : * Hic est Fílius meus diléctus in quo mihi bene complácuti. *ŷ.* Cœli apérti sunt super

eum, et vox Patris intónuit. Hic est Filius meus diléctus, in quo mihi bene compláculi.

Lectio iij.

IN hoc enim Christus mórtuus est, et resurréxit : ut et mortuórum et vivórum dominétur. Tu autem quid júdeas fratrem tuum ? Aut tu quare spernis fratrem tuum ? Omnes enim stábitur ante tribúnal Christi. Scriptum est enim : Vivo ego, dicit Dóminus, quóniam mihi flectétur omne genu : et omnis lingua confitébitur Deo. Itaque unusquisque nostrum pro se ratió- nem reddet Deo. Non ergo ámplius invicem judicémus.

R. Reges Tharsis et ínsulæ múnera ófferent : * Reges Arabum et Saba dona Dómino Deo addúcent. **V.** Omnes de Saba vénient, aurum et thus deferéntes. Reges Arabum et Saba dona Dómino Deo addúcent. Glória Patri, et Filio, et Spirítui sancto. Reges

Arabum et Saba dona Dómino Deo addúcent.

IN II. NOCTURNO.

Sermo sancti Máximi Epíscopi.

Lectio iv. *Hom. 1. de Epiphania.*

IN hac, dilectíssimi, celebritáte, sicut relátu patrénæ traditió- nis instrúimur, múltiplici nobis est festivitáte lætándum. Ferunt enim, hódie Christum Dóminum nostrum vel stella duce a Géntibus adorátum ; vel invitátum ad núptias aquas in vina vertísse ; vel suscepto a Joánne baptisma- te, consecrásse fluénta Jordánis, suúmque simul purificásse Bap- tistam.

R. Illumináre, illumináre, Jerú- salem, quia venit lux tua : * Et gló- ria Dómini super te orta est. **V.** Et ambulábunt gentes in lúmine tuo, et reges in splendóre ortus tui. Et glória Dómini super te orta est.

Lectio v.

SED quid potíssimum præsentí hoc factum sit die, nóverit

ipse qui fecit : nos tamen credere, nec dubitare debemus, quidquid illud est, factum esse pro nobis. Nam quod eum fulgentioris stellæ radiis incitati adoravere Chaldæi, Deum verum gentibus spes data est adorandi. Quod aquæ novo sunt ordine in vina mutatæ, novi nobis poculi prælibatum est sacramentum. Quod autem baptizatus est Agnus Dei, regenerantis baptismi salutare nobis munus est dedicatum.

R. Omnes de Saba venient, aurum et thus deferentes, et laudem Domino annuntiantes. * Allel., allel., allel. **V.** Reges Tharsis et insulæ mûnera offerent, reges Arabum et Saba dona adducent. Allelûia, allelûia, allelûia.

Lectio vij.

OPORTET itaque nos, fratres, ad honorem Salvatoris nostri cuius nativitatem debita nuper cum exultatione transégimus, omnium cum devotione etiam hunc virtutum

tum ejus celebrare natalem. Et quam recte tria hæc nobis uno acta in die mysteria prædicantur, qui ineffabilis Trinitatis arcânium uno Dei sub nomine confitemur. Per hæc ergo miracula Christus Dominus Redemptor noster oculis se voluit revelare mortalium, quatenus invisibilis ejus divinitas, quæ latebat in homine, in opere non lateret.

R. Magi veniunt ab Oriente Jerosolymam quærentes et dicentes : Ubi est qui natus est, cujus stellam vidimus ? * Et venimus adorare Dominum. **V.** Vidimus stellam ejus in Oriente. Et venimus adorare Dominum. Glória Patri, et Filio, et Spiritui sancto. Et venimus adorare Dominum.

IN III. NOCTURNO. ®

Lectio Sancti Evangelii secundum Matthæum.

Lectio vij. Cap. 2.

CUM natus esset Jesus in Bethlehemi Juda in diebus Herodis

regis, ecce Magi ab Oriente venērunt Jerosólymam, dicentes : Ubi est qui natus est rex Judæorum ? Et reliqua.

Homilia sancti Hierónymi
Presbyteri.

Lib. 1. Comment. in c. 2. Matth.

VIDIMUS enim stellam ejus in Oriente. Ad confusiónem Judæorum, ut nativitatem Christi a gētibus dīcerent, oritur in Oriente stella ; quam futuram Bálaam, cujus successóres erant, vaticinio nóverant. Lege Númerorum librum. Deferuntur autem Magi stellæ indicio in Judæam, ut sacerdótes a Magis interrogáti, ubi Christus nasceretur, inexcusábiles fierent de advēntu ejus.

R. Stella, quam viderant Magi in Oriente, antecederat eos, donec venirent ad locum, ubi puer erat. * Videntes autem eam, gavisi sunt gaudio magno. **v̄.** Et intrantes domum, invenērunt puerum cum María matre ejus ; et

procidentes adoraverunt eum. Videntes autem eam, gavisi sunt gaudio magno.

Lectio viij.

AT illi dixerunt ei : In Béthlehem Judææ. Librariórum hic error est. Putámus enim ab Evangelista primum editum, sicut in ipso Hebráico légimus, Judæ, non Judææ. Quæ est enim aliarum Gēntium Béthlehem, ut ad distinctionem ejus, hic Judææ poneretur ? Judæ autem idcirco scribitur, quia est et alia Béthlehem in Galilæa. Lege librum Jesu filii Nave. Dénique et in ipso testimonio, quod de Michææ prophetia sumptum est, ita habetur : Et tu, Béthlehem terra Juda.

R. Videntes stellam Magi, gavisi sunt gaudio magno : * Et intrantes domum, invenērunt puerum cum María matre ejus, et procidentes adoraverunt eum. * Et apertis thesauris suis obtulerunt ei múnera, aurum, thus, et myr-

rham. *ŷ.* Stella, quam viderant Magi in Oriente, antecedebat eos, usque dum veniens staret supra ubi erat puer. Et intrantes domum, invenerunt puerum cum Maria matre eius, et procidentes adoraverunt eum. Gloria Patri, et Filio, et Spiritui sancto. Et apertis thesauris suis obtulerunt ei munera, aurum, thus, et myrrham.

Lectio ix.

ET apertis thesauris suis, obtulerunt ei munera, aurum, thus, et myrrham. Pulcherrime munerum sacramenta Juvencus presbyter uno versiculo comprehendit : Thus, aurum, myrrham, Regique, hominique, Deoque dona ferunt. Et responso accepto in somnis, ne redirent ad Herodem, per aliam viam reversi sunt in regionem suam. Qui munera obtulerant Domino, consequenter responsum accipiunt, non per Angelum, sed per ipsum Dominum : ut meritorum Joseph pri-

vilégium demonstrarétur. Revertuntur autem per aliam viam : quia infidelitati miscendi non erant Judæorum.

Te Deum laudamus. 56.

Ad Benedictus, Añã. Omnes nationes venient a longe, portantes munera sua, allelúia.

Ad Magnificat, Añã. Omnes de Saba venient, aurum, et thus deferentes, allelúia, allelúia.

SEXTA DIE.

IN I. NOCTURNO.

De Epistola ad Romanos.

Lectio j. Cap. 15.

DEBEMUS autem nos firmiores imbecillitates infirmorum sustinere, et non nobis placere. Unusquisque vestrum proximo suo placeat in bonum, ad ædificationem. Etenim Christus non sibi placuit, sed sicut scriptum est : Improperia improperantium tibi ceciderunt super me. Quæcumque enim scripta sunt, ad nostram doctrinam scripta sunt : ut per

patiéntiam, et consolatiónem Scripturárum, spem habeámus.

R. Tria sunt múnera pretiósá, quæ obtulérunt Magi Dómino in die ista, et habent in se divína mystéria : * In auro, ut ostendátur Regis poténtia : in thure, Sacerdótem magnum considera ; et in myrrha, Dominicam sepultúram. **V.** Salútis nostræ auctórem Magi veneráti sunt in cunábulis, et de thesáuris suis mysticas ei múnere species obtulérunt. In auro, ut ostendátur Regis poténtia : in thure, Sacerdótem magnum considera : et in myrrha Dominicam sepultúram.

Lectio ij.

DEUS autem paciéntiæ et solátií, det vobis idípsum sápere in altérutrum secúndum Jesum Christum : ut unánimes, uno ore honorificétis Deum, et Patrem Dómini nostri Jesu Christi. Propter quod suscipite ínvicem, sicut et Christus suscepit vos in

honórem Dei. Dico enim Christum Jesum místrum fuisse circumcisiónis propter veritátem Dei, ad confirmándas promissiónes patrum : Gentes autem super misericórdia honoráre Deum, sicut scriptum est : Proptérea confitebor tibi in Géntibus, Dómine, et nómini tuo cantábo. Et iterum dicit : Lætámini Gentes cum plebe ejus. Et iterum : Laudáte, omnes Gentes, Dóminum, et magnificáte eum, omnes pópuli.

R. In colúmbæ specie Spíritus sanctus visus est, patérna vox audíta est : * Hic est Fílius meus diléctus, in quo mihi bene compláui. **V.** Cœli apérti sunt super eum, et vox Patris intónuit. Hic est Filius meus diléctus, in quo mihi bene compláui.

Lectio iij.

ET rursus Isaiás ait : Erit radix Jesse, et qui exsúrgat régere Gentes in eum Gentes sperábunt. Deus autem spei répleat vos omni

gáudio et pace in credéndo, ut abundétis in spe, et virtúte Spíritus sancti. Certus sum autem, fratres mei, et ego ipse de vobis, quóniam et ipsi pleni estis dilectióne, repléti omni sciéntia, ita ut possitis altérutrum monére. Audácius autem scripsi vobis, fratres, ex parte, tamquam in memóriam vos redúcens : propter grátiam quæ data est mihi a Deo, ut sim mínister Christi Jesu in Géntibus : sanctificans Evangélium Dei, ut fiat oblátio Géntium accépta, et sanctificáta in Spíritu sancto.

R. Reges Tharsis et insulæ múnera ófferent : * Reges Arabum et Saba dona Dómino Deo addúcent. **V.** Omnes de Saba vénient, aurum et thus deferéntes. Reges Arabum et Saba dona Dómino Deo addúcent. Glória Patri, et Filio, et Spíritui sancto. Reges Arabum et Saba dona Dómino Deo addúcent.

IN II. NOCTURNO.

Sermo S. Fulgéntii Episcopi.

*Ex Sermone 5. qui est de Epiphania, sub initium.***Lectio iv.**

IPSE Deus, qui sibi in véteri Testaménto primitias offérri mandávit, homo natus, Géntium primitias suo cúltoi dedicávit. Pastóres fuérunt primitiæ Judæórum : Magi facti sunt primitiæ Géntium. Illi de próximo addúcti, isti de longínquo redúcti. Ubi est, inquiunt, qui natus est Rex Judæórum ? De Heróde rege Judæórum filii jam fúerant nati. Archeláus natus est in palátio, Christus in diversório. Archeláus natus est in lecto argénteo pósitus ; Christus autem natus, in præsépio est brevíssimo collocá-[®]tus : et tamen ille natus in palátio contémnitur, iste natus in diversório quæritur : ille a Magis nullátenuis nomináitur, iste in-
véntus suppliciter adoráitur.

R. Illumináre, illumináre, Jerúsalem, quia venit lux tua : * Et glória Dómini super te orta est. **V.** Et ambulábunt gentes in lúmine tuo, et reges in splendóre ortus tui. Et glória Dómini super te orta est.

Lectio v.

QUIS est iste rex Judæórum ? Pauper et dives, húmilis et sublimis. Quis est iste rex Judæórum, qui portátur ut párvulus, adorátur ut Deus ? parvus in præsepío, imménsus in cœlo : vilis in pannis, pretiósus in stellis. Quid est quod sic turbáris, Heródes ? Rex iste, qui natus est non venit reges pugnándo superáre, sed moriéndó mirabíliter subjugáre. Nec ídeo natus est, ut tibi succédát, sed ut in eum mundus fidéliter credat. Venit ergo, non ut pugnet vivus, sed ut triúmphet occísus.

R. Omnes de Saba vénient, aurum et thus deferéntes, et lau-

dem Dómino annuntiántes. * Allelúia, allelúia, allelúia. **V.** Reges Tharsis et ínsulæ múnera ófferent, reges Arabum et Saba dona addúcent. Allelúia, allelúia, allelúia.

Lectio vj.

PUER iste, qui nunc a Magis dicitur rex Judæórum, idem Creátor est, et Dóminus Angelórum. Quaprópter cujus times infántiam nascéntis, magis timére debes omnipoténtiam judicántis. Noli eum timére regni tui succésórem, sed time infidelitátis tuæ justíssimum damnatórem. **Ite**, inquit, et renuntiáte mihi, ut et ego véniens adórem eum. **O callíditas ficta, o incredúlitas ímpia, o nequítia fraudulénta ! Sanguis innocéntium, quem crudéliter effudísti, attestátur, quid de hoc púero voluísti.**

R. Magi véniunt ab Oriente Jerosólymam quæréntes, et dicéntes : Ubi est qui natus est, cujus

stellam vidimus ? * Et venimus adorare Dominum. *ſ.* Vidimus stellam ejus in Oriente. Et venimus adorare Dominum. Glória Patri, et Filio, et Spiritui sancto. Et venimus adorare Dominum.

IN III. NOCTURNO.

Lectio Sancti Evangelii secundum Matthæum.

Lectio vij. Cap. 2.

CUM natus esset Jesus in Bethlehém Juda in diebus Heródis regis, ecce Magi ab Oriente venerunt Jerosólymam, dicentes : Ubi est qui natus est Rex Judæórum ? Et reliqua.

Homilia sancti Ambrósii

Episcopi.

*Libro 2. in Luc. capite 2.
post initium.*

QUÆ sunt ista veræ fidei múnera ? Aurum Regi, thus Deo, myrrha defuncto. Aliud enim Regis insigne, aliud divínæ sacraméntum potestátis, aliud honor est sepultúræ, quæ non cor-

rumpat corpus mórtui, sed resérvet. Nos quoque, qui hæc audimus, et légimus, de thesáuris nostris tália, fratres, múnera proferámus. Habémus enim thesáurum in vasis fictilibus. Si igitur in teipso quod es, non ex te debes aestimáre, sed ex Christo : quanto magis in Christo non tua debes aestimáre, sed Christi ?

ſ. Stella, quam viderant Magi in Oriente, antecédabat eos, donec venirent ad locum, ubi puer erat. * Videntes autem eam, gavisí sunt gáudio magno. *ſ.* Et intrátes domum, invenérunt puerum cum María matre ejus, et procidentes adoravérunt eum. Videntes autem eam, gavisí sunt gáudio magno.

Lectio viij.

ERGO Magi de thesáuris suis offerunt múnera. Vultis scire quam bonum méritum hábeant ? Stella ab his vidétur ; et ubi Heródes est, non vidétur : ubi Chri-

stus est, rursus videtur: et viam demonstrat. Ergo stella hæc, via est, et via Christus: quia secundum incarnationis mysterium Christus est stella. Orietur enim stella ex Jacob, et exsurget homo ex Israël. Denique ubi Christus, et stella est. Ipse enim est stella splendida, et matutina. Sua igitur ipse luce se signat.

R. Videntes stellam Magi, gavisissimi sunt gaudio magno: * Et intrantes domum, invenerunt puerum cum Maria matre ejus, et proidentes adoraverunt eum. * Et apertis thesauris suis obtulerunt ei munera, aurum, thus, et myrrham. **V.** Stella, quam viderant Magi in Oriente antecederat eos, usque dum veniens staret supra ubi erat puer. Et intrantes domum, invenerunt puerum cum Maria matre ejus, et proidentes adoraverunt eum. Gloria Patri, et Filio, et Spiritui sancto. Et apertis thesauris suis obtulerunt

ei munera aurum, thus et myrrham.

Lectio ix.

ACCIPE aliud documentum. Alia venerunt via Magi, alia redeunt. Qui enim Christum viderant, Christum intellexerant; meliores utique, quam venerant, revertuntur. Duæ quippe sunt viæ: una, quæ ducit ad interitum; alia, quæ ducit ad regnum. Illa peccatorum est, quæ ducit ad Herodem: hæc Christus est, qua reditur ad patriam. Hic enim temporalis est incolatus, sicut scriptum est: Multum incola facta est anima mea.

Te Deum laudamus. 56.

Ad Benedictus, Añã. Venient ad te, qui detrahébant tibi, et adorábunt vestigia pedum tuorum. **R.**

Ad Magnificat, Añã. Admoniti Magi in somnis, per aliam viam reversi sunt in regionem suam. **R.**

SABBATO

INFRA OCTAVAM EPIPHANIÆ
AD VESPERAS

Capitulum. Rom. 12.

FRATRES, Obsecro vos per misericordiam Dei, ut exhibeatis corpora vestra hostiam viventem, sanctam, Deo placentem, rationabile obsequium vestrum.

R. Deo grátias.

Hymnus.

CRUDELIS Heródes, Deum
Regem venire quid times?
Non eripit mortalia,
Qui regna dat cœlestia.

Ibant Magi, quam viderant,
Stellam sequentes præviam:
Lumen requirunt lumine:
Deum fatentur munere.

Lavácula puri gurgitis
Cœlestis Agnus attingit:
Peccata, quæ non detulit,
Nos abluendo, sustulit.

Novum genus potentiae:
Aquæ rubescunt hydriæ,
Vinumque iussa fundere,

Mutavit unda originem.

Jesu, tibi sit glória,
Qui apparuisti Géntibus,
Cum Patre, et almo Spiritu,
In sempiterna sæcula. Amen.

ŷ. Reges Tharsis et insulæ mún-
nera offerent. **R.** Reges Arabum
et Saba dona addúcent.

Ad Magnificat, Añã. Remansit
puer Jerúsalem, et non cognové-
runt paréntes ejus, existimántes il-
lum esse in comitatu: et requiré-
bant eum inter cognátos et notos.

Orémus. Oratio.

VOTA, quæsumus, Dómine, sup-
plicántis pópuli cœlesti pietá-
te proséquere: ut et quæ agénda
sunt, videant, et ad implénda,
quæ viderint, convaléscant. Per
Dóminum.

Deinde fit comm. Epiphaniæ
per Añã, quæ occurrit secundum
ordinem dierum infra Octavam.

ŷ. Omnes de Saba vénient, alle-
lúia. **R.** Aurum et thus deferén-
tes, allelúia.

Nisi dicta sit Añã. Omnes de Saba vénient : tunc enim dicitur *ŷ.* Adoráte Deum, allelúia. *R.* Omnes Angeli ejus, allelúia.

Orémus. *Oratio.*

DEUS, qui hodiérna die Unigénitum tuum Géntibus stella duce revelásti : concéde propítius ; ut qui jam te ex fide cognóvimus, usque ad contemplándam spéciem tuæ celsitúdinis perducamur. Per eúndem Dóminum.

DOMINICA

INFRA OCTAVAM EPIPHANIÆ.

Totum Officium dicitur de Epiphania, præter Lectiones, Capitula, Antiphonas ad Benedictus, et ad Magnificat, et Orationem.

In *j.* Nocturno ponitur Epistola prima ad Corinthios, quæ inferius post Octavam habetur, p. 213, et legitur de ea sequentibus diebus. Lectiones vero quæ aliquando supersunt de Epistola ad Romanos, eo anno prætermittuntur.

Quando Epiphania in Dominica venerit, Sabbato sequenti fit Officium de Dominica et Feria *vj.* Vesperæ a Capitulo de Dominica cum commemoratione Octavæ.

* In primo Nocturno leguntur Lectiones de Epistola ad Romanos, ut infra. Epistola vero ad Corinthios tunc ponitur ipsa die Dominica in Officio Octavæ.

IN I. NOCTURNO.

De Epistola ad Romanos.

Lectio *j.* Cap. 16.

COMMENDO autem vobis Phœbem sorórem nostram, quæ est in ministério Ecclésiæ, quæ est in Cenchris : ut eam suscipiátis in Dómino digne sanctis : et assistátis ei in quocúmque negotio vestri indigúerit : etenim ipsa quoque ástitit multis, et mihi ipsi. Salutate Priscam et Aquilam adjutores meos in Christo Jesu (qui pro ánima mea suas cervíces supposuerunt : quibus non solus ego grátias ago, sed et cunctæ Ecclé-

siaē Géntium) et domésticam Ecclésiā eórum.

R. Hódie in Jordáne baptizáto Dómino apérti sunt cœli, et sicut colúmba super eum Spíritus mansit, et vox Patris intónuit : * Hic est Fílius meus diléctus, in quo mihi bene complácul. **ŷ.** Descéndit Spíritus sanctus corporáli spécie sicut colúmba in ipsum, et vox de cœlo facta est. Hic est Fílius meus diléctus, in quo mihi bene complácul.

Lectio ij.

Rogo autem vos, fratres, ut observétis eos, qui dissensiónes et offendícula præter doctrínam, quam vos didicístis, faciunt ; et declináte ab illis. Hujuscémodi enim Christo Dómino nostro non sérviant, sed suo ventri : et per dulces sermónes, et benedictiões sedúcunt corda innocéntium. Vestra enim obediéntia in omnem locum divulgáta est. Gáudeo ígitur in vobis. Sed volo vos sapién-

tes esse in bono, et símplex in malo.

R. In colúmbæ spécie Spíritus sanctus visus est, patérna vox audíta est : * Hic est Fílius meus diléctus, in quo mihi bene complácul. **ŷ.** Cœli apérti sunt super eum, et vox Patris intónuit. Hic est Fílius meus diléctus, in quo mihi bene complácul.

Lectio iij.

SALUTAT vos Timótheus adjútor meus, et Lúcius, et Jason, et Sosípater cognáti mei. Salúto vos ego Tértius, qui scripsi epístolam, in Dómino. Salútat vos Cajus hospes meus, et univérsa Ecclésia. Salútat vos Erástus arcárius civitátis, et Quartus, frater. Grátia Dómini nostri Jesu Christi cum ómnibus vobis. Amen.

R. Reges Tharsis et insulæ múnera ófferent : * Reges Arabum et Saba dona Dómino Deo addúcent. **ŷ.** Omnes de Saba vé-

nient, aurum et thus deferentes. Reges Arabum et Saba dona Dómino Deo addúcent. Glória Patri, et Filio, et Spirítui sancto. Reges Arabum et Saba dona Dómino Deo addúcent.

IN II. NOCTURNO.

Sermo sancti Leónis Papæ.

Lectio iv.

Serm. A. de Epiphania.

JUSTUM et rationábile, dilectissimi mi, veræ pietátis obséquium est, in diébus, qui divinæ ópera misericórdiæ protestántur, toto corde gaudere, et honorífice ea, quæ ad salutem nostram gesta sunt celebráre, vocánte nos ad hanc devotiónem ipsa recurréntium témporum lege, quæ nobis post diem, in quo coæternus Patri Fílius Dei natus ex Vírgine est, brevi intervállo Epiphaniæ intulit festum ex apparitióne Dómini consecrátum.

R. Illumináre, illumináre, Jerúsalem, quia venit lux tua : * Et

glória Dómini super te orta est. **Y.** Et ambulábunt gentes in lumine tuo, et reges in splendóre ortus tui. Et glória Dómini super te orta est.

Lectio v.

IN quo fidei nostræ magnum præsidium providéntia divína constituit : ut dum solémni veneratióne recólitur adoráta in exórdiis suis Salvatóris infántia, per ipsa originália documénta probarétur veri hóminis in Christo orta natúra. Hoc enim est, quod justificat impios : hoc est, quod ex peccatóribus facit sanctos, si in uno eodémque Dómino nostro Jesu Christo et vera Déitas, et vera credáur humanitas : Déitas, qua ante ómnia sæcula in forma Dei æquális est Patri : humanitas, qua novíssimis diébus in forma servi uníus est hómini.

R. Omnes de Saba vénient, aurum et thus deferentes, et laudem

Dómino annuntiántes. * Allelúia, allelúia, allelúia. *ŷ.* Reges Tharsis et insulæ múnera ófferent, reges Arabum et Saba dona addúcent. Allelúia, allelúia, allelúia.

Lectio vj.

Ad roborándum ergo hanc fidem, quæ contra omnes pronuntiabátur erróres, ex magna gestum est divini pietáte consílii, ut gens in longínqua Orientális plagæ regione consistens, quæ spectandórum síderum arte pollébat, signum nati púeri, qui supra omnem Israel esset regnatúrus, accíperet. Nova étenim cláritas apud Magos stellæ illustriórís apparuit, et intuéntium ánimos ita admiratióne sui splendóris implévit, ut nequáquam sibi créderent negligéndum, quod tanto nuntiabátur indício.

R. Magi véniunt ab Oriente Jerosólymam quæréntes, et dicétes : Ubi est qui natus est, cujus stellam vídimus ? * Et vénimus

adoráre Dóminum. *ŷ.* Vídimus stellam ejus in Oriente. Et vénimus adoráre Dóminum. Glória Patri, et Fílio, et Spirítui sancto. Et vénimus adoráre Dóminum.

IN III. NOCTURNO.

Léctio sancti Evangélii secúndum Lucam.

Lectio vij. Cap. 2. f.

Cum factus esset Jesus annórum duódecim ascendéntibus illis Jerosólymam secúndum consuetúdinem diéi festi, consummatísque diébus, cum redírent, remánsit puer Jesus in Jerúsalem. Et réliqua.

Homilía S. Ambrósii Epíscopi.

Lib. 2. in cap. 2. Luc. in fine.

ADUODECIMO anno, ut légimus, Domínicæ súmitur disputatiónis exórdium. Hic enim prædicándæ fidei evangelizántium númerus debebátur. Nec otiose ímmemor suórum secúndum carnem paréntum, qui secúndum carnem útique sapiéntia Dei im-

plebatur et gratia, post triduum reperitur in templo : ut esset indicio, quia post triduum triumphalis illius passionis, in sede coelesti, et honore divino, fidei nostrae se suscitatus offerret, qui mortuus credebatur.

R. Stella, quam viderant Magi in Oriente, antecedebat eos, donec venirent ad locum ubi puer erat. * Videntes autem eam, gavisissimi sunt gaudio magno. **V.** Et intrantes domum invenerunt puerum cum Maria matre ejus ; et proidentes adoraverunt eum. Videntes autem eam, gavisissimi sunt gaudio magno.

Lectio viij.

Quid est quod me quaerebatis ? Duae sunt in Christo generationes : una est paterna, materna altera. Paterna illa diviniore : materna vero, quae in nostrum laborem usumque descendit. Et ideo quae supra naturam, supra aetatem, supra consuetudinem fiunt,

non humanis assignanda virtutibus, sed divinis referenda sunt potestatibus. Alibi eum ad ministerium mater impellit, hic mater arguitur, quia adhuc, quae humana sunt, exigit. Sed cum hic duodecim describatur annorum, illic discipulos habere dicatur ; vides matrem didicisse a filio, ne exigeret a validiore ministerium, quae stupescit in juniore miraculum.

R. Videntes stellam Magi, gavisissimi sunt gaudio magno : * Et intrantes domum, invenerunt puerum cum Maria matre ejus, et proidentes adoraverunt eum. * Et apertis thesauris suis obtulerunt ei munera, aurum, thus, et myrrham. **V.** Stella, quam viderant Magi in Oriente, antecedebat eos, usque dum veniens staret supra ubi erat puer. Et intrantes domum, invenerunt puerum cum Maria matre ejus, et proidentes adoraverunt eum. Gloria

Patri, et Filio, et Spiritui sancto. Et apertis thesauris suis obtulerunt ei múnera, aurum, thus, et myrrham.

Lectio ix.

ET venit Náza-reth, et erat súbditus illis. Quid enim magister virtútis, nisi officium pietátis impleret? Et mirámur, si Patri defert, qui súbditur Matri? Non útique infirmitátis, sed pietátis ista subjéctio est: attóllat licet sævis emissus látebris cóluber perfídiæ caput, et serpentínis évomat venéna pectóribus. Cum dicit se Fílius missum, majórem hæréticus appéllat Patrem, ut imperfectum Filium dicat, qui potest habére majórem: ut aliénis auxiliis ásserat eum, qui mítitur, indigére. Numquid et humano egébat auxílio, ut matérno servíret império?

Te Deum laudámus. 56.

AD LAUDES.

Et per Horas, omnia ut in die Epiphaniæ. 59 præter sequentia.

Capitulum. Rom. 12.

FRATRES, Obsecro vos per misericórdiam Dei, ut exhibeátis córpora vestra hóstiam vivéntem sanctam, Deo placéntem, rationá-bile obséquium vestrum.

Hymnus.

OSOLA magnárum úrbium
Major Bethlem, cui cóntigit
Ducem salutis cœlitus
Incorporátum gignere.
Quem stella, quæ solis rotam
Vincit decóre ac lúmíne,
Venísse terris nún-tiat
Cum carne terréstri Deum.
Vidére postquam illum Magi
Eóa promunt múnera;
Stratíque votis ófferunt
Thus, myrrham et aurum régium.
Regem Deúmque annúntiant
Thesáurus, et fragrans odor
Thuris Sabæi, ac myrrheus
Pulvis sepúlchrum prædocet.

Jesu, tibi sit glória,
 Qui apparuísti géntibus,
 Cum Patre, et almo Spíritu
 In sempitérna sæcula. Amen.

✠. Adoráte Deum, allelúia. R.
 Omnes Angeli ejus, allelúia.

Ad Benedictus, Aña. Remánsit
 puer Jesus in Jerúsalem, et non
 cognóverunt paréntes ejus existi-
 mántes illum esse in comitátu :
 et requirébant eum inter cogná-
 tos et notos.

Orémus. **Oratio.**

VOTA, quæsumus, Dómine, sup-
 plicántis pópuli cœlésti pie-
 tate proséquere ; ut et quæ agén-
 da sunt, vídeant ; et ad implénda
 quæ viderint, convaléscant. Per
 Dóminum.

**Deinde fit commemoratio de
 Epiphania.**

Aña. Hódie cœlésti sponso jun-
 cta est Ecclésia, quóniam in Jor-
 dâne lavit Christus ejus crimina :
 currunt cum munéribus Magi ad
 regales nuptias, et ex aqua facto

vino lætántur convívæ, allelúia.

✠. Omnes de Saba vénient, al-
 lelúia. R. Aurum et thus deferén-
 tes, allelúia.

Orémus. **Oratio.**

DEUS, qui hodiérna die Unigéni-
 tum tuum génitus stella duce
 revelásti : concéde propítius, ut
 qui jam te ex fide cognóvimus,
 usque ad contemplándam spé-
 ciem tuæ celsitúdinis perducá-
 mur. Per eúmdem Dóminum.

AD TERTIAM.

Aña. Venit lumen tuum.

Capitulum. Fratres, Obsecro
 vos. **ut supra.** 197.

R. br. Reges Tharsis, et insulæ
 múnera ófferent. * Allelúia, alle-
 lúia. Reges Tharsis et insulæ mú-
 nera ófferent, allelúia, allelúia.

✠. Reges Arabum et Saba dona
 addúcent. Allelúia, allelúia. Gló-
 ria Patri et Filio, et Spíritui san-
 cto. Reges Tharsis et insulæ mú-
 nera ófferent, allelúia, allelúia.

✠. Omnes de Saba vénient, al-

lélúia. **R.** Aurum et thus deferentes, allelúia.

Oratio. Vota quæsumus, **ut infra.** 203.

AD SEXTAM.

Aña. Apértis thesáuris suis.

Capitulum. Rom. 12.

Dico enim per grátiam quæ data est mihi, ómnibus qui sunt inter vos : Non plus sápere quam opórtet sápere, sed sápere ad sobrietátem.

R. br. Omnes de Saba vénient.

* Allelúia, allelúia. Omnes de Saba vénient, allelúia, allelúia. **V.** Aurum et thus deferentes. Allelúia, allelúia. Glória Patri, et Filio, et Spirítui sancto. Omnes de Saba vénient, allelúia, allelúia.

V. Adoráte Dóminum, allelúia.

R. In aula sancta ejus, allelúia.

Oratio. Vota quæsumus, **ut infra.** 203.

AD NONAM.

Aña. Stella ista.

Capitulum. Rom. 12.

Sicut enim in uno corpore multa membra habémus : ómnia autem membra non eúndem actum habent : ita multi unum corpus sumus in Christo, sínguli autem alter altérius membra, in Christo Jesu Dómino nostro.

R. br. Adoráte Dóminum, * Allelúia, allelúia. Adoráte Dóminum, allelúia, allelúia. **V.** In aula sancta ejus. Allelúia, allelúia. Glória Patri, et Filio, et Spirítui sancto. Adoráte Dóminum, allelúia, allelúia.

V. Adoráte Deum, allelúia. **R.** Omnes Angeli ejus, allelúia.

Oratio. Vota quæsumus, **ut infra.** 203.

AD VESPERAS.

Antiphonæ et Psalmi ut in ij.
Vesperis diei festi. 116.

Capitulum. Rom. 12.

Fratres, óbsecro vos per misericórdiam Dei, ut exhibeátis

córpóra vestra hóstiám vivéntem,
sanctám, Deo placéntem, rationá-
bile obséquium vestrum. **R.** Deo
grátias.

Hymnus.

CRUDELIS Heródes, Deum
Regem veníre quid times ?

Non éripit mortália,
Qui regna dat coeléstia.

Ibant Magi, quam víderant,
Stellam sequéntes præviam :

Lumen requírunt lúmíne :
Deum faténtur múnere.

Lavácula puri gúrgitis
Coeléstis Agnus áttigit :
Peccáta quæ non détulit,
Nos abluéndo sústulit.

Novum genus poténtiæ :

Aquæ rubescunt hydriæ,
Vinúmque jussa fúndere,
Mutávit unda originem.

Jesu, tibi sit glória,
Qui apparuísti Géntibus,
Cum Patre, et almo Spírítu,
In sempitérna sæcula.

Amen.

V. Reges Tharsis, et insulæ mú-
nera offerent. **R.** Reges Arabum
et Saba dona addúcent.

Ad Magnificat, Añá. Fili, quid
fecisti nobis sic ? ego et pater
tuus doléntes quærebámus te.
Quid est quod me quærebá-
tis ? nesciebátis quia in iis, quæ
Patris mei sunt, opórtet me
esse ?

Orémus. **Oratio.**

VOTA, quæsumus, Dómine, sup-
plicántis pópuli coelésti pie-
tate proséquere ; ut et quæ agén-
da sunt, videant ; et ad implénda
quæ víderint, convaléscant. Per
Dóminum.

Et fit commem. de Epiphania,

Añá. Tribus miráculis ornátum
diem sanctum cólimus : hódie
stella Magos duxit ad præsé-
pium : hódie vinum ex aqua fa-
ctum est ad núptias : hódie in
Jordáne a Joánne Christus bap-
tizári vóluit, ut salváret nos, alle-
lúia.

ŷ. Omnes de Saba venient, allelúia. **R.** Aurum et thus deferentes, allelúia.

Orémus. **Oratio.**

DEUS, qui hodiérna die Unigénitum tuum Géntibus stella duce revelásti : concéde propítius ; ut qui jam te ex fide cognóvimus, usquead contemplándam spéciem tuæ celsitúdinis perducámur. Per eúndem Dóminum.

Si octava Epiphaniæ venerit in Dominica, nihil fit de Dominica in ipsa die octava, sed tantum in primis Vesperis diei octavæ fit commemoratio pro secundis Vesperis Dominicæ infra octavam, de qua celebratum est officium eodíe, Antiphona. Fili, quid fecísti nobis sic ? ut supra. 203. ŷ. Omnes de Saba. Qui versus etiam dicitur, quando octava Epiphaniæ venerit in Feria secunda, pro commemoratione Dominicæ in j. Vesperis diei octavæ.

IN DIE OCTAVA EPIPHANIÆ.

Duplex.

In j. Vesperis omnia dicuntur sicut in j. Vesperis Epiphaniæ. excepta Oratione, quæ dicitur ut sequitur.

Oratio.

DEUS, cujus Unigénitus in substantia nostræ carnis apparuit : præsta quæsumus ; ut per eum, quem símilem nobis foris agnóvimus, intus reformári mereámur. Qui tecum vivit et regnat in unitate Spíritus sancti Deus per ómnia sæcula sæculórum. **R.** Amen.

AD MATUTINUM.

Invitatorium, Hymnus, et Psalmi, ut infra Octavam ; cetera dicuntur sicut in die Epiphaniæ, præter Lectiones.

In primo Nocturno leguntur Lectiones de Epístola prima ad Corinthios, quæ occurrunt secundum superiorem rubricam.

IN II. NOCTURNO.

Sermo S. Gregórii Nazianzénii.

*Oratione in sancta lumina.***Lectio iv.**

NON possum cohibere lætitiæ voluptatem, sed mente extolor, et afficior: et propriæ pusillitatis oblitus, officium magni Joánnis, immo pótius famulátum subíre conténdo ac géstio: et licet non sim præcúrsor, de erémo tamen vénio. Christus ergo illuminátur, immo pótius fulgóre suo nos illúminat: Christus baptizátur, simul et nos descendámus, ut cum ipso páriter ascendámus.

R. Illumináre, illumináre, Jérúsalem, quia venit lux tua: * Et glória Dómini super te orta est. **V.** Et ambulábunt gentes in lúmine tuo, et reges in splendóre ortus tui. Et glória Dómini super te orta est.

Lectio v.

JOANNES baptizat, et accédit Jesus, sanctificans quidem et ip-

sum qui baptizat, præcípue tamen ut et véterem Adam sepéliat in aquis, et ante ómnia, ut per hæc sanctificéntur aquæ Jordánis: ut sicut erat spíritus et caro, ita et his, qui baptizándi erant in spíritu et aqua sanctificatiónis succéssio traderétur. Non súscipit Baptísta, conténdit Jesus. Ego, inquit, opus hábeo a te baptizári. Lucérna dicit ad solem, et vox lóquitur ad verbum.

R. Omnes de Saba vénient, aurum et thus deferéntes, et laudem Dómino annuntiántes. * Allelúia, allelúia, allelúia. **V.** Reges Tharsis et insulæ múnera ófferent, reges Arabum et Saba dona addúcent. Allelúia, allelúia, allelúia.

Lectio vj.

ASCENDIT Jesus de aqua, secum quodámmodo demersum edúcens et élevans mundum: et vidit non dívidi cœlum, sed aperíri, quod sibi ac nobis post se

aliquándo Adam ille conclúserat: sicut et ígneo gládio paradísus fúerat conclúsus. Spíritus sanctus testimónium pérhibet: simília namque sibi ipsa concúrunt. De cœlo testimónium defératur: inde enim erat ille, cui testimónium perhibétur.

R. Magi veniunt ab Oriénte Jerosólymam quæréntes, et dicéntes: Ubi est qui natus est, cujus stellam vídimus? * Et vénimus adoráre Dóminum. **V.** Vídimus stellam ejus in Oriénte. Et vénimus adoráre Dóminum. Glória Patri, et Fílio, et Spíritui sancto. Et vénimus adoráre Dóminum.

IN III. NOCTURNO.

Léctio sancti Evangélii secúndum Joánnem.

Lectio vij. Cap. 1. d.

In illo témpore: Vidit Joánnes Jesum veniéntem ad se, et ait: Ecce Agnus Dei, ecce qui tollit peccátum mundi. Et réliqua.

Homilía S. Augustini Episcopi.
Tractat. 6. in Joann. ante med.

ANTEQUAM veniret Dóminus ut baptizarétur a Joáñne in Jordáne, nóverat eum illis vóçibus, ubi ait: Tu ad me venis baptizári? ego a te débito baptizári. Sed ecce Dóminum nóverat, nóverat Fílium Dei. Unde probámus quod jam nóverat, quia ipse baptizáret in Spíritu sancto? Antequam veniret ad flúvium, cum multi ad Joáñnem cúrrerent baptizári, ait illis: Ego quidem baptizo vos in aqua: qui autem post me venit, major me est, cujus non sum dignus corrigiam calceaménti sólvete: ipse vos baptizábit in Spíritu sancto et igni. Jam et hoc nóverat.

R. Stella, quam viderant Magi in Oriénte, antecédébat eos, donec venirent ad locum, ubi puer erat. * Vidéntes autem eam, gávisi sunt gáudio magno. **V.** Et intrántes domum, invenérunt púe-

rum cum Mariá matre ejus, et prociðentes adoravérunt eum. Vidéntes autem eam, gavísi sunt gáudio magno.

Lectio viij.

Quid ergo per colúmbam didicit, ne mendax póstea inveniátur (quod avértat a nobis Deus opinári) nisi quamdam proprietátem in Christo talem futúram, ut quamvis multi ministri baptizáturi essent, sive justí, sive injústi, non tribuerétur sáncritas baptísmi, nisi illi, super quem descendit colúmba, de quo dictum est: Hic est qui baptízat in Spírítu sáncito? Petrus baptizet, hic est qui baptízat: Paulus baptizet, hic est qui baptízat: Judas baptizet, hic est qui baptízat. Nam si pro diversitáte meritórum baptísma sáncitum est: quia diversa sunt mérita, diversa erunt baptísmata: et tanto quisque áliquíd mélius putátur accípere, quanto a melióre vidétur accepísse.

R. Vidéntes stellam Magi, gavísi sunt gáudio magno: * Et intrántes domum, invenérunt púerum cum Mariá matre ejus, et prociðentes adoravérunt eum. * Et apértis thesáuris suis obtulé- runt ei múnera, aurum, thus, et myrrham. **V.** Stella, quam vide- rant Magi in Oriénte, antecede- bat eos, usque dum véniens staret supra ubi erat puer. Et intrántes domum, invenérunt púerum cum Mariá matre ejus, et prociðentes adoravérunt eum. Glória Patri, et Filio, et Spírítui sáncito. Et apértis thesáuris suis obtulé- runt ei múnera, aurum, thus et myr- rham.

Lectio ix.

Ipsi sánciti, (intelligite fratres) boni pertinéntes ad colúmbam pertinéntes ad sortem civitátis illíus Jerúsalem, ipsi boni in Ecclé- sia, de quibus dicit Apóstolus: Novit Dóminus qui sunt ejus: di- versárum gratiárum sunt, non

omnes pária mérita habent. Sunt álii áliis sanctiôres, sunt álii áliis meliôres. Quare ergo si unus ab illo, verbi grátia, justo, sancto baptizétur, álius ab álio inferioris mériti apud Deum, inferioris gradus, inferioris continéntiæ, inferioris vitæ ; unum tamen et par et æquále est quod accepérunt : nisi quia hic est, qui baptizat ?

Te Deum laudámus. 56.

Ad Laudes, per Horas, et in ij. Vesperis omnia dicuntur sicut in die Epiphaniæ, excepta Oratione, quæ est Deus cujus Unigénitus, ut supra. 205.

Si octava Epiphaniæ venerit in Sabbato, in secundis Vesperis octavæ fit com. Dñicæ ij. post Epiph.

Añã. Suscépit Deus Israel puerum suum : Sicut locútus est ad Abraham et semen ejus : exaltáre húmiles usque in sæculum.

ŷ. Vespertina orátio ascéndat ad te Dómine. **R.** Et descéndat super nos misericórdia tua.

Oratio. **O**MNIPOTENS sempitérne Deus, qui cœléstia simul et terréna moderáris: supplicatiónes pópuli tui cleménter exáudi, et pacem tuam nostris concéde temporibus. Per Dóminum.

DOMINICA PRIMA

POST EPIPHANIAM, QUÆ EST INFRA OCTAVAM.

In primo Nocturno, legitur Epistola prima ad Corinthios, secundum superiorem rubricam, p. 186.

Incipit Epístola prima beáti Pauli Apostoli ad Corinthios.

Lectio j. Cap. 1.

PAULUS vocátus Apóstolus Jesu Christi per voluntátem Dei, et Sósthene frater, Ecclésiæ Dei quæ est Corinthi, sanctificátis in Christo Jesu, vocátis sanctis ; cum ómnibus qui invocant nomen Dómini nostri Jesu Christi, in ómni loco ipsórum, et nostro. Grátia vobis et pax a Deo Patre

nostro, et Dómino Jesu Christo.

R. Hódie in Jordáne, baptizáto Dómino apérti sunt cœli, et sicut colúmba super eum Spíritus mansit, et vox Patris intónuit : * Hic est Fílius meus diléctus, in quo mihi bene complácul. **V.** Descéndit Spíritus sanctus corporáli spécie sicut colúmba in ipsum, et vox de cœlo facta est. Hic est Fílius meus diléctus, in quo mihi bene complácul.

Lectio ij.

GRATIAS ago Deo meo semper pro vobis in grátia Dei, quæ data est vobis in Christo Jesu : quod in ómnibus dívites facti estis in illo, in omni verbo, et in omni sciéntia sicut testimónium Christi confirmátum est in vobis : ita ut nihil vobis desit in ulla grátia, expectántibus revelatióem Dómini nostri Jesu Christi, qui et confirmábit vos usque in finem sine crimine, in die advéntus Dómini nostri Jesu Christi. Fidélis Deus,

per quem vocáti estis in societátem Fílii ejus Jesu Christi Dómini nostri.

R. In colúmbæ spécie Spíritus sanctus visus est, patérna vox audíta est : * Hic est Fílius meus diléctus, in quo mihi bene complácul. **V.** Cœli apérti sunt super eum, et vox Patris intónuit. Hic est Fílius meus diléctus, in quo mihi bene complácul.

Lectio iij.

OBSECRE autem vos, fratres, per nomen Dómini nostri Jesu Christi, ut idípsum dicáti omnes, et non sint in vobis schísmata : sitis autem perfécti, in eódem sensu, et in eádem senténtia. Significátum est enim mihi de vobis, fratres mei, ab iis qui sunt Chloes, quia contentiónes sunt inter vos. Hoc autem dico, quod unusquisque vestrum dicit : Ego quidem sum Pauli : ego autem Apóllo ; ego vero Cephæ : ego autem Christi. Divísus est Christus?

Numquid Paulus crucifixus est pro vobis? aut in nomine Pauli baptizati estis?

R. Reges Tharsis et insulae munita offerent: * Reges Arabum et Saba dona Domino Deo adducent. **V.** Omnes de Saba venient, aurum et thus deferentes. Reges Arabum et Saba dona Domino Deo adducent. Gloria Patri, et Filio et Spiritui sancto. Reges Arabum et Saba dona Domino Deo adducent.

In secundo et tertio Nocturno leguntur Lectiones Dominicae infra Octavam. 190.

Si vero dies octava venerit in Dominica, dicuntur de die octava. 206.

FERIA SECUNDA.

De Epistola prima ad Corinthios.

Lectio j. Cap. 2.

ET ego, cum venissem ad vos, fratres, veni non in sublimitate sermonis, aut sapientiae, annuntians vobis testimonium Chri-

sti. Non enim iudicavi me scire aliquid inter vos, nisi Jesum Christum, et hunc crucifixum. Et ego in infirmitate, et timore, et tremore multo fui apud vos: et sermo meus, et praedicatio mea non in persuasibilibus humanae sapientiae verbis, sed in ostensione spiritus et virtutis: ut fides vestra non sit in sapientia hominum, sed in virtute Dei.

Lectio ij.

SAPIENTIAM autem loquimur inter perfectos: sapientiam vero non hujus saeculi, neque principum hujus saeculi, qui destruuntur: sed loquimur Dei sapientiam in mysterio, quae abscondita est, quam praedestinavit Deus ante saecula in gloriam nostram, quam nemo principum hujus saeculi cognovit: si enim cognovissent, nunquam Dominum gloriae crucifixissent. Sed sicut scriptum est: Quod oculus non vidit, nec

auris audívit, nec in cor hóminis ascéndit, quæ præparávit Deus iis, qui díligunt illum.

Lectio iij.

NOBIS autem revelávit Deus per spíritum suum. Spíritus enim ómnia scrutátur, étiam profúnda Dei. Quis enim hóminum scit quæ sunt hóminis, nisi spíritus hóminis qui in ipso est? Ita et quæ Dei sunt, nemo cognóvit, nisi Spíritus Dei. Nos autem non spíritum hujus mundi accépi-
mus, sed Spíritum, qui ex Deo est: ut sciámus quæ a Deo donáta sunt nobis: quæ et lóquimur non in doctis humánæ sapiéntiæ verbis, sed in doctrína Spíritus, spirituálibus spirituália comparátes.

FERIA TERTIA.

De Epístola prima ad Corínthios.

Lectio j. Cap. 5.

OMNINO audítur inter vos fornicátio, et talis fornicátio, qualis nec inter Gentes, ita ut

uxórem patris sui áliquis hábeat. Et vos infláti estis: et non magis luctum habuístis, ut tollátur de médio vestrum, qui hoc opus fecit. Ego quidem absens córpore præsens autem spíritu, jam judicávi ut præsens, eum qui sic operátus est, in nómine Dómini nostri Jesu Christi, congregátis vobis et meo spíritu, cum virtúte Dómini nostri Jesu, trádere hujusmodi Sátanæ in intéritum carnis, ut spíritus salvus sit in die Dómini nostri Jesu Christi.

Lectio ij.

NON est bona gloriátio vestra. Nescítis quia módicum ferméntum totam massam corrúmpit? Expurgáte vetus ferméntum, ut sitis nova conspérsio, sicut estis ázymi. Etenim Pascha nostrum immolátus est Christus. Itaque epulémur, non in ferméto véteri, neque in ferméto malítiæ, et nequitiæ, sed in ázymis sinceritátis et veritátis.

Lectio iij.

SCRIPSI vobis in epístola : Ne commisceámini fornicáriis. Non útique fornicáriis hujus mundi, aut aváris, aut rapácibus, aut idólis serviéntibus : alióquin debuerátis de hoc mundo éxiísse. Nunc autem scripsi vobis, non commiscéri : si is, qui frater nominátur, est fornicátor, aut avárus, aut idólis sérvuens, aut malédicus, aut ebriósus, aut rapax : cum hujúsmodi nec cibum súmere.

FERIA QUARTA.

De Epístola prima ad Corínthios.

Lectio j. Cap. 6.

AUDET aliquis vestrum habens negotium advérsus alterum judicári apud iníquos, et non apud sanctos ? An nescitis quóniam sancti de hoc mundo judicábunt ? Et si in vobis judicábitur mundus, indigni estis qui de mínimis judicéti ? Nescitis quóniam ángelos judicábimus ?

quanto magis sæculária ? Sæculária igitur judícia si habueritis : contemptíbles, qui sunt in Ecclesia, illos constituíte ad judicándum. Ad verecúndiam vestram dico. Sic non est inter vos sapiens quisquam, qui possit judicáre inter fratrem suum ? Sed frater cum fratre judicio conténdit : et hoc apud infidèles ?

Lectio ij.

JAM quidem omnino delictum est in vobis, quod judícia habétis inter vos. Quare non magis injúriam accípitis ? quare non magis fraudem patímmini ? Sed vos injúriam fácitis, et fraudátis, et hoc frátribus. An nescitis quia iníqui regnum Dei non possidébunt ? Nolíte erráre : Neque fornicárii, neque idólis serviéntes, neque adúlteri, neque molles, neque masculórum concubitóres, neque fures, neque avári, neque ebriósi, neque malélici, neque rapáces, regnum Dei possidébunt. Et hæc

quidam fuistis: sed abluti estis, sed sanctificati estis, sed justificati estis in nomine Domini nostri Jesu Christi, et in Spiritu Dei nostri.

Lectio iij.

OMNIA mihi licent, sed non omnia expediunt: Omnia mihi licent, sed ego sub nullius redigar potestate. Esca ventri, et venter escis: Deus autem et hunc et has destruet: corpus autem non fornicationi, sed Domino: et Dominus corpori. Deus vero et Dominum suscitavit: et nos suscitabit per virtutem suam. Nescitis quoniam corpora vestra membra sunt Christi? Tollens ergo membra Christi, faciam membra meretricis? Absit. An nescitis, quoniam qui adhæret meretrici, unum corpus efficitur. Erunt enim (inquit) duo in carne una. Qui autem adhæret Domino, unus spiritus est. Fugite fornicationem.

FERIA QUINTA.

De Epistola prima ad Corinthios.

Lectio j. Cap. 7.

DE quibus autem scripsistis mihi: Bonum est homini mulierem non tangere: propter fornicationem autem unusquisque suam uxorem habeat et unaquæque suum virum habeat. Uxori vir debitum reddat: similiter autem et uxor viro. Mulier sui corporis potestatem non habet, sed vir. Similiter autem et vir sui corporis potestatem non habet, sed mulier.

Lectio ij.

NOLITE fraudare invicem nisi forte ex consensu ad tempus, ut vacetis orationi: et iterum revertimini in idipsum, ne tentet vos Sathanas propter incontinentiam vestram. Hoc autem dico secundum indulgentiam, non secundum imperium. Volo enim omnes vos esse sicut meipsum: sed unusquisque proprium do-

num habet ex Deo : álius quidem sic, álius vero sic. Dico autem non nuptis et víduis : Bonum est illis si sic permáneant, sicut et ego. Quod si non se cóntinent, nubant. Mélius est enim núbere quam uri.

Lectio iij.

Iis autem, qui matrimónio juncti sunt, præcipio non ego, sed Dóminus; uxórem a viro non discédere : quod si discésserit, manére innúptam, aut viro suo reconciliári. Et vir uxórem non dimittat. Nam cæteris ego dico, non Dóminus. Si quis frater uxórem habet infidélem, et hæc conséntit habitáre cum illo, non dimittat illam. Et si qua múlíer fidélis habet virum infidélem, et hic conséntit habitáre cum illa, non dimittat virum : sanctificátus est enim vir infidélis per muliérem fidélem, et sanctificáta est múlíer infidélis per virum fidélem : alióquin filii vestri im-

múndi essent, nunc autem sancti sunt.

FERIA SEXTA.

De Epístola prima ad Corínthios.

Lectio j. Cap. 13.

Si linguis hóminum loquar et Angelórum, caritátem autem non hábeam, factus sum velut æs sonans, aut cymbalum tíniens. Et si habúero prophetíam, et nóverim mystéria ómnia, et omnem sciéntiam : et si habúero omnem fidem, ita ut montes tránsferam, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum, ita ut árdeam ; caritátem autem non habúero, nihil mihi prodest.

Lectio ij.

CARITAS pátiens est, benigna est : caritas non æmulátur, non agit pérperam, non inflátur, non est ambitiósá, non quærit quæ sua sunt, non irritátur, non cógitat

malum, non gaudet super iniquitate, congruet autem veritati: omnia suffert, omnia credit, omnia sperat, omnia sustinet. Caritas numquam excidit; sive prophetiae evacuabuntur, sive linguae cessabunt, sive scientia destruetur. Ex parte enim cognoscimus, et ex parte prophetamus. Cum autem venerit quod perfectum est, evacuabitur quod ex parte est.

Lectio iij.

CUM essem parvulus, loquebar ut parvulus, sapiebam ut parvulus, cogitabam ut parvulus. Quando autem factus sum vir, evacuavi quae erant parvuli. Videmus nunc per speculum in aenigmate: tunc autem facie ad faciem. Nunc cognosco ex parte, tunc autem cognoscam, sicut et cognitus sum. Nunc autem manent, fides, spes, caritas, tria haec: major autem horum est caritas.

SABBATO.

De Epistola prima ad Corinthios.

Lectio j. Cap. 16.

DE collectis autem, quae fiunt in sanctos, sicut ordinavi Ecclesiis Galatiae, ita et vos facite. Per unam sabbati unusquisque vestrum apud se seponat, recedens quod ei bene placuerit: ut non, cum venero, tunc collectae fiant. Cum autem praesens fuero: quos probaveritis per epistolas, hos mittam perferre gratiam vestram in Jerusalem. Quod si dignum fuerit ut et ego eam, mecum ibunt.

Lectio ij.

VENIAM autem ad vos, cum Macedoniam pertransiero: nam Macedoniam pertransibo. Apud vos autem forsitan manebo, vel etiam hyemabo: ut vos me deducatis quocumque iero. Nolo enim vos modo in transitu videre: spero enim me aliquantulum temporis manere apud vos, si Domi-

nus permiserit. Permanebo autem Ephesi usque ad Pentecosten. Ostium enim mihi apertum est magnum et evidens : et adversarii multi.

Lectio iij.

SI autem venerit Timotheus, videte ut sine timore sit apud vos : opus enim Domini operatur, sicut et ego. Ne quis ergo illum spernat : deducite autem illum in pace, ut veniat ad me : exspecto enim illum cum fratribus. De Apollo autem fratre vobis notum facio, quoniam multum rogavi eum, ut veniret ad vos cum fratribus ; et utique non fuit voluntas, ut nunc veniret : veniet autem, cum ei vacuum fuerit. Vigilate ; state in fide, viriliter agite, et confortamini. Omnia vestra in caritate fiant.

DIE XI. JANUARI,

Fit commemoratio S. Hygini Papae et Martyris, infra Octavam Epiphaniae.

Ad Vesperas.

Añã. Iste sanctus pro lege Dei sui certavit usque ad mortem, et a verbis impiorum non timuit : fundatus enim erat supra firmam petram.

ŷ. Gloria et honore coronasti eum, Domine. *ŷ.* Et constituisti eum super opera manuum tuarum.

Oratio.

INFIRMITATEM nostram respice, omnipotens Deus : et quia pondus propriae actionis gravat, beati Hygini Martyris tui atque Pontificis intercessio gloriosa nos protegat. Per Dominum.

Ad Laudes.

Añã. Qui odit animam suam in hoc mundo, in vitam aeternam custodit eam.

ŷ. Justus ut palma florabit. *ŷ.*

Sicut cedrus Libani multiplicabitur.

Oratio. Infirmi^{ta}tem. ut supra.

DIE XIII. JANUARI.

In ij. Vesperis diei Octavæ Epiphaniæ fit commemoratio S. Hilarii Episc. Conf. et Eccl. Doct.

Añã. O Doctor óptime Ecclésiæ sanctæ lumen, beáte Hilári, divínæ legis amátor, deprecáre pro nobis Filium Dei.

ŷ. Amávit eum Dóminus et ornávit eum. **Ꝟ.** Stolum glóriæ induit eum.

Oratio.

DEUS qui pópulo tuo æternæ salutis beátum Hilárium místrum tribuísti : præsta quæsumus ; ut quem Doctórem vitæ habúimus in terris, intercessórem habére mereámur in cœlis. Per Dóminum.

A PAPA URBANO VIII

EDITA.

ANTE óculos tuos, Dómine, culpas nostras férimus, et plagas quas accépimus conférimus.

Si pensámus malum quod féci-
mus, minus est quod pátimur,
majus est quod merémur.

Grávius est quod commísimus,
lévius est quod tolerámus.

Peccáti pœnam sentímus, et
peccánda pertináciam non vitá-
mus.

In flagéllis tuis infirmitas no-
stra téritur, et iníquitas non mu-
tátur.

Mens ægra torquétur, et cervix
non fléctitur.

Vita in dolore suspirat, et in
óperè non se eméndat.

Si expéctas, non corrígimur :
si víndicas, non durámus.

Confitémur in correctióne quod
égimus : obliviscimur post visi-
tatióne[m] quod flévimus.

Si exténderis manum, faciéndam promíttimus : si suspénderis glá-
dium, promissa non sólvimus.

Si férias, clamámus ut parcas :
si pepérceris, íterum provocá-
mus ut férias.

Habes, Dómine, confiténtes
reos : nóvimus quod nisi dimít-
tas, recte nos périmas.

Præsta, Pater omnipotens sine
mérito quod rogámus, qui feci-
sti ex nihilo qui te rogárent. Per
Christum Dóminum nostrum.
Amen.

Ÿ. Gregem tuum, Pastor ætér-
ne, non déseras.

℞. Sed per beátos Apóstolos
tuos perpétua defénsione custó-
dias.

Ÿ. Prótege, Dómine, pópulum
tuum ad te clamántem, et Apo-
stolorum tuórum patrocínio con-
fidéntem.

℞. Perpétua defénsione custódi.

Ÿ. Oráte pro nobis, sancti Apó-
stóli Dei,

℞. Ut digni efficiámur promís-
sionibus Christi.

Oratio.

PRÆSTA, quæsumus, omnipotens
Deus, ut nullis nos permíttas
perturbatióibus cóncuti, quos
in Apostólicæ confessiósni petra
solidásti. Per Dóminum nostrum
Jesum Christum Fílium tuum :
Qui tecum vivit et regnat in uni-
tate Spíritus sancti, Deus, per
ómnia sæcula sæculórum. Amen.

IMPORET, clementíssime Dómi-
ne nostris opportunam necessi-
tátibus opem devóte a nobis pro-
láta meditátio, qua sanctus olim
Joánnes Chrysóstomus, in hac
Basilica cónditus, te cum beatis-
simis Apóstolis Petro et Paulo re-
præsentávit sic colloquéntem :
Circúmdate hanc novam Sion, et
circumvalláte eam, hoc est, cu-
stodíte, muníte, précibus firmá-
te, ut quando iráscor in témpore,
et orbem terræ concútió, aspi-
ciens sepúlchrum vestrum nun-


quam desitūrum, et quæ libenter propter me géritis stigmata, iram misericórdia vincam, et ob hanc percípiam vestram intercessiónem. Etenim quando Sacerdótium et Regnum vídeo lacrymári, statim quasi compátiens ad commiseratiónem flector, et illius meæ vocis reminíscor, Prótegam Urbem hanc propter David servum meum, et Aaron sanctum meum : Dómine, fiat, fiat, Amen, amen.

Cum Officium in festo Epiphaniæ D. N. J. C. et per Octavam recitandum, a Veñli Dño G. Van Caster ecclesiæ nostræ metropolitanæ Canonico honorario, pro majori recitantium commoditate dispositum et completum, a Sacra Rituum Congregatione revisum sit et approbatum, præsentem memorati Officii editionem, opera typographi nostri H. Dessain jam absolutam et cum Originali exemplari concordantem, approbamus et evulgandi licentiam damus.

Mechliniæ, die 2 Junii 1890.

† **PETRUS LAMBERTUS, CARD. GOOSSENS,**
Archiepiscopus Mechlinien.

MECHLINIÆ, H. DESSAIN. — MDCCCXC.



E NUEV
BLIOTE

0